

অক্ষকান

মাহেকীয়া সাহিত্য সংকলন
বিষ্ণুপ্রিয়া মণিপুরী

৪র্থ বছর, ৬ষ্ঠ সংখ্যা
৭ই ভাদ্র, ১৪১৪ সন।

IVth year, vol. VI
3rd September, 2007



শুভ উদ্বোধন
১ মাঘ, ১৪১১ সন

সম্পাদক
মণিপুরী
ভাঃ বনসেবা (অঃ প্রাপ্ত)

APARUPA

A monthly, Sahitya Sankalan, Published in Bishnupriya Manipuri Language, Printed at Angelica Imprint, Harabala Market, G.M.C.H. Road, Guwahati - 5

Editor

M. K. Sinha, IFS (Retd.)

Publisher

Shankar Sinha
Rajgarh Road
Guwahati - 7

Cover Designed by

Angelica Imprint
G.M.C.H. Road, Guwahati - 5

Copy Right

M. K. Sinha, IFS (Retd.)
Guwahati - 7

Price

Rs. 25.00 only.

প্রচ্ছদপট :

মুঙৰ মলাটৰ ফটো
পিঠিৰ মলাটৰ ফটো
শ্রীমতি কল্পনা সিংহৰ প্ৰযত্নে।

স্বাধীনোত্তর ৬০ বছরে ভারতের জাতীয় উন্নয়ন

ভারতবর্ষের ৩১ কোটি মানুষ এবাকাউ দরিদ্র সীমারেখার তলে। আন্তর্জাতিক দরিদ্র সীমারেখা জাপক, আয় ১ ডলারের কম (world bank)। ভারতের ১২০ কোটি মানুষের ৯৫ শতাংশ অদক্ষ। পৃথিবীর এক তৃতীয়াংশ নিরক্ষর মানুষের ভারতবর্ষে। বিশ্বের ৪৪ হান গজর থাকর ব্যবসায়িক ক্ষেত্রে ভারত ৩৬তম, বাণিজ্যিক ৪৬ হান দেশেরমা ভারত ৩৮তম। বিশ্বের ১০০০ হান শ্রেষ্ঠ বিশ্ববিদ্যালয়েরমা ভারতের IIT Mumbai ৬৩৩তম। Bangalore Indian Institute of Science ৬৭০তম। আমার দেশের নগণ্য মধ্যবিত্ত মানুষের সংখ্যা, বহু বরা-বালা হুরকাং দেশের জনসংখ্যাত বহু নিয়াম। বিশ্বায়নের দৌলতে আমারতা standard of living কাইল। আধুনিক বিশ্বায়নের বারপজা, আধুনিক বিশ্বায়নের দরে-দামে লইতে, আমার গ্রামীণ দর-দামে কামেইয়ার ধন-পয়সার নাজুড়ের। লাখপতি, কোটিপতির পয়সালো আমার GDP-9.4, PCI-8072 অইল।

অর্থনীতিবিদর মতে, কৃষিজ আয়-বৃদ্ধি নাইলে, দেশের উন্নতি নার, দেশের Growth Rate নাবাড়ের। এবাকা ভারতবর্ষের, আক্হানেই চিত্তা, কিসাদে দেশের অর্থনীতি দরা-পাকানা করানি, অর্থভাভারগ চাংখল করানি। কৃষিত উদ্যোগে আয় নিয়াম। বিশ্বায়নে ভারতের আহিগী এবাকা শিল্পায়নে, উদ্যোগী করনে। GDP-double digit করানি। বিশ্বায়নে দেশের বরা-বালার ধন-সম্পদ বাড়তৈ হাইহান, কিন্তু সাধারণ জনতার দরিদ্রতা কম নাইতৈ। আমেরিকার John D. Rockefeller এ মাতেছিল- The great way of life is to live for others. জামসেদজী টাটায় মাতেছিল- There cannot be a better sacrifice and idealism than living an ashramite life working for the improvement of human beings and to improve their natural surroundings. পত্র-পত্রিকায় এবাকা নিক্তা ইকরতার সরকারের ধন-পয়সা বিকাশর কামে খরচ নায়া, পুজিপতি, নেতা, রাজকর্মচারীর পকেটে হমারগা।

যে দেশে শঙ্করাচার্য, চৈতন্যদেব, বিবেকানন্দ, দয়ানন্দ সরস্বতী, বাল গঙ্গাধর তিলক, মহাত্মা গান্ধী, সর্দার বল্লভভাই পেটেল, ডঃ রাজেন্দ্র প্রসাদ, পণ্ডিত জওহরলাল নেহেরু, সর্বপল্লী রাধাকৃষ্ণন, গোপীনাথ বরদলৈ, ডঃ বিধান চন্দ্র রায়, গান্ধির সাদানে মানুষ জরম অছিল, ঐ দেশে আজি এ হরিলুটর মানুষ এতা কোরাংতো আইলাতা? In 'The reason why the British ruled India for so long' লেরিক হানাং ব্রিটিশ ঐতিহাসিক, G.M. Terevelyan গিরকে ইকরেছে - "(i) We were looked upon as a nation which kept our promises; and (ii) as rulers, we took no bribes.

Fali S. Nariman গিরকে, আমার স্বাধীনোত্তর দেশের এবাকার অবস্থা সম্পর্কে এসাদে মাতেছে - 'Public servants in British India, as a class, were not dishonest. But today we cannot say the same. There are two types of corruption: secret, isolated, they happen everywhere, they are endemic - they take place without infecting the body politic. The other type is which has engulfed us - it is known as tidal corruption: it floods the entire state apparatus including those at the centre of power. I cannot visualise an era of Good Government in India until we take active steps to exorcise graft and corruption from public life. There is another down-side to the moral degradation in Indian politics. When promises are broken by sovereign nations, when it is believed that its leaders and officials (or a majority of them) are corrupt and take bribes, it devalues and debases the people: actions of governments have an ever widening ripple effect on the general social milieu of the time. In our country, those in positions of power are looked upto - frowned upon - as "great men" and the Bhagwad Gita says that whatsoever a great man does that very thing other men also do; whatever standard he sets up the generality of men follow the same. We the people learn by the example of our leaders - not by the precepts they hypocritically profess, and proclaim.

Service quality, responsibility, truthfulness, righteousness, nobility আমার জাতীয় চরিত্রে নেয় পড়িলগা। শিক্ষার অবক্ষয় ঐল। উন্নতি বিপর্যাস্ত ঐল। গ্রামীণ ভারতবর্ষের উন্নতি নাইল। খেতিয়কর উন্নতি নাইল। খেতি-বাতির উন্নতি নাইল। দেশের ধন-সাম্পাল, বরা-বালার আতেই থাইল। লেইরাপাতা, লেইরা ঐয়াই থাইলা। বরা, পুজিপতি মানুষের আতর পইসালো ভারত জগতে অর্ধশালী দেশ বুলিয়া নাঙ কামেইলো।

এহান মাতানি অনুচিত ঐতৈ যে, দেশের পঞ্চবার্ষিকী পরিকল্পনার মাধ্যমে আমারতা উন্নতি সুপকরেই নাছে। Standard of living, socio-economic condition - উন্নত অছে। দরিদ্রতা ৬০ শতাংশ আছিল, এবাকা ২৭ শতাংশ।

স্বাধীনোত্তর ৬০ বছরে ভারতের বিকাশ অছে, ঐশ্বর্য্য ময় জগৎ সভায় ভারত, ঐশ্বর্য্যর আসন পাছে। প্রাকস্বাধীন ২৩গ কোটি পতির ফামে এবাকা এক লক্ষ আরব পতি, দুই লক্ষ কোটিপতি। কিন্তু লেইরাপাতার নিংখা দিনকে দিন বাড়ি অয়ারগা। আরবপতি, কোটিপতি উতার ধনল আমার গড় আয় দেহুয়ানিহান, পদ্ধতি ঐতে পারে, কিন্তু আমারকা অখইন। ধনে মদ মত্ত ধন পিপাসু ধনবান, নৈতিকতা নেই মানুষ যেপেই দেশের চালকদার ঐতার, উপেয় সর্বাদীন উন্নতি ব্যাঘাত অর। চেইক - গরীব হটেরতা না গরীব হটতারতা!

সম্পাদক

অপরূপা

মাহেকীয়া সাহিত্য সংকলন

বিষ্ণুপ্রিয়া মণিপুরী

৪র্থ বছর, ৬ষ্ঠ সংখ্যা
১৭ই ভাদ্র, ১৪১৪ সন।

IV th. year, vol. VI.
3rd September, 2007.

এ সংখ্যা

নাপানি ঔহানর নাং জীবন



যারে যায় না পাওয়া, তারই হাওয়া লাগল কেন মনে? কিহান আহান এবাকাউ লমকরে নুয়ারেসি। এবাকাউ বাকি থায়ল পারা। ডর নাপেই সেনাতল, সংসার এহান ইমে এসাদেহান। নামেব কেবলম। জীবনর অর্থহীনতা? যেহান নাপেইতাঙায়, ঔহানর সালে, যেগরে নাপেইতাঙাই, ঔগর সালে, ঔগরে পানার সালে, হংনা করানিরমা আমার জীবন এহানর সার্থকতা।

- সমরজিৎ সিংহ, পৃঃ-১৩

চৌধুরী গোলাপচান



পুলদেছি দৌলিশিং, দৌলাশা। ব্রহ্মর্ষি, রাজর্ষি, জ্ঞানী, গুণী গিরিগিধানী। সূর্যবংশর, চন্দ্রবংশর আওইপা দারানাল ক্ষত্রিয়- আমি কমতা নাগই। তৃতীয় পাভব-বার ইমা চিত্রাঙ্গদার পুতক বজ্রবাহন। কুরুক্ষেত্র যুদ্ধর পিছে হস্তিনাপুরেংত - আহিতে আনেছিল শঙ্খ - চক্র - গদা - পদ্মধারী শ্রীবিষ্ণু মূর্তি প্রতিষ্ঠা করেছিল মণিপুরর বিষ্ণুপুরে। তার পুতক দত্তমুনি। তার পুতক লিক্সাখম্বা। তার পুতক কালারাজ। সমাজ এহানরে আর্থাবর্তর তুল মহাভারতল সামদেদিল সভামাপুয়ে।

- ডঃ সূতি কুমার সিংহ, পৃঃ-১৬

মিচো মামা নানির আনাংসা



মালেমর হাবিত্ত পুরানা বারো জেঠাধর্মহান হিন্দুধর্ম। মাতানি থক নেয়, হরু অইতে অইতে হিন্দুধর্মহান ভারতেই সীমাবদ্ধ অয়া থাইল। হিন্দুত্ব জামি যাকরের, আহানি নাকরের, এরে লিচেত এহান টাঙয়া প্রকট অছে। অবতার শিরোমণি কলিযুগর চিনতামণি চৈতন্য মহাপ্রভুয়ে মুচি, চামার, মেথর, মুসলমান হাবিরে কলকরেসিল। হিন্দুর অস্তিত্ব অচিরেই লয়ইতৈ এরে আরোপী যারি এহান কালজয়ী মহাপ্রভু ছাড়া হারপানাসিলা।

- অরুণ কুমার চক্রবর্তী, পৃঃ-৩১

এ সংখ্যা আরতা

		পৃষ্ঠা
সম্পাদকীয়		১
প্রকাশকর কথা		৩
চিঠিপত্র মতামত		৩
কবিতা		
জিনার যারী	অমর সিংহ	৮
সমতা	গুরু দেবেন্দ্র সিংহ	৭
মনাউরি মি	কাম্বন বরণসিংহ	৮
ফালু ফালু	কবি বীরেন্দ্র কুমার সিংহ	৮
বেয়াপা	নিরুপমা সিংহ	৯
মেনকা	পিন্টু সিংহ	১০
হবা অ	অমর সিংহ	১১
হে কবি	শ্যামল সিংহ	১১
খেতির নীতিকথা	-দৃষ্টিকোণ	৯
দিশাহারা	নমিতা সিংহ	৯
জিনার মাহাত্ম্য	আশুকাঙ্কি সিংহ	৮
শেষ প্রেম	মণীন্দ্র কুমার	১০
ছড়া		
ছড়া	সরালে সিংহ	১২
গল্প		
মহাদ্রর বিড়িপিনা	বিভূতি ভূষণ সিংহ	২৫
সহজং কন্দ্র কৌন্তেয়...	ডঃ মনি সিং	৩৬
প্রবন্ধ		
দ্বিপান্দী	বলদেব সিংহ	২৭
ইন্দ্রজাল বারো বরণ...	সন্তোষ সিংহ	৩৪
সামাজিক উন্নতি সাধন	লেঃ কর্ণেল বিজয় সিংহ	৪৪
রচনা		
ইশ্বর ভজনাত আমার থাক	ব্রজগোপাল সিংহ	২৮
লুহংর সিংলেইগাছ	বিমলেশ সিংহ	৪৩
শিশু খাদ্য	ডাঃ সুকুমার সিংহ	৪৬
আর আরতা		
জ্যোতিষ	শ্রী ভৃগু	৪৭

মণীন্দ্র কুমার সিংহ

সম্পাদক

৪৭, রাজগড় রোড, গুয়াহাটী - ৭৮১০০৭ এণ্ড শংকর সিংহ কর্তৃক প্রকাশিত, হনুবড়ো পথ, দিশপুর গুয়াহাটী- ৭৮১০০৫, এজেলিকা ইন্সটিট দ্বারা মুদ্রিত Tel. 0361-2524841 Mob. 94353-02702, website: www.aparupaezine.com

প্রকাশকর কথা আকচুটি

অপরূপা ৬ষ্ঠ সংখ্যা ৩রা সেপ্টেম্বর, ২০০৭ ইংরেজীৎ পাঠক - পাঠিকার আতে তুলেদেনা পারানিয়ে হারৌ অছু। আপনার অপরূপারে আপনার মনোমত করে হাজেইয়া নিকালতে নানা কারণে বহু সময় লাগিল। পত্রিকা এহানর মানদন্ড বজায় থইতেগা ডিল পড়েরগা। গেলগা ৩/৪ মাহা এহান পাঠক - পাঠিকার তাগাদামাহী আহেছিল। সম্পাদক গিরকে রাজা অয়দিপাসর ক্রমাংশ, ফটো বারো স্কেচ কতহানরকা বাছেয়া আছিল। ফটো বারো স্কেচ পানার পিছেদে প্রকাশ করানি ঐল। আপনার অপরূপা আপনারে ৫ম সংখ্যার সাদানে হারৌ করে পারতৈ আশা থাইল। ডিলপড়ানিরকা দুঃখিত।

প্রকাশক, অপরূপা

✉ চিঠি পত্র মতামত

(মতামতরকা সম্পাদক, প্রকাশক, পরিচালক মন্ডলী দায়ী নাইগে)

ডাঙর কোংহান ? কাম বার পুষ্টি পালকরানি উহান

সম্পাদক ডাঙরীয়া

সমাজর মি ডাঙর বুলিয়া মনেইতার সভা সমিতির মানুর পেটে গুর গুর করিয়া পেট কামারতারাতা গেলগা ২০০৪ ইংরেজীর শ্রীশ্রীরাধামাধব সেবাপূজা পরিচালন সমিতির কার্যকরী কমিটির শনিছড়া, ধর্ম্মনগর মিটিংর পরেত্ত। তানুর ইচ্ছা ঐলতায় শ্রীশ্রীরাধামাধব কমিটিহান সভা সমিতির অঙ্গ সংগঠন আহান ঐয়া তলে মাতুঙে থানা। যুক্তিহান সভা সমিতি এতা সমাজর ইপুথৌ। তা আর সভা সমিতির গজে কোনোতাউ নেই। নুয়া হঙেতৈ উতা তানুর অঙ্গ সংগঠন ঐয়া থায়তয়।

মোর মনে প্রশ্ন আহান দেহাদের, সভা সমিতি আগে না শ্রীশ্রী রাধামাধব আগে? আমার পুরানা কাগজ উতা আতেইতেগা দেহিয়ার যে শ্রীরাধামাধব কমিটি জরম দেছেতা মহর্ষি শ্রীমৎ পুন্ডরীকাক্ষ ঐইগা গিরকে। শ্রীশ্রীরাধামাধবজী মন্দিরর দানপত্রহান দেহিয়ারতা ১৮৬৬ ইংরেজীৎ অসে। ঐইগা গিরকে পদব্রজে ভারত -বাংলা বুলিয়া প্রভুর ঐ শ্রীধাম উহান চালানির নিঙে পাথারকান্দির মুন্ডমালাত সভা আহান ডাহেসে বার ঔসভায় চাঁদার পরিমাণ, মাহা, ঠিক করে দেসে আমার সমাজর মানু পালসি লয়া অনুযায়ী।

আমি দেহিয়ার ক্ষত্রিয়র সৃষ্টি দাপরেত্ত অসে। বার এবাকায় মনেয়ার উতার উত্তরসূরী হিসাবে আমারে সৃষ্টিত্ত অকরিয়া এবাকা পেয়াউ আমার যষ্টী, ভাত তাংকরানি, লেইমুঙ নিক্কার খেইতে পিতে হাব্বিতাত প্রভুরে স্মরণ করিয়া

অপরূপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

জয়কৃষ্ণ বুলিয়া অকরিয়ার বার প্রভুর নাংহানলই বিজয় করিয়ার। প্রভুর পরেই জায়গাহান দেখিতায় বামুনরে। উতার পিছে ইমা বাবা বুজনরে। শ্রীশ্রীরাধামাধব কমিটিহান, প্রভুর নাংহান, বামুন, বুজন তিনোহানরে নিয়াম মুঙে দিয়া হঙ ছেহান। উদ্দেশ্যহান, শ্রীধামর শ্রীশ্রীরাধামাধবজীউর সেবাপূজা লিটিঙে চালানি বার শ্রীধামর হাব্বিতা ঙাল করানি। কিন্তুমান, সভাসমিতি এতা হংছেতা বুজন, গাবুরাপুয়েই, পুরিজলেই মিলিয়া সভা সমিতির খেয়াল, পুষ্টি, আয় আর আর যারি পরিল।

আইনগত মাঙে গেলগা, যে আইনে সভাসমিতি রেজিষ্ট্রেশন অছে ঐ আইনে শ্রীরাধামাধব কমিটিও রেজিষ্ট্রেশন অছে। সভাসমিতি নিজর নিজর পরিবারল আয় উন্নতি করিয়া নিজর নিজর পরিবারল থায়া সমাজর এ শ্রীশ্রীরাধামাধব সেবাপূজা কমিটিহানরে পাংলাক করানি থক। এহানরে কোনো সভা সমিতির অঙ্গ সংগঠন নিংকরানি উচিত নেই।

আমার মানুর সংগঠনর ডাঙর চিকারি আমি দেখলাং গেলগা মার্চ ২০০৭ ইংরেজীর দুর্লভছড়ার শ্রীরাধামাধব সেবাপূজার বার্ষিক অধিবেশনে।

দৌর সেবা মাতানি থক নেই, হাব্বি প্রভু মানায়ে হারপাছিতা ত্যাগ, নিষ্ঠা, সততা, উহানেই আসল কথাহান। মি নায়লে নায়তয়, মি ছাড়া কিসাদে, এরে চিন্তা এতা ধংসাত্মক ছাড়া কিতাউ নাগয়। এতা হাব্বি বেলেইক। পিচুম দ্বিয়োগির হাদিত প্রভুর চরণ দ্বিয়হানি ধ্যান করিয়া প্রভুর বার সমাজর সেবা করিক। যেগ যে কমিটিতৌ থাইক সমাজর বারাদেতে নাগয়। হাব্বিয়ৌ সমাজর ভিতরে। কুংগ ডাঙর প্রশ্ন না তুলিক। কাম বার পুষ্টি পালকরানি উহানেই আসল কথাহান। প্রভু হাব্বিরে সঠিক পথগর দিশা দিয়াদে। ইতি-

বীরেশ্বর সিংহ, এডভোকেট, কৈলাশর

সম্পাদক গিরক !

Editorial হান অত্যন্ত হবা লাগিল। অত্যন্ত positive note. আপনার এ প্রয়াস এহান বিষ্ণুপ্রিয়া মণিপুরী সাহিত্যর ইতিহাসে বিরাট গুরুত্বপূর্ণ পদক্ষেপহান। অপরূপার সময়মতো publication চেস্টা করবাং, নিশ্চয় পারতাঙাই। মহং উদ্দেশ্যহানর কামহান নিশ্চয়ই সফল অয়তয়। 'অপরূপা' পুষ্টি পালক। ইতি-

বনমালী সিনহা, IAS.

আগরতলা

ভগবানরাং ভিক্ষাহান করে মাগুরি

ডাঙরিয়া সম্পাদক গিরক !

পয়লাই মোর হৃদয়োপা নিঙপা হমা লদিবাং।
"অপরূপা" যে ছাত্রা হানলো হঙয়া দেহাগো বুজিল বরাগো
অয়া নিকুলের উহানর পামতামা দিল ফাম নেই। অমাটিকরগায়
হোতা অগেছেগাতা, থান্তে, উতার গজে খানি লাকচা করিয়া
সম্পাদকীয় কলমগোত যেতা যেতা ইকরিয়া ফঙ করেছি উতায়
ঝিঙে মাহৌ পালপাতা অছে। এসাদে সম্পাদকীয় কলমে
নিয়াম করে পেয়ার উহানেতে মোর পুমিঙহান সম্পাদকীয়
কলমগোয় চরকরেছে।

ভগবানরাং ভিক্ষাহান করে মাগুরি অপরূপারে
চালকরেদিয়া অপরূপ করে পালকরিয়া থদেক। ইতি-

কবিবর বীরেন্দ্র কুমার সিংহ, তিনোখাল, প্রতাপগড়
সৌরীন্দ্র কুমার সিংহ, হেড মাস্টার, গোকিলা, প্রতাপগড়

মাতৃভূমি স্বর্গাদপি গরীয়ষি

নিঙর সম্পাদক গিরক !

আজি মি অপরূপা সাহিত্য পত্রিকার মাধ্যমে দশ
গিরিগিথানির মুঙে কথা চুটিশৌ এহান মাতানি মনেয়া চিঠি
এহান ইকরলুতা। আজিকালি জিঙতা অয়া থানিরকা বহু সংঘর্ষ
কারণি লাগের। সমাজর নিয়াম পারা গাবুরাপোয়েই,
পুরিজেলেই ডাঙর ডাঙর শহরে ধাবিত অছি। উপেই গিয়া
তানুয়েই যদি সমাজহানরে পাহরতারা, উতা অইলে
থাইলতাতে কিতা?

হ্যাঁ, বহু শিক্ষিত গিরিগিথানি সমাজর হমুকুত থায়া
সমাজ না মানতারা, তানুর কথা আলাদা। কত বছর আগে
গৌহাটী শহরর যুবক - যুবতিয়ে মিলিয়া freshers' meet
আহান করলা। উহান আহান হবা পদক্ষেপ অছিল। আজি কত
বছর অইল উহান এরলা। অন্ততঃ আমার গাবুরাপোয়েই,
পুরিজেলেইয়ে পরিচয় অনার সুযোগ আহান অছিল। ছাত্র-
ছাত্রীয়ে freshers' meet র যুগৎ করানি থক।

কতদিন আগে কৈলাশহরর প্রমীলা বার উপাসনা
গিথানক দ্বিযোগীয়ে লেংকরা "Bilbari to Paris" লেরিক
উহানাত প্রবাসী শ্রীঅমর সিংহর বিষয়ে হারপেয়া হারৌ
অছিল। কিন্তু এমাটিক গুণ থানা সন্তুউ কিয়াকা সমাজে
তারেলো নাপাল না করতারা? হ্যাঁ, মানুর জীবনে বহু ভুল -
ত্রুটি অপড়েরগা, উহান অইলেউ একনিষ্ঠ ভাবে সমাজ তথা
দেশর কাম করিয়া গেলেগা ভুল -ত্রুটি উতা ক্ষমা অযারগা।
উসাদে লাহল উদাহরণ আমি ইতিহাসে পাছি। আজি আলথক

বয়সে তানু দেশ - গাঙ - গর নিংশিঙ অয়া কোন লাভ নেই।
কিয়া বুজ্লে, তানু বহুদিন বিচ্ছিন্ন অয়া থানির ফলে মনে অর
যে, তানু নিকরাসনে আছিগা। লমৈতেগা আগেকার গুণী গিরি -
গিথানিয়ে মাতিয়া গেছিগা কথা উহান নাগৈহান নাগৈ -
মাতৃভূমি স্বর্গাদপি গরীয়ষী। কথা উহানর নিয়াম যথার্থতা
আছে।

সুনীল সিংহ, গৌহাটী

সম্পাদক গিরক !

অপরূপা সাহিত্য সংকলনহান পেয়া য়াম হারৌ অইলু।
ছাপাছি বিষয় বস্তু য়াম হোতা পেইলু। ছাপা য়াম পরিস্কার
অছে। ভগবানরাং প্রার্থনা করুরী কর্মস্থলে সফল অইক।

দেবেন্দ্র সিংহ, নৃত্যাচার্য
আক্কেরি ওয়েস্ট, মুম্বাই

নুয়ারাহান। সমরজিৎ সিংহ। অপরূপা। ৩য় বছর, ৫ম সংখ্যা

নুয়ারাহান দরিয়া হবা হজকপাতি দেছি। কিন্তু নুয়ারা
এতা ককইলতাতে নাগই। এ জাতর নুয়ারা এতা দেহাগৎ
আগেৎত থাইলেউ, এবাকা দিনকে দিন বাড়িয়াহে আহের।

গরমুখা রেলগাড়ীহানাৎ কাইলেউ পথে কৌলিগালি
লাগিয়া পথমেরাকে গাড়ীহানাৎত লামে পড়তারাগা। গজর
মানুর কথা নাইলনি, পথ আগদে না আটানি, গর আগত
নাবহানি, উদ্দেশ্য আহানাৎ আকতা নানি, জনে জনে পথ
দেছয়ানি, জনগ লেহে লীডার মালনি, এ নুয়ারা এতা নাউ
ছিড়তেতা। অরেতে দিল্লীত পূবেদে গরে সাহেবগঞ্জে আহিতে
পশ্চিমাদে গিয়া পড়িলগা। অরেতে রেলগাড়ীহানাত চড়েছিলা
যাত্রীহাবি পথে পথে লামিয়া গাড়ীহান উদালা অছে। খালি
বগীগি পেয়া জন্তু মাহি কাছি। বগী আগৎ সমাজর প্রতি
উদাসীন অসামাজিক মানু, মদ, জুয়া, নিশা করতারা তা কাছি।
নুঙেইক গাড়ীহান খাবেদে যারগা বুলিয়া ওয়াইশাঙেলা। মিয়াং-
তেইহৌয়ে উদ্দেশ্য আহান তালকরিয়া দিল্লী-পল্লী-আতিংখাৎ
ফরদানি মনেইতে আমারতায় গরর পিঞ্জুরাগর ভিতরে হমেয়া
বন্ধ থানায় নুঙেই পেইতারা। আমি বেহুশ অইয়া গুমজিয়া
থাইতে পরী গৌহাটীং গর ফৌয়েলিগা।

১৯৩২ সালে সরকারে আমারে tribal বুলেছিলা। সুরমা
ভেলী মণিপুরী এসোসিয়েশনে আকতা অইয়া ঔহান নাকচ
করয়াছিলা। আমি সুরমা ভেলী মণিপুরী এসোসিয়েশন বাদ
দিলাং। পঞ্চ বিষ্ণুপ্রিয়া মণিপুরী সন্মেলনী করলাং। বৈয়াক্র

গোত্রল দরবার করিয়া উহান বাদ দিলাং। বৈয়াক্স গোত্র এতা মণিপুরী নাগই। বিষ্ণুপ্রিয়া মণিপুরী ঠার এহান বৈয়াক্স গোত্রর ঠার হান বুলিয়া খাই ঠার দিলাং। বিরাট সভা করলাং। বিষ্ণু প্রিয়া মণিপুরী শব্দগী নেই বুলিয়া উহান বাদ দিলাং। নিঃ বিঃ মঃ মহাসভা পাতলাং। তিলনায়া, মহাসভা- সাহিত্য সভা করলাং। নিঃ বিঃ মঃ ছাত্র সংস্থা করলাং। আহানরে বাগিয়া দুহান ছাত্র সংস্থা করলাং। সাহিত্য সভারেউ দুহান করে দিয়া কোটে দিয়া পেঠেইলাং। খালকরে নুয়ারানির নুয়ারাহান লাগিয়া আমি এবাকা ১৩/১৪হান সংস্থা, সভা, সমিতিত ছিন্ন-ভিন্ন অইয়া থাইলাং।

সাহিত্য বুলিক, ইতিহাস বুলিক, ভাষা বুলিক, সংস্কৃতি বুলিক, আমারতা জনগ লেহে চিন্তাধারা তঙাল তঙাল। এসাদে নুয়া এতাউ আমারে হেজায়- ডামে বেলাছে। আমারতা সাহিত্য, ইতিহাস, ভাষা ছাড়াউ, সংস্কৃতি, বামুন, লেইকাম, দৌ, কত দলাদলি। সভা সমিতিতে আছেই। এ নুয়া এতায় আমারে নাগপাশল এমনৌ আটোয়া বাধেছে, আমি এবাকা রেলগাড়ীহানাং আকেইগী যাত্রী। ইতি-

বিনীত

সঞ্জয় সিংহ, কোহিমা

নাগরিক। ডঃ সূতি কুমার সিংহ। অপরাধ। ৩য় বছর, ৫ম সংখ্যা।

গণতান্ত্রিক দেশ আহানাং দেশর হাকি মানুয়ে গণতন্ত্রর কাঠাম আহানাং থানা লাগের। ভারতর রাষ্ট্রপতিয়ে শম্পেন, আন্দামানি, ওংগি, সেন্টিনেলেজ, নিকোবরি হাকিরে নির্বাচন প্রক্রিয়ালো গণতন্ত্রে সামিল করেছে, এহানরকা রাষ্ট্রপতি গিরকরে হুদিয়ৌপা হমা কাৎকরুরি।

ব্রিটিশে দেশদ্রোহী, ডাকাটি, ছপালপা আসামী এতারে আন্দামানে, সেন্টেল জেলে, দ্বীপর নানাফামে নির্বাসনে দিয়া পেঠানির আগেটৌ আছি আদিম অধিবাসী এতারে, ভারত স্বাধীন অনির লগে লগেই নির্বাচনি প্রক্রিয়ার মাধ্যমে গণতন্ত্রে বরানি থকছিল। এবাকাউ কিতা রাষ্ট্রি ঔ আদিম অধিবাসী উতারে গণতন্ত্রর হাবি মিচেল- মাচেল আমারে বা-দিদ্বীর উতারে দের উসাদে দিতইতা? বাংলাদেশীর আগমনে আমার ভূমিপুত্র জঙ্গলেদে বসতি করেছিগা। তার আগেউ আমার মানু শহর বেলেয়া টেঙারার থলে, ছড়ার পারে, গাটর পারে বসতি করেছিগা। রিফিউজী আহানির পরেও আমার মানু সরকারর ঘরর হাবি সুযোগ - সুবিধাত বঞ্চিত অইতে অইতে এবাকা লামনেই মানু পারা অছি। গণতন্ত্র আমারকা অথহীন পারা লাগের।

শম্পেন গাঙর নির্বাচন প্রক্রিয়ার সাদানে দিল্লীর

অপরাধ, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

নির্বাচন প্রক্রিয়াউ কিতা farce নাগই থাং? ঔপেইতো প্রার্থী নির্বাচন অর দল, ধন - দৌলৎ, পাংকাল, প্রভাব -প্রতিপত্তি আছি মানু দেহিয়া অথবা বংশানুক্রমে। চর-ডাকাতি, গুন্ডা এতাহে নিয়াম পারাতায় প্রার্থী নির্বাচিত আয়তারা। জনতারে ভোট দেনা নাদতারা। বুথ দখল, বেলট বস্ত্র বদালতারা, জাল বেলট পেপার দিতারা। নেতা, কর্মচারী তিলয়া ডেভেলপমেন্টর রূপা আত্মস্যাৎ করিয়া কুনো কাম নাকরতারা। উদ্যোগপতি, শিল্পপতি, ব্যবসাদারে সরকাররে নির্দেশ দিতারা। কাম-কাজ, চাকুরি নেতার আত্মীয়, চামচা উতায় পেইতারা।

সভ্যতার রথহান আগ বাড়ে, হাই হান, কিন্তু মাটা মামা পথেদে। টেঙারা-চিংচিঙে, লপুকে -লামলাকে নাগই। সভ্যতার মিঙালে আমার নিজস্ব বহু মূল্যবান জ্ঞান, বুদ্ধি, কৌশল, হজকপাতি, মেইপারল, তন্ত্র-মন্ত্র, গোড়িয়া, স্বাস্থ্য পরিচর্যা হেলা করে বেলেয়া গেলাংগা - তারো ডায়াবেটিস, প্রেসার, হৃদরোগ এসাদে বহু নেয়ছিল নুয়া আমারাং লাগেছে। প্রাকৃতিক জ্ঞান, এক্সোডিং, ডিকোডিং করে নুয়ারিয়ার।

চন্দ্রকীর্তি, গোলাপগিরি, বদনচান, মদনচান, ডিংগর, গোপী, গালু গাছি যেসাদে সভ্যতার মিঙালে নেয় গেলাগা, উসাদে সভ্যতার মিঙালে গালথারিয়া গাটর পারর শম্পেন গাঙ র আক্খার বিশ্বশী নেয়যিতইগা বুলিয়া খালকরিয়ার উহান ঞ্চব সেতাহান।

সভ্য অইক, সভ্যতা লইক, আধুনিক অইক, আধুনিকতা লইক, নাগরিক অইক, কিন্তু আমার জন্মগত, প্রকৃতিয়ে দেছে নিজস্ব সম্পদ, ঐশ্বর্য এড়েদেনা থক নাইতই।

মনজিৎ, দেবকুমার, অক্ষয়
হায়দ্রাবাদ

রাজা অয়দিপাস। ধনঞ্জয় রাজকুমার। অপরাধ। ৩য় বছর, ৫ম সংখ্যা

নাটকে প্রায়শই দৃশ্যপট বিন্যাস আহান থার। ধনঞ্জয় রাজকুমারর অনুবাদ নাটক "রাজা অয়দিপাস" এহানাং উহান নেয়ছে। নেয়ছে বুলিয়াউ নাট্যঙ্গর অঙ্গহানি অছে বুলিয়া ধরে নুয়ারিয়ার। এ নাটক এহান পাকরিয়া দৃশ্যপট বিন্যাস অপ্রয়োজনীয় মনে অর। গ্রীক শব্দ, নাটকর ডায়ালগ, কথার বিন্যাস, আরোহণ -অবতরণর পর্যায়ক্রম, ভাষার বলিষ্ঠতা, যমক, ভাবগত নিপুন শব্দ চয়ন, আককথায় মাতানি যাকরের, নাটক এহান এবাকা পেয়াউ স্বার্থক সুখপাঠ্য অযারগা। বার, ধনঞ্জয় রাজকুমার অতি নিশ্চিত প্রতিষ্ঠিত নাট্যকার। নাটক এহানাং ভয়, বেদনা, আকাংখা, প্রতিরক্ষা, আত্মরক্ষা,

প্রতিপালন, কর্তব্যবোধ, বিচার, অভিশাপ, আশ্বাস শব্দর ব্যঞ্জনা - মূর্ছনায়, ভাষার স্রোতময়ী সুললিত গতিয়ে বাজায়ী করে তুলেছে। "মৃত্যু রাক্ষসীয়ে বুলিরিতা হাকে; সমুদ্র দূরেই পারগ পেয়া উত্তর উপসাগরর তরঙ্গমালাং মৃত্যু অস্ত্র বলকার। রাতির আধারহানে প্রসব করের বেদনা বিকৃত দিন। নাট্যকারর শব্দ, ছন্দ চয়নর সুগভীর চিন্তাশক্তির পরিচয় প্রস্ফুটিত করেছে।

সম্পূর্ণ নাটকহান পাকরানির সালে আত্মহলো বাছেয়া থাইলু।

শোভা দেবী, গৌহাটী

গৌহাটীর সাহিত্য সভা। ডঃ মণি সিং। অপৰূপা। ৩য় বছর, ৫ম সংখ্যা

"আপনার অপৰূপা চলক নাগৈ, অপৰূপা দাবদক" কথা এহানিয়ে মোর ডেকি আরতারেউ সেতু সেতু হারৌ করে থাইব। ইমেউ পত্রিকাহান বছরে আকখান, দুকখান পেয়ার বুলতে, আপনার কথা ইলয়া বন্ধ অপড়লেগা জবর হীন পেইতো। যেতাউ অক, আহান সাহিত্য পত্রিকা পাকরুরি উহানৌ নেয় পরতইগা। যেতাউ অক কথা এহানাং নিয়াম গুরুত্ব নাদেদিবাং। এহান অপৰূপারে মাতুরিতা নাগই। আমার ঠারে এসাদে আর কুনো সাহিত্য পত্রিকা নেই হানতে, কতি হীনপেয়া আমার ভাষা, সমাজ, বার সাহিত্য জিংতা করে থনার হম্মা করে দিয়ার হানতে, একমেবাবিতিয়ম নিঙে মাতুরিতা। মাঙে গেলেগা, অপৰূপাহানেই আমার সমাজর একমাত্র পত্রিকা, এবাকাপেয়া, আমার মেইখং ভালকরে খদেছেতা। অন্যান্য ঠারর পত্রিকার সমকক্ষ অয়া চলেছেতা - টেংঠায়, লাকতায়, বিষয়-বস্তয়ে।

বহু পত্র-পত্রিকাং আগেদেউ মাতেছি, এবাকাউ মাত্তারা, আমার ঠারর পাকরেকুরা ইমেউ যাং। গৌহাটী সাহিত্য সভার সাহিত্য চক্রং কত খুকম গেছুগা। নুঙেই লাগের। নুয়া উঠে আহিতারা সাহিত্যিক, পুরানা সাহিত্যিক তিলইতারা। ইকরা কবিতা, যারী, প্রবন্ধ, রচনা পাকরিয়া ছনুয়েইতারা, আলোচনা-বিলোচনা করতারা। হারৌ হারৌ অইয়া সময় কুংবেদে যারগা, নাউ হারপেইয়ার।

অন্তরগ উজার করিয়া আপনারে হেইচা জানাউরী, পত্রিকা এহান বন্ধ নাক। বছরে দুহান, তিনহান, চারিহান অয়াউ নিকুলিয়া থাক। আকদিনতে শ্বেনেই আহিতয়, অপৰূপা পত্রিকাহান মাহে মাহে নিকুলতই। ঔ শুভদিন অতি তুরা করে আহক বুলিয়া ভগবানরাং সাজারাং হমা কাংকরুরী। ইতি-

মৌসুমী, গৌহাটী

শ্রী শ্রী ভুবনেশ্বর সাধু ঠাকুর সনাতন কৃষ্টি কেন্দ্র, কাবুগঞ্জ



শ্রীধাম নবদ্বীপের নাঙফিটা ভাগবৎ বস্ত্রা শ্রীযুক্ত গৌরাচাঁদ ভট্টাচার্য্য গিরক, শ্রীল শ্রী ভুবনেশ্বর সাধু ঠাকুরর জীবনর বাণী, তাঁর ঈশ্বর ভজনর ভক্তি মার্গ, বিশ্বপ্রিয়া মণিপুরীর সামাজিক, আর্থিক, শৈক্ষিক, নৈতিক, আধ্যাত্মিক উন্নতিরকা সাধুবার চিন্তা, ভাবনা কতিহান লুয়ছিল, গিরকর অন্তরগ কতিহান কাদেছিল, এ কথাহানি আমার বিশ্বপ্রিয়া মণিপুরী গিরিগিথানিরে বার আকখুরম নিংশিঙ করে দেনার সালে বারোপুয়া, শিলচর ও কাবুগঞ্জে আহেছিল। কৃষ্টি কেন্দ্রে গিরকে শ্রীমদ্ভাগবৎ পাঠ করেছিল বার সাধুবার জীবন চরিত, জীবন দর্শন আলোচনা করেছিল।

সভাপতি
পুলিন বিহারী সিংহ

সাধারণ সম্পাদক
রনজিৎ সিংহ (রবীন্দ্র)

উদ্যোক্তা (Trustee)


শোভা সিংহ, কনিকা সিংহ, বীণা সিংহ, ইন্দিরা সিংহ, সুলেখা সিংহ (রেখা), অনুপমা সিংহ (অনু), রঞ্জু সিংহ, বনিতা সিংহ, সবিতা সিংহ

(সৌজন্যে—মণীন্দ্র কুমার সিংহ)

সমতা

- গুরু দেবেন্দ্র সিংহ

সিঙ্গারেইর যৌবন ফুটিল
পুরীজেলার রূপহান পাহিল
যৌবন পবনে ফরদিয়া
বুলিরি প্রেমী বিছারেয়া ॥



আহিলি বকুলর ঘরে
মাতিরি আতজোর করে
তি ছাড়া আর মোরে
লক্করেকুরা নেই চারে ॥

গোলাপরাং আশাকরিয়া
পরলুগা তার জাঙে ধরিয়া
ধরলু তারে পাম্পলগী দিয়া
তেবও নাচেইল মোরে উলটিয়া ॥




দেহগ ফারল কাটায় বিদেয়া
মোরে চিলি চিলি করিয়া
কাছিয়ে হৃদিগ জুলিয়া পুরিয়া
আলথক অইলু অপমান অইয়া ॥

আলথক নাইলু ঘরে আর
বুল্ল ঘাটর এপার হৌপার
ছনলু নিন্দা নাগেশ্বর ঘন্টার
মুরগ তুলে নারলু আর ॥



নির্দয় দুনিয়াত ইজ্জত নেই
কাদিয়া চেইলেউ দয়া নেই
ভিক্ষা মাগলেউ দান নেই
মুরগ তুলেউ পথ নেই ॥

ছন সিঙ্গারেই না কাদি
বকুলরে আর দুঃখ নাদি
আমি দ্বিযোগীর মাম্মা ব্যাধি
খালকরতে ফাটের মোর হৃদি ॥



গেছিলুগা মি যৌবনর খৌরাঙে
মন লোভিনী কেতকীর মুণ্ডে
করলু মিনতি পরিয়া জাঙে
ফাসেইল মোরে বরেয়া ফণ্ডে ॥

আহে আহে অপমান করল
মাঠিয়া মাঠিয়া করাতে কাপল
মোরে চিলেই চিলেই করল
উঠেয়া মোরে নিকাল দিল ॥



তোর সাদে দশা মোর
সৌপামনহান কাপের থরথর
লেহাউ চিকংলেই মাকাকলৈ মদলৈ
মোরতা বুলতে আকগউ নেই ॥

হাপেইলু প্রিয়া হে সিঙ্গারেই
আমি দ্বিযোগীর মাম্মা মারেই
পড়িয়ার তলে যৌবন ফুটলেই
দুনিয়াত আমার তুলনা নেই ॥



যে জাতহান তিল নেই
উতারাং আমার সন্মান নেই
যেতার লগে মারেই নেই
তারাং মুর নঙানি নেই ॥

সমান জাতে সমান মান
দুঃখীয়ে দুঃখীর থর ধ্যান
আকাশ গঙ্গাত তেরার ধাম
উপেইত আমার নেই ফাম ॥



তানুর ফামে ডাঙর তানু
বজ্রত বানা নেই জানু
কঠুর নিদরী কপটি মানুরাং
নেমনি আমি থক নেই উতারাং ॥

হে প্রিয়া আই কঙ্করিয়া
হৃদির জ্বিগ শান্ত করিয়া
পাম্পলগীল আলিঙ্গন দিয়া
তৃপ্তিকর চুমাহান দিয়া ॥



সিঙ্গারেই বকুল প্রেম বন্ধনে
বাধলা আগরে আগর জীবনে
তিলেলা আহির কোণে কোণে
পাছরলা দুঃখ প্রেমালিঙ্গনে ॥

জিনার মাহাত্ম্য

আশুকাণ্ঠি সিংহ

যানা লাগতই আকদিন বেলেয়া এ টেইপাঙ মাটি
জরম অনির দিনেত্ত লেপয়া আছে মরণহান
দুনিয়া হান মিছাহান অইলেউ মরণহান কিন্তু খাটি
হনার ঠইগ মাঙয়া গেলেগাউ কর্ম্মসূতি অমরহান
নুংশি গতে গঙালেয়া যে ফুলগ শাতর-
জঙিয়া পড়িয়া কুল হারেইলেউ পুমিং চেলয়া থার নিঙে
লিরিলিরি বৌ-এহান যেবাকা আক্বাকা মাঙর -
গরমহানে প্রবল করলে ফুকয়া আহের নিংশিঙে ।

জরম অয়া জীবকুলে ধন্য মানব জনম্-
চিন্তা-চেতনা প্রকাশ সমতাত সৃষ্টির অন্যতম্
বানা-নুংশি প্রেমহান, লুকরে আনের কর্তব্যজ্ঞান ।

চিরদিন কোনগউ জিংতা অয়া অউনা নেই-
মরানিহান শ্বৈনেই, ইমে মরিয়া কানা নেই-
মরানিয়ে যেহেতু লাগেরহান, মুরগ উচক্ সংকল্পহান ॥

জিনার যারী

- অমর সিংহ

যেতারেল আছেহুং তিতে -
উতায় তোরতা পৃথিবীতে ।
উতায়তে তোরতা মূল জিনা -
উতালতে অর খানা - পিনা

উতার যদিচ অর ক্ষতি, -
জীবনে পড়ের ছেদ, যতি ।
উতার সেবায় অক ধ্যান,-
উতারে ল পা তি জ্ঞান, মান ।

উতারেতে করে উত্তরণ, -
অ অমর - জিঙে তি মরণ ।

ফালু ফালু

কবি বীরেন্দ্র কুমার সিংহ

উবায় চারাপে থতাহান্ এরাইলু
মোর্ বক্তিতার ঝিগোর্ দেহেইলু
ভাবোকে মাতলা ভালু
ফুকোয়া চারিয় মেইকেইর ফালু ।
হাদি হাদিত্ আতোর ছপা
ফালুত্ বয়া, অয়া ছপা ছপা ।
তোর্তা মোর্তা বাছিয়া চেয়া
আতোর ছপা দিয়া দিয়া,
ফারে ফারে আত্ তালু
মাতে মাতে ফালু ফালু ।

নেই বান্দারা মান্ঠেব্ উদালা
বান্দারালো মানু পুলকরিয়া
অকৈলাং চর্চা চরচির চারাপ্ ।
স্বখুস্তা চাংখল্ করাত্
চিকারি দিয়া খৌনাগো ছক্লু
পানি মাতিয়া পানি পিলু ।

অকরতে বারো - চা
লময়তে তিন্ - চা
ধান ফলিল্ হিল্গঙ্গা ।
চারাপ্ লম্করলো চারাপ - মাপু
লেপ্ফাম নেই হাকি খালু - যালু ।

মনাউরি মি

- কাঞ্চন বরণ সিংহ

মনাউরি মি বউহান অয়া কানে কানে সজনা পাতার তুল
টটরানি
মনাউরি মি গীতবিতানর এলাহান অয়া তোর নারগত থানি
মনাউরি মি উঠানহান অয়া বরিষা মাদানে তিঙানি
মনাউরি মি পছরীর পারগ অয়া তিঙা সৌন্দর্য্য চানি
মনাউরি মি নৌগ অয়া লেঙৌচুটিত জুনাকরাতি থানি
মনাউরি মি রাঙা বেলিহান অয়া নিরালে তোর নাপনি ।

খেতিৰ নীতি কথা

-দৃষ্টিকোণ

খেতিউলি খেতুয়াল জুতকৰ বীজ আল,
বাৰিষাৰ বৰণৰে নিজক তুড়াকৰে,
বৰণ দে বৌৰাজা, নাহকেই খুমলৰে।
ধৰ আল খেতুয়াল কৰ লাল বুজ চাল।
খতকৰ হাবি মাটি, হংকৰ পৰিপাটী,
আলি দেই চাৰি কুঠি, সেংকৰ গাস পাতি।
বীজ মাহা আষাঢ়, ৰুইল মাহা হাওনৰ,
আৰ মাহা কানা নাৰ, হীনৰতা অন্তনাৰ।
পেটে পেটে থই পানি, যেসাদে গাস নানি,
ঠাচা নেই বৰণৰ, খৰান লিতনি চানি।
আলি গুচি চাৰি তিন, ৰুই আতে কৰে চিন,
ধানে ধানে কৰ চিন, খেতিউলি ধিনাধিন।
চেয়া তাজা দৰে থই, ভাদ্ৰ মাত আত দই,
কৰ খেতি মন দেই, বাৰন বুজে ধান থই।



বেয়াপা

নিৰূপমা সিংহ

"বেয়াপা-নরক-থংচিল"

মাতানিৰকা তোৰে, কুঙ্গয় দিল অধিকাৰ?
দুনিয়ায় হাৰপাছি - ইমা, পৃথিবী সমান।
আসাংপা পৃথিবী।
কোনোপেই সাহাৰা,
লেঙৌৰ টেঙাৰা,
তলে তলে লিৰিলিৰি পানি -
উঁচ উঁচ টেঙাৰা - আসাংপায় আসাংপা,
বগা ধলা লেঙৌ পাড়, সুমুদুৰু খল্‌পি খলক।
টেঙাৰা, টেইপাঙে পাহিয়া - পলি - মানু
মিকুৎ-বানার বৌএ হংকৰতারা তানু নিজৰ শিংলুপ।
হবা-শক্তি মাটামাভা বেয়াপাৰ উৰে।

ঝৰঝৰা জঙেৰ, পানিৰ খৌৰাঙে,
অমৃত - সাকয়া ইমাৰ।
মিঙাল, বৌ, পানি -
বানা নুংশি, কেলৰ বেয়াপা - মেইথঙে।
কিন্ত, তি মাতৰ - ঔ বেয়াপাৰে,
"নরক - থংচিল" !



দিশা হাৰা

নমিতা সিংহ

দিব্দিশা নেই পথ এগত
তেবৌ না জিৰেয়া চলেসে
এ মোৰ দেহৰথ।
হীন সুখ দুঃখ, বানা নুংশি
হিংসা নিন্দা বার হাহাকার
পথে পথে হাবি বহেসি
দাম নেই কোন আকতার
চলেসে দেহৰথ।
বন বাগিয়া লপুক সময়
টেঙাৰা চিং চিং লালকরिया
কুংগ আহিল কুংগ নাহিল
কুস্পেই কুংগ মরিল ভাহিল
চলেসে দেহৰথ।
মোৰ মন এহান বৌহানৰ সাদানে
কইনা কইঠেক পথেদেউ সমানে
হাৰপানি না হাৰপানি উসাদে
দিনহানি পাৰ অয়া য়াৰগা, যেসাদে
চলেসে দেহৰথ।
তোমাৰ দলাদলি, হিংসা নিন্দা
হীনপাউৰী, মনে আহেৰ চিন্তা
মুৰগত ফেইচাহান বাধিয়া
হিংসা নিন্দা হাবি বেলেয়া
কাইনে এৰথে।
এতা দেহানিৰ সাক্ষকতে
নাহিলেউ বালা এজগতে
মাটীৰ দেহাগ অইতই মাটি
কিহান কানা থইয়া গাঠি
চড়নে দেহৰথে।
নাজিৰেয়া নাবাসেয়া
চলেসে দেহৰথ।

মেনকা

পিণ্টু সিংহ

শেষ প্রেম

মণীন্দ্র কুমার

পূর্ণিমার রাতি নঙেইত
আহউরি তি কুঙ্গ
থম থম নও নও
অছে তোর অঙ্গ
কাদা বারায় নেয়ছি
তোর কুন সঙ্গ
পূর্ণিমার রাতি নঙেইত
আহউরি তি কুঙ্গ ।
ঝলমল ঝলমল
অছে তোর রূপহান
টেইপাঙে নাদেহেছু
অপরূপ হবা হান
খেলমাচির আঙেইর চুটিত
চমকি লাগাছত
পূর্ণিমার জুনাক এহান
কতি লাজে বেলাছত
মুঙে মুঙে হাগর তেরাই
ঙালকরতার পথগো
ঝমকাগয় ছক ছক
লাংকরের গালগ
পূর্ণিমার রাতি নঙেইত
আহউরি তি কুঙ্গ ।

আহের পদধ্বনি পারায় পারায়
আঁধারে মিঙাল লাজপাছে সেন্দায়
দুয়ার মেলেদিয়া ইদুম দোয়ায়
প্রিয়তমা বহেছিলু ।
আতর বর্তির আক্খিটা মিঙালে
ছুপেয়া ঙালছিল উকনির তলে
মুখচন্দ্রিমা মেঘ-চন্দ্রিমা জালে
ঔ সেন্দাৎ দেহেছিলু ।
অস্তাচলর রাঙাবেলীটিপ ভালে
হেমন্তর হোনালি তবী দেহাডালে
মৃদুমদগন্ধ কস্তুরী গছেছিলে
প্রিয়তমা কার সালে ?
পীতাম্বরী চন্দ্রতপা মদালস কায়
হাজার জোনাকর স্নিগ্ধ আভায়
হাজার তেরার আহিগীলো হায়
কারে চেয়াছিলে ?
রঙ বেরঙর প্রজাপতির পাখ
রামধেনু আঁকা গোধুলীর হাগ
আষাঢ়র হাগে ধলা বগা জাক
এবাকা নাদের যারি ।
ধুলির- সেন্দালাম কুনো রঙনেই
আঁধার জীবন দীপ নিঘোর অছেই
"বেলা গেল গৃহে চল " এলা চলেছেই
এবাকাতে অন্যয়ারি ।
এবাকা নুপুর ধ্বনি ঔরাঙা চরণে
হনুরি বাজের মোর মনর গহনে
আনন্দ সুধাধারা বহেছে পরাগে
হনে শ্যামর বাঁশরী

হবা অ

-অমর সিংহ

#১	#৬	#১১
তোরে- তি কৈলে থি।	লুচা অনাঃ মচা অনা।	মনে থ- মেলে ওঁ।
#২	#৭	#১২
তোর যে মী - নার ফি-ফি।	তোরে তি পার চিঃ।	ঙাল লামে- মজ কামে।
#৩	#৮	#১৩
কতি থি উপ তি।	তোর মতিঃ মাম, ইতি।	না- তা চা- মাম ক্ষা
#৪	#৯	
তোর উরি বার বরি।	হাব্বি হো, হবা অ।	
#৫	#১০	
তোর ঘা লেহে খা।	মাম রিদিঃ বাম বিধি।	

হে কবি

শ্যামল সিংহ

হে কবি,
কবিতা আহান লেখনে সাধারণ মানুষ
অজ্ঞানে ভেদা ভেদ হিংসা লোভ ছল চতুর
দিশাহারা বেকার যুবক, অসহায় মানব জাতি
নায়ে বেড়া সমাজ, শিক্ষা, বিভূলা আছে সংস্কৃতি
রূপা আলাই পাঙকালপা, লেইরার গতি অন্থকপা
কার বিচার কুংগয় করের, মেরাক সেরাক আওয়েইপা
গণতন্ত্র-ভোট, আসলে রাজ ভান্ডার হরির লুট
যত ডাঙর দাদা-মস্তান, তারকাহে রাজমুকুট
আইন-আদালত-পুলিশ-সেপাই, কুরাং নিরাপত্তা
নুঙিপারকা মূলে প্রহরি যত, দেশর নাঙে পালেছিতা
আমার এদেশ, মাটী, মানুষ গৌরবময় অতীত ইতিহাস
স্বাধীনতা-মুক্তি যেতারকা লালফাম, হাবিতাউ আজি পরিহাস
ভাষা শিক্ষার মৌলিক অধিকারউ এ স্বাধীন দেশে
রকত বিসর্জন দিয়াউ আজি আহেছে কি নাহেছে
মূলে কোনউ জাত পাত সম্প্রদায় নেই আজি
বাজার অর্থনীতির হিসাবে হাবিগদে জুলুমবাজি
শান্তি নেই, সুখ নেই, তবু যত হারৌর ঝামেলা
সুর-তাল নেই, ছন্দহীন আছে খোলা মেলা
যুক্তি-বুদ্ধি উরা বেলা যত নিস্প্রাণ রসিকতা
আঠৈপা অতিন্দ্রিয়র ব্যাখ্যাল কাব্যময়তা
বুদ্ধিজীবী, দূরদ্রষ্টা, কবি তোরা আরউ কত বিশেষণ
মানুর হিন-লাংলা জীবন এতার তারাঙহে বিবরণ
জাত-পাত-দেশ কাল-সীমানার উর্দ্ধে তি গিরক
অন্থক অয়াউ তলে যারগা মানুষ জীবন আচানক
হাবি জাতির এক গতি, নেই ফারাক এমাটিক
কবিতা আহান লেখনে এ-জীবনর, হে বিশ্ব নাগরিক।

(১)

খাং না লাগি হুনা গিরক খাংতা ।
কিগরে তি ডরপাছতা চাংতা ॥
হইমা এগ কিগ থাং মাতনে ।
মুঙে যাগা, তোর পিঠিৎ মি থাংতা ॥

(২)

বঠার জিলক হৌ রাধেছে অছে চানে আঠাহান ।
ঔতা বার সরা দেছে পারিয়া তেই মাঠাহান ॥
হবা করে হুকানিরকা হাবিহানি আনিয়া ।
জিগর গজে দিল গিদেই টাঙে দিয়া চাটাহান ॥

(৩)

পারৌ আগই পিদল খারৌ অছে চানে হারৌহান ।
হবা করে হাজানিরকা বিসারেইরি তারৌহান ॥
চেরৌ ইচেই উতা চেয়া ইমপানিগ অছে নাই ।
মতিং বুললে হাইকথাহান বিতরেতে যারৌহান ॥

(৪)

হুনা শৌগ চাহা নাপিছ থয়া বাহার চুঙে ।
আলু নাহেইছ মাটিং বয়া রাজাগর কমুঙে ॥
কালুয়াগ অয়া গিরক আহিল নাউ দেখতৌ ।
এৎতা পারা বাতঠালিহান থয়াউ থাকনে মুঙে ॥

(৫)

লেউর ডেমগি তেঙ করে তি না ছিড়িনে বারিৎত ।
স্বভাব এহান বেলা বুললু হে গিথানক গারিৎত ॥
মিয়ার মিতে নাকরতৌ আর -করিয়াতে চেইলু নাই ।
তি করতেই উতা খেইতৌ এরে চা এ মারিৎত ॥

(৬)

কইতে কুরাঙ আছি তোর হাবি লেংকা ।
ডাকনে আমার ঘরে দেকা দুগ সেংকা ॥
কিয়া তি মাঙরগাতা আটেলর জমগ ।
কথা হুন নাইলেতে অইতেই লমক ॥

(৭)

দেনে গিরক বরনহানাং ধান এগি তি হুকা ।
দড়ি গাছল বাধদিয়া তি জাপি এগ মুকা ॥
চর আহিতাই হারনাপারতা মুঙে একাদশী ।
হুনা হানি ইদুম দুয়াং ডামে দিয়া লুকা ॥

(৮)

আগাদে তি না গিঠিনে মাকাকলেই ।
গিরি আহিল চাহা খাংহান নিকালেই ॥
য়ারি এহান লালরতা না চুমরতা ।
দৌ হমাদিং আনগা গুলি কওয়াকলেই ॥

(৯)

আষাঢ় মাহাং আচুলতারা কাঙ ।
এবাকাতে চৈত্র মাহান থাং ॥
এতা কিতা হারনাপেয়া থায়া ।
মি আগইতে অছুতা ওয়াইসাং ॥

(১০)

ফুতিহানাং চানাং দিতে কাদিরিতা মাগই ।
পাংকরনে খানিক করে দেইনে কুংগ আগই ॥
কামহান চেয়া ঠুকরলনাই আতে জাঙে বাগিল ।
নুয়ারতইক কাম এহানতে হবা আন্তি আগই ॥

নাপানি ঔহানর নাঙ জীবন

-সমরজিৎ সিংহ



Our salvation is in striving to achieve
what we know we'll never achieve.

গজর পারেঙ ঔহান, মিঙাল দেহেইতই, খালকরেসিলু। পাকরিয়া, নুঙপাঙ অয়া, নুঙপাঙ নাগই, আবেরাগ অয়া থাইলু। রবীন্দ্রনাথর এলা আহান পেইরাক করে, নিংশিঙ অইলু মি। যারে যায়না পাওয়া, তারই হাওয়া লাগল কেন মনে? এহানই, প্রশ্নহান অয়া থাইলে, অমাটিক বেশেপে পরানির কিতাউ নেয়সিল। "কবির কল্পনা" বুলিয়া, আকবারাদে প্রশ্ন এহানরে থেইকরিয়া থাইলেই লমসিল। থেইকরিং বুলতেউ, থেইকরে নুয়াররি।

রাতিনঙেই, খাংতা, ঘুমহান বাগলে, পানি পিনা আহের। বারাদেস্ত আয়া, সিগারেট আগ পিতে পিতে, নিংশিঙ অয়ার, কিহান আহান এবাকাউ লমকরে নুয়ারেসি। এবাকাউ বাকি থাইল পায়া। পাকুতির বাপকরে মাতেসিল বংক খুড়াই, এমারি মাঘর পিসে, বৃন্দাবনে যিতাঙাইগা। এবাকাউ গিয়া নুয়ারেসি তানু। রাধাস্টমীর দিনে কাপকলেইয়ে মাতেসিলী, ইমাবাবায় নাকরতাই, উতাউ মি তোরাং আইতৌ। তরে না পেইলে মর জনম এহান সুলেদে যিতৈগা। মদনচান মরিয়া গেলগা, কাপকলেই এবাকা শৌ তিনগর মালক, দামছড়ার নীলমনির গর করিরা। তেইয়ৌ, বরগর দিনে, দৌ জিলকেইলে, হাগহানাদে চেয়া বিভুলা অয়া থাইরী। জনম এহান সুলেদে গেলগা পাউরি, বুলিয়া, ঠুনিংস্থা বেলেইরী।

না। গজর পারেঙ ঔহানে এহানৌ না মাতের। সেন্দ্বার পিসে, আকখুলাগ, গরে আলনির সময়ত, আটিয়া আইতে অপরপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

আইতে, পেইরাক করে ইং বৌ আহান পিতৃলোকেত আহের। গারীগ চামর। না, চামর নাগই, অছকপা সির সিরানি আহান গারীগং। আপাবপাই গারীগ মাটিয়া দিতারা পাউরি। ডর নাপেই সেনাতল, সংসার এহান ইমে এসাদেহান। যেহান করানি মনাসিলাঙ, ঔহান করে নুয়ারেসি। ইমে লাছলেদে লিতয়া গেলগা জীবনহান।

মনহান উদাস অর। হাগহানর তেরা হাবি, সেলকম-সেয়াপথহান, চেয়া আছি সেনা তলর উগদে। খুয়াহানর বিতরে পথহানৌ সালসে। তা আজি আকখুলাগ টেইপাঙ এহানাং। ইমা নেই, বাপক নেই, বেইবুনি নেই, মারুপমাশাঙ নেই, মইলক নেই, টেইপাঙ এহানাং আকখুলাগ। গরে আন চিল অয়া আইতে, এহানই, উপইল সেনাতলে। কিহানতে কানা অইল সংসার এহানাং আয়া ?

গরবারি অইল, ব্যাংকেত লোন লয়া গারি আহান অইল, জিলকর লহঙ দিল দারোগা আগর লগে, পুতকর চাকরিহানৌ অনার কথা হাদিএগং। রূপা দেসে, য়েপেই দিলে কাম অইতৈ, ঔপেই। রাধামাধবর কৃপাং মহাসভাং এমারি পদ আহানৌ পেইলতা। কীর্তনে গেলগা হবা ফালু দিতারা। ভোটে উবা অনি আহের, নাইতৈ। বিষ্ণুপ্রিয়া মনিপুরীরতা বাগেনিং পাওয়ার নেই। ঔহানে, এবাকা আন্দোলন দরকার। লালফাম লালফাম বুলিয়া আগে যেতাই চিকারি দিলা, তানুর লগে যৌয়েতে সেনাতলৌ আর ডিল নাকরল। বাই! আন্দোলনর দাপা এহানতে আগই আগরে দেহে নুয়ারতারা! গৌহাটির ঔতাই মাংতারা, ঠারহানতে আমিয়েহে আনলাংগানাই!

হিংগালার দাপা ঔহানে মুকসি দিতারা। মাতিল কথাতো আর নেই পাউরি! হিংগারি-ভকংপুরেত আরাক দাপা আহানে লাঠিল নিকুললা, ভাষা পরীক্ষাহানতে আমিয়েহে লয়ারনাই!

এতা হাবি সুলেদে যারগা। এতা হাবি অথহীন অর। টেইপাঙ এহানাং মানু বুলিয়া পালইতে গেলগা এসাদে করিয়া কুন কাম নাইতৈ। সেনাতলে খালকরের, ঔহান অইলে ? বাবুচান খুড়াই মাতের, নাঙ লই। মরণর সময়ং নাঙহানই আসল। অরতে মাংতারা নাই, নাইমব কেবলম। নাম বিনে গতি নেই।

নাঙ সল করতেগাউ বেশেপ। হাদি এহান গুরুদেব এতা নিয়াম অসি। কারাং যানা ? বিদ্যাধন গিরকে মাতের, আমার আপাবপার হাকতাকেত আমি গৌড়ীয় বৈষ্ণব। হরে

কৃষ্ণ, হরেকৃষ্ণ।

চাউবাই হাদিৎ হমেইল। গৌড়ীয় নাগই। ইতিহাস না
পাকরেসংখাঙ ? আমি অর্জুনের বংশধর, কৃষ্ণ নাঙতে চৈতন্যর
আগেংত আমারাঙ আসেগ!

তুমি যেতাউ মাত, আমি মহাদেব ভক্ত। বিষ্ণুপ্রিয়র
গরে গরে মহাদেবর পূজা অর। বিজয় এইগাই মাংল। এইগার
কথা চুমিতে পারে বুলিয়া, মহাদেবর পূজা লামইসিঙ ইরেই
চেয়া করানি অকরল। মহাদেবর পূজা হনিয়া গাঙর মানুষৌ
আয়া পুলনি অকরল। যেতাউ অক, গাঞ্জা আকঙ্কিয়ারিতে
থারনাই। সেন্দাৎত গাঞ্জার ধুমাই গাঙহান বাহিয়া যানা
আকরল।

সেনাতলর মইলকে মাতিরী, এহানতে কিহান ?
মহাদেবর নাঙ সল করানি বেলেয়া মন্ত অইলা গাঞ্জা বারো নাঙ
থাকল। এহান অইলে মি বাবার গরে যাউরিগা।

সংসার বাগানিৎত মহাদেবর নাঙ লনাই বালা।
ঔদিনত, দিনে মাদানে, সেকাৎ রাতি নঙেইৎ, যেবাকা নিংশিঙ
অর, ঠইগ দিয়া সল করানি অকরল সেনাতলে।

ন মাতা পিতা বা ন দেবা ন লোকা

ন বেদা ন যজ্ঞা ন তীর্থং ব্রহ্মস্তু ।

সুষুপ্তৌ নিরস্তাতিগ্ণ্যাত্মকত্বাৎ

তদেকোহবশিষ্টঃ শবঃ কেবলোহহম ॥

ন সাংখ্যং ন শৈবং ন তৎ পাঞ্চরাত্রং

ন জৈনং ন মীমাংসকাদের্মতং বা

বিশিষ্টানুভূত্যা বিভক্তাত্মকত্বাৎ

তদেকোহবশিষ্টঃ শবঃ কেবলোহহম ॥

বাই হে! এপেই তে শব ইকরেসি। শিবঃ নাগই, শবঃ।
সাপানির ভুল বা বানান ভুল অইলতানা কিতা হারপানিরকা,
হিংগারির পন্ডিত আগরে আংকরল আরো মাংল, সাপাসি
মাহিতে এহানই চুমসে। অরতে, মহাদেব এগতে শাশানে থার,
গাঞ্জা পিয়েরগ নাই, ঔহানে এসাদে ইকরেসেতা। মনহান না
চামইল সেনাতলরতা, বি এ, এম এ পাশ নাকরলেউ মূখং
নাগই তা, এহান উপয়া মাংল, মহাসভারে আকখুরুম আংকরে
পারর। আরাকৌ হবা, যদিচই ভাষা পরীক্ষার সেক্রেটারি
গিরকরে আংকরর।

সেনাতলে খুমকরল, কালীপ্রসাদরে আকখুরুম -

মাতিয়া লয় করে নুইল, পন্ডিত ঔগই মাংল, পাগালা
ঔগর নাঙ লইবে চেইস। ঠারহানরে বেসিয়া ডক্টরেট পাসে

মানুগ। আমার সর্বনাশ করেসেগ। ঔরে, আরাক আগ আসে,
ব্রজেন্দ্র কুমার সিংহ! কবিতা বুলিয়া কিতা ইকরের, তাই
হারপাসে। জগৎমোহনে কিসাদে ইকরল, ঔহান খিয়াল
করলেউ দুহান আহান ইকরে পারল অইস। লম করল, আমার
পঞ্চবিষ্ণুপ্রিয়র ঠার এহানরে জানে মাংকরল ! বাহা হে, শ্লোক
এহানতে চানক্যর শ্লোকহান ?

সেনাতলে, তাপকরে, মাংল, শঙ্করাচার্য গিরকর
লেখাহান।

ঔগতে কুংগ ? আরাক নুয়া গুরুদেব আগ ? এতা না
পাকরিস। পাকরানি মনেইলে অনুকূল ঠাকুর পাকর। কামে
লাগতই। সেনাতলে উপইল, আমি এসাদে নানান মানুর কথাল
বিভুলা অয়া আসি। সুলেদে। কানা নেই যারিল। বানান ভুল
অইলেউ হারনাপেয়ার। কালীপ্রসাদরে পরথেয়া, ব্রজেন্দ্র
কুমাররে তলকরিয়া ডাঙর অনি মনেয়ার। আমিতে ডাঙর অয়া,
বয়া থায়া, কিহান কানা ? খালকরানি বা চিন্তা করানি এহান
আমারাং নেই।

সেনাতলর সাদে খালকরতার মানু আসি। গজর পারেং
ঔহান ঔগদেউ না যারগা। বৌদ্ধধর্মর নির্বান বুলতে যেহান
উপয়ার, এপেই ঔহানৌ নামাতেসি পাউরি। মুক্তি বা
ওয়াইসাঙনি যেহানরে মাতিয়ার, ঔবারাদে salvation কথা
এহান খনিমানি আহান ঔলেউ ইশারা করের। আমার মুক্তি,
ঔহান অইলে, আসেতা আমার কঠিন সাধনার মা। কর্মর মা।
গীতার কর্মযোগর কথার মিললেঙ আহান এপেই পেয়ার পারা।

অনাশ্রিতঃ কর্মফলং কার্যং কর্ম কেরোতি যঃ ।

সঃ সন্যাসী চ যোগী চ ন নিরহ্নিঁ চাক্রিয়ঃ ॥

গীতার কথা এহানর লগে গজর পারেঙর মিল থাইলেউ
অমিলৌ কম নাগই। ফলর আশা নাকরিয়া কর্ম করানির গজে
জোর দেসি গীতাৎ। অনাশ্রিত শব্দগ খিয়াল করিক। সম্ভব
নাগই অনাশ্রিত কর্ম করানি। আমি টেইপাঙ মানু, ফলর আশা
না থাইলেতে কিসাদে কর্ম কতাতাইতা ? মহাসভার মুকসি অসি
ঔতাউ পদফামর আশাল দাবদিতারা। এম এল এ, মন্ত্রী যারি
দিয়া কানা নেই। সরকারি চাকুরি করলেউ প্রোমোশন আহানর
সালে, দর্ম বা বেতন বপনিরকা বাসেয়া থায়ার। গৃহস্থির কাম
করলেউ হবা খেতি অইলে মনহান চামর। আশা কুরাং নেইতা
? সন্যাসী আগরতাউ আশা থার। মোক্ষর আশা। ঔহান অইলে
গীতার কথা এহানরতা উবা অয়া থানার মাটিহান কইতে,
কুরাঙ থাইল ?

হুদা ঔহানৌ নাগই, আশা নেয়ইলে মানু কিসাদে
আঙয়েয়া যিতাইগাতা ? সভ্যতার বিকাশর মূলে ঔ আশা।
আমি যেহানরে খৌরাঙ বুলিয়ার। প্রস্তর যুগেংত এবাকা পেয়া,

জিগ বা চাকা বা খিল্লাগ যেদিন আবিষ্কার অইল, ঔদিনেত আজি পেয়া উন্নতির পিসে খোঁরাঙ এহানই কাম করেসেগ। এবাকা জুনাকে গর করিয়া থানার হৎনা করতারা। মঙ্গল গ্রহৎ পানি থাইলে ঔপেইয়ৌ গর হংকরতাই মানুয়ে। হাবি, এরে খোঁরাঙর সালে। রাস্ট, সমাজ, মহাসভা, আন্দোলন, ঠার, সাহিত্য, সংসার, লহঙ, প্রেম, ঘৃণা, মারামারি, এলানাসা, কবিতা, য়ারি, গরবারি, শৌ জরম দেনা, হাবি। এরে যে জিংতা অয়া আসি, এহানৌ খোঁরাঙর সালে। এহানই পথ দেহেয়া নেরগা আমারে। হাদিহাদিৎ বিড়লাউ করের।

কর্মফলর আশা না করানি এহান টেইপাঙ মানু থাক, দৌয়েউ নুয়ারতাই। আমার পুরাণ, বারো আর আর য়ারিৎ পেয়ার, তানুউ মানুর সাদে কামনাবাসনা প্রবল অসিলা। ব্রহ্মবৈবর্ত পুরাণ এহানর সাক্ষী। রামায়ন, মহাভারতরমাউ এতার য়ারি আসে। হাবিৎ ডাঙর কথাহান, নুয়ারেসি এহান স্বয়ং, শ্রীকৃষ্ণয় উপসে হাবির আগে। উপসে আরো, সেংকরে মাভের,

সর্বগীন্দ্রিয়কর্মাণি প্রাণকর্মাণি চাপরে ।

আত্মসংযমযোগায়েী জুহতি জ্ঞানদীপিতে ॥

ঔহান অইলে salvation কুরাঙ বারো কিসাদে অইতই ? লেখা এহানর পইলাই মাতেসু, নিয়াম বেশেপ আহানাং অসি আমি। ইশালপা আগই, শিল্পী আগই, গিরস আগই জীবন এহান হাবি কিহান বিসিয়েয়া বুলতারাগ ? কালীপ্রসাদর এলা আহানর ডেকি, মানু বিসারেয়া বুলতারা, খুমকরে পারলে, ওয়াইসান্ডসিল। ঔহান নার। মানু বুললে, আরাক কথা আহান মুঙে আয়া উবা অর। কিসাদে মানুগ ? মরমী কবিয়ে মাংতাই, প্রিয়ারে। প্রিয়জনরে। ওমর খৈয়ামর কবিতা পাকরলে, এহান হবা করে উপ পারিয়ার।

প্রিয়তে কুংগ ? প্রশ্ন এহান লগে লগে আহের। বৈষ্ণব কবির সাদে খুম করে পারলে হবা অসিল, ঔহানৌ নুয়ারিয়ার। বৈষ্ণব সাহিত্যর প্রিয় আমার প্রিয়গ নাগই। একবিংশ শতাব্দীৎ আয়া খানি তঙাল অইল পাউরি। আমি নাঙয়া আহেসি দুহান বিশ্বযুদ্ধ, ভারতর স্বাধীনতার লালফাম, চীন-ভারতর যুদ্ধ, সোভিয়েৎ ইউনিয়ন আমার মুঙে বাগিয়া পরিল। বিশ্বায়ন, এইডস, কনজিউমারিজম সেয়াগ এবাকা আমার গাঙেউ আয়া পরেসে। যেহানর পরিণাম অইল, অবিশ্বাস। অবিশ্বাসর গরে প্রিয় কুংগ ? কারে আমি মাংতাঙাইগ প্রিয়?

এপেই আয়া, লেখা এহানর পয়লার পারেঙ ঔহানর অর্থর মিঙাল, খানি আহান, দেহিয়ার পারা। ঔ মিঙাল, আর কিতাউ নাগই, কবিতার মিঙাল। যে মিঙালহান দেহেসিল গালিব, যে মিঙালহান তার কবিতার পারেঙে আমি পেয়ার, ঔহানৌ striving to achieve what we know we'll never

achieve এহানর এগদে ইশারা করের।

ইতাউরে পেইতউ, হারপাসু, ঔহান কপালে নেই মর।

জিংতা আরাকৌ অইলে, হারপাসু, আরাকৌ বাসেয়া থনা নাই !

কবিতাৎ আমি যেহান সকনি পারিয়ার অনুভূতিল, ঔহান, জীবনর এরে অর্থহীনতা এহান। যেহান নাপেইতাঙাই, ঔহানর সালে, যেগরে নাপেইতাঙাই, ঔগর সালে, হৎনা করানিরমা আমার জীবন এহানর স্বার্থকতা। আমার মুক্তি বা ওয়াইসান্ডনি।


ঔহান অইলে, নাপানি এহানরেই নাঙ দিতাঙ, জীবন ?



শিলচর মেহেরপুরর, চন্দ্রপুর গাঙে শিবরাত্রি পূজা

বাপক "সেনা সিংহ বার মালক" রাধা রানী সিংহর স্মৃতি রক্ষার্থে ১৯৭২ ইংরেজীত শিব মন্দির বার নাট মন্দির গো হংকরে দেছে তায় মনিন্দ্র কুমার সিংহ গিরকে। প্রত্যেক বছর এ মন্দিরে শিবরাত্রি বারো শারদীয় দূর্গা পূজা পালন করাণি অর।

(সৌজন্যঃ সুরেন্দ্র কুমার সিংহ, চন্দ্রপুর)



চৌধুরী গোলাপচান

-স্মৃতি কুমার সিংহ

(এক)

রাজারগাও। বিরাট সভাহান ডাঙর মালঠেপে চলেছে। ত্রিপুরা, ভানুগাস, সিলট, বারোমুনি, মেহেরপুর, বিক্রমপুর, হিংলা, প্রতাপগড়-হাবি লয়ার গিরিগিথানী পুলছি। আমার মানুর ডাঙর কুমেই আহান।

ধনসেনা বারো গোলাপচান মালঠেপে কাইলা। মাতামবালা যৌবনে কাকেই আকেইহান দেখি বয়সহান। নিজর আরইপা পরিচয় বিছারোয়া গইগ অয়া বুলতারা মারুপহান। মুঙর ফালুং আর বহানির ফাম নেই। ঔহানে তানুর লেংকা মারুপ বহেছি পিঠির ফালুংএদে আগুবেইলা। ধনসেনাতে রাজার পুতকগ থকয়া সভাসমিতিত আহিলে খানি ডাঙর অর।

লেংকা মারুপে থতাল নামাৎলেউ তারে সমীহ আহানতে করতারা। মুঙেদে তারকা ফাম আকচিলা এরেদিলা। ধনসেনা ঔপেইৎ সাউকার অয়া বহিল। তার পিঠিৎ কিথিকুরুম অয়া, কুনোরকম চেইল উদাক গোলাপচান। লেংকা উতারে তা তেরাদে চেইল-সেরকে। হাবিয়ে কুমেইর ফুতি বুলিয়া তঙাল আকতা পিদিয়া আহেছি। তারতাতে ইমে মালকে বুনেদেছে দপ কাটালুরির দলা আঙেইহানে, সাংডেল হাফপেন্টহানে-নিত্যিকার স্কুলর ফিরেহান। কুমেইর ফিরে বুলিয়া তারতা তঙালতা আছেথাং ?

গোলাপচানে সভাহানর গজেদে আহিথম বুলেইল।



পশ্চিমর ফালুং মঞ্চগ। কাপকপারা দলা ফুতি পারেছি মঞ্চগং সভাপতি, প্রধান অতিথি বারো আর আর ডাঙরিয়া গিরক কতগ বছি। অনন্ত শয্যাৎ বিষ্ণুর ভংগিল বারার মলগত হেইরাপ জায়া বিরাট সভাহান পরিচালনা করে সভামাপু গিরকে। চুল খরিয়া, মেইথংহান লিকলিক। আন্দিরগাঠি বরণহান। ডিগল ডাঙর গরণহান। কাপকপারা ফেইচম পানজাবি। নাংজাদা গিরকগ। গোলাপচানে নাংহানে ছনেছেতা। আজি আহিল দেখল। নাংহান মাতানি লাগতইথাং ? পঞ্চ বিষ্ণুপ্রিয়ার কনাক শৌগই পেয়াও হারপাছি গিরকগ। তা দক্ষিণর ফালুংদে চেইল-হাবি পরগণার বামন, রাজার জিপুং, পন্ডিত লেইচন্দনর লেইতেরেং ইলয়া বহেছি। উত্তরর ফালুং ইমাইন্দল। মঞ্চগর মুঙেৎ তানু বহেছি ঔহান পেয়া চারাপহান অছি লয়া লয়াৎত আহেদেছি জ্ঞানীশুণী গিরিগিথানী।

অনন্ত শয্যাৎ সভামাপু সনাতন অজা উঠিল। মূলেতে অজার ভাষণহান ছনানিরকা মানু ফুকছিতা। তানুও। ছনার রঙর আনকহান পুছিয়া পিদিয়া, লিকলিকা ফেইচমহানর মকতকগ আতহানাৎত এরেদিয়া, সভাহান হমাদিয়া, সনাতন অজাই ভাষণহান অকরল -পুলদেছি দৌলিশিং, দৌলাশা। ব্রহ্মর্ষি, রাজর্ষি, জ্ঞানী, শুণী গিরিগিথানী। সূর্যবংশর, চন্দ্রবংশর আরইপা দারানালা ক্ষত্রিয় গিরিগিথানী -

থাইনাকার গৌরবর, সূর্য-চন্দ্রর যুগল ঝলকাং পুলছি হাবির মেইথং পেইরাক গুলইল। গোলাপচানে ইমা-ইন্দোলর ফালুংদে চেইল। বান্দারার ভাত রাধতে রাধতে গাল বাগেছে থারানিয়ে দক্ষিণর ফালুং হাবির মুঙে জাপ চন্দনর গাপখিল নামসাল গুলয়া, গাভীবগ অয়া বহেছে যোগেশ্বর এইগারে মুকসি দিয়া চেয়া আছে। গোলাপচানে তার মুঙে বহেছে উদাক ধনসেনারেও চেইল। উদাকর আহিথমতেনা আটকিয়া থা পরেছেগাতাই বামনর থাংনাং, রাজার জিপুতর ফিটাহানাং, ফিজাং পিদিয়া বহেছে তার বাপক ধনঞ্জয় রাজকুমারর গারগং য়ালছে সেনারিকডালে। মনিপুরর কালারাজার চিনৎহান উনি। দারা আটিয়া তানুরাং ফৌঅছেগাডাল।

গোলাপসেনাই ঠুনিংশা আহান বেলল। তারতাতে বাবাও নেই। তা মালকর উরে থাইতেই দৌ অছেগ। মামাক কালাচানর ঘরেই তার ঘর। মামাকর পরিচয়েই তার পরিচয়। মামাকতে এতা মিটিঙে নাও আহের। তা হারপাছে আজিকার সভাহানাং তার মালকও নেই। পাথারকান্দির বাজারে খুড়াহাপেই বুজে মুরি-কাপকল লকুরা বাছেয়া বহে থাইব। তা মুরগ নঙেয়া কতহান থাইল।

বারো সভাহানাদে চেইল। আমার জাতর ইতিহাসবিদ, ভাষাতত্ত্ববিদ, সাহিত্য-বিশারদ, সমাজ সেবারি সনাতন অজারে, পুলছি গিরিগিথানী হাবিয়ে নুংশি আহানল চেয়া অছি। সেনাচাউবার দানধর্ম করতে গোদান করেছিলা ডেহি ঔগ

বেছিয়া মেহেরপুরে দেখি জেঠি জিলকরে গেলগা কালি ভাত
খৌরোয়া আহিলগা যোগেশ্বর এইগা, ডাক্তরে দেখি হজক-
পথ্যর ঠোরাং করে নুরিয়া ইমে বনাজিল ঘরর মানুরে
তেমজার টিবি নুরা, ধনঞ্জয় রাজকুমার এইগা, বিলবারির
কমলাকান্ত মাস্টররাং বি তিন কিয়ার ইজারা দিয়া পৌর
পুতকরে থানাংত জামিনে আনলগা ব্রজেকিশর খুড়া, মাস্টরির
সালেদে রূপা কাৎকরিয়া আশাল বাছেয়া থাইতে থাইতে
চাকুরির বয়স লালছি হরেন দাদা, বীরমঙ্গল দাদাগাছি -
হাবিতা পাহুরিয়া বিভোর অয়া ছনতারা অমৃত সমান আমার
জাতর গৌরবময় পরিচয় অধ্যায়হান। গোলাপচানও বিভোর
অইল। ব্রজার্ষি ! রাজার্ষি ! আমার মানু এতা রাজারগাওর
মালঠেপে নাগই, যেমন হস্তিনাপুরর কুরুরাজসভাৎহে
বহেছিতা। সনাতন অজার নারগ গম গম করের -

-আমি কমতা নাগই। আমি অর্জুনর দারানাল। তৃতীয়
পান্ডব ধনঞ্জয় পার্থবর্জুন বার, ইমা চিত্রাঙ্গদার পুতক
বজ্রবাহন। কুরুক্ষেত্র যুদ্ধর পিছে হস্তিনাপুরেংত আলয়া আহিতে
আনেছিল, শঙ্খ -চক্র -গদা -পদা ধারী শ্রীবিষ্ণুর মূর্তি আগ।
প্রতিষ্ঠা করেছিল মনিপুর মাটিং -বিষ্ণুপুরে। ঔ বজ্রবাহনর
পুতক -দণ্ডমুনি, তার পুতক লিরাখয়া এসাদে ডিগল পুরেল
হান মাতে মাতে অজাই পড়িলগা - তার পুতক কালারাজ।
কালারাজার বংশ, জাতর থমবেই, ঔরে ধনঞ্জয় রাজকুমার
য়ামুংগাছি।

সভাহান ধনঞ্জয় এইগার বেদে বুলন দিলা। এইগাতেনা
চানাপ্লা ফামে গলিয়া হদাছে। কলাপাতাল হংকরা হজকর ঠনাগ
লাহুলে বারাদে পড়িয়া আছে। ধনসেনারেও লেংকা হাবিয়ে
চেইলা। তাও আহিথম জিপেয়া মুকসি আহান দিয়া ভাষণহান
কুৎকরে গিলল।

লেইরা, অশিক্ষা, পরিচয়হীন সমাজ এহানরে
আর্যবর্তর তুল মহাভারতল সামদে দিল সনাতন অজাই।
অতীতর গৌরবল, ঙাল আত্মপরিচয়ল মুকতাগর সাদানে চলক
চলক করের আজিকার বিরাট সভাহান -আহি মিচ্ছিল করের
হপনহান।

সেকাহান লাল নাথাইতে সভাহান লমইল। পুলছি মানু
হাবি মালঠেপগৎত নিকুললা -মেইথঙে ক্ষত্রিয়জ্যোতি,
সিংলেয়ে অর্জুনর রকং। ধনসেনা নুরা বাপকরে ঘরেদে নিয়া
যানারকা বাছেয়া থাইল। গোলাপচান উরাদারা বাজারর বেদে
কাকেই কারল।

(দুই)

রাতিহান বাক্কা অইলছাং। মালক পুতক গাটর পারে
পারে বাজারেংত ঘরেদে আলয়া যিতারাগা। বাজারর খৌগ
আক আতে বারো ডেউটিং বাকী আতে ধরিয়া মুঙে অছে

গোলাপচান। খুড়াহাপেইগ কাকালিং লয়া পিঠি অছে মালক
ইমারশী। হুদালা খুড়াহাপেইগ মুরর আলাহানে গারিগ চানাপা
এরদিয়া জিরাছে। ডেউটিংর আন্দিরা মিঙালহান আধার
পানিহানাং জঙেছে। পানিহানেউ হারৌ অয়া মালক পুতকর
মেইথঙে আলথক হিচে দেছে মুষ্টি আহান হপন। নিত্যিকার
সাদানে ইমারশীবে মনশিক্ষা আহান অকরল -অ অবুজ মন
নাচিনলে তোরে - গোলাপচানে ইম্পানি অয়া হুনিয়া থাইল।

- কিয়া ইম্পানি অছংতা ? এলাহান ল এনে।

গোলাপচানে দ্বিপারেং মালকরে পাংকরিয়া এরিল।
আজি তা এলাহানাদে নাছে। ঔহানে এলাহান লমইলে
মালকরে মাংল - ইমা আমার মানু এতা অর্জুনর দারানাল
উনি। বারো আমার পিপাগ বজ্রবাহন।

-হাইনাই, ইমা চিত্রাঙ্গদার পুতক। আজি বিরাট সভাং ঔতা
মাংলাতা ?

- হাই ইমা।

-আরতাতে কিতা মাংলা ?

-আমার ঠার এহান দৈবভাষা, সংস্কৃতেংত শৌরশেনী অয়া
আহেছেহান উনি। আমার কাদাবারার মিয়াং তেহর সাদানে
মাগধীংত আহেছেহান নাগই উনি।

-কুংগই মাংলতা ?

-সনাতন অজাই। যে হবা করে ভাষণহান দিল। ব্রজার্ষি, রাজার্ষি
বুলল ঔপেইং আপপানে গারিএগ জিরিং জিরিং করল।

- শৌরশেনীতে কিতা ?

-পশ্চিমার ঠার ঔতানাই।

-অ, তীর্থর হিন্দি ঔতা। অজা গিরকে মাতেছে মাহিতে চুম
থাইব।

- ইমা ! আমার লকেইহানর নাং কিয়া রাজা লকেই অছেতা ?
আমিও রাজার জিপুতর সাদানে রাজার বংশ থাং ?

- অ থাইব।

- ঔতা অইলে বিরাট সভাং বামনর কাদাং ফিটাতে কিয়া
নাদতারা ?

- মি হারনাপাছু বাবা। অর্জুনর বংশ, রাজা লকেই ঔতাল
কিতা করতে। ঔতাই আমারে ভাত দিতই থাং ? আতর
কামেইল খেয়ার মানু।

- অইলেউ নিজর পরিচয় আহানতে লাগের নাই। মনিগ,
হাবিতা বেলেয়া মনহান দিয়া লেরিক তামকর। বুদ্ধিহান হবা



বুলিয়া গাংহান হাক্বিয়ে তোরেল আশা আহান করতারা ঔহান নিংশিং অইছ। দাদাই তোরবেদে চেয়া বাছেয়া আছে ঔহান হারপেইছ। এ বছরও হাক্বির গজে অইতেইগ ?

গোলাপচান বুম মারিল। মামাকর কথাহান মাতানিয়ে তা খামইল। মালকর মেইথংহানাদে নাচেয়া গাটহানর পানিহানাদে চেয়া চেয়া চির চির আটানি অকরল। ইমশৌবে কথাহান থেইকরল,

- তি কলেজগ লমকরিয়া ডাঙর চাকুরি করতেই ঔবাকা আমার হীন এতা ককইতইতা। মনিগ, তি বাবুগ অয়া অফিসে চিয়ারহানাং বহিতেই ঔপেইং মোরে আকদিন তুমার অফিসে নিসগা, হে ? মি কাদাং বয়া আহিথম বুজিয়া তোরে চেইমতা।

- না। লাজ পাউরি। গোলাপচানে বারো টটরানি অকরল।

- অফিসে গিয়া হাবির মুঙে আমার ঠারল লৌদে লৌদে টটরতেগা করে। আপপানে এলা অকরতেগা করে।

- নিজর ঠারল টটরতে বারো কিতার লাজ। হাইদে, সুপ না টটরতৌ, এলাও নাদতৌ। ইমে ইম্পানি অয়া কুন আগং বয়া তোরে চেইতৌ।

এসাদে যারি দিয়া দিয়া মালক পুতক ঘরে ফৌঅইলাহা।

লেরিক চেয়া রাতি ভাতপানি খেয়া গোলাপচান ফামে হমেইলগা। ইমশৌ ঘরর আদিরি দিদিরি কাম লমকরিয়া আহের কালিকারকা খাংহানাং কাপক বাজিয়া বহিলী। গোলাপচানরতা আজি ঘুম নাহের। ফামহানাং চিংগ অয়া শনর চালহানাদে চেইল। নেম চালহান। ফামহানাং উবা অইলে মারুলিগ ছকনি যাকরতই। তা ঠুনিংশা আহান বেলল। তার মুরগর গজর চাল এহান নিজরহান, হাই। কিন্তু ঘরগ উবা অছে অপরুপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

মাটিহান নিজরহান নাগই। মামাক কালাচানরহান। মামাকর ভিটাগর পট আগদে মালক -পুতকর দ্বিচালি ঘরগুলি। মামাক -বাগিনাক চাকাম আহানাং খানা গমনেই বুলিয়া মালক -পুতকর খেই জিনাহান। মামাক নাংজাদা বিপ্লবীগ আইলেও লেইরা হানে খমথেঙছেগ। তানুরতা ভিটা আগ কিয়া নেইতা ? এ গাং এহানাং তানুর বংশ, জ্ঞাতি বুলতে আরাক ঘর আগ কিয়া নেইতা ?

- মনিগ, বারো বিরাট সভা, মহাভারত, অর্জুন, রাজালকেই ঔতা খালকরিয়া থাইলেতা ? ঘুমজে। ঙালল উঠতেইগ। বাই, হস্তিনাপুরর মহাভারতহানলেহে গই লাগেছি। এবেদে, রাজা লকেইর নিঙল বিয়া দেনা নুয়ারিয়া, লেইরাহানে চারা উবা অয়া লাগেছি মহাভারত এহানাদেতে নাছি। মিটিঙে, গদীং বহেছি ডঙরিয়া ঔতাই নিজর জিয়া জিপুংল, বেইবুলিল আহেছিগ ? নিজর শৌরেতে ঘরে ইতু করিয়া থয়া, আমি লেইরাপার শৌর মুর খাদেনিরকা গই লাগেছিতা। লেরিক নাচেয়া এতা খালকরর, মিটিঙে যারগা বুলিয়া হুনলে দাদাই দুঃখ পেইতইতা, হারনাপার ?

- ইমা ! মামাতে কিয়া এতা মিটিঙে নাযারগাতা ?

- দাদাতে গারিগ নুরারেরনাই। বাঘগ আছিলগ। জেলে থাইতে লাগিল কুমলেইনা এহানে আজি চানাপা ফামে পড়িলতা। নাইলে -

- মামাইতে এরে জাত, বংশ, লকেই এতা কিয়া নাকরেরতা ?

- দাদাতে কমিনিস্টগনাই। তারাং হাবি মানু সমান। বংশ নাগই, নিজর কামল ডাঙর অনি বুলেরতা। হারপেইলে ?

কমরেড কালাচান। দেশর স্বাধীনতার সালেদে হাবিতা কাৎকরেছে সংগ্রামীগ। এবাকা লেইরা অইলেও হাবিয়ে সন্ধান করতারা বিপ্লবীগ। নান্দ্রিপাদ, নুপেন চক্রবর্তী, দশরথ দেব, বীরেশ মিশ্র, মৃণাল কান্তি দাশগুপ্ত, আদি নেতার তুল আকতা অয়া বামপন্থী আন্দোলনে লামেছেগ। প্রতাপগড়র বিদ্রোহর নেতৃত্ব দিতেগা জেলে থাইতে থাইতে ঘরে আলয়া আহেছে গিরকগ। জেলর অত্যাচারে লাগেছে নুরারাহান। দিন বাছানি ছাড়া আলনির কুনো আশা নেই। পাটির মানুষে দিনে রাতি উনা অয়া যিতারাগা। কমরেড কালাচানর বাগিনাক। মামাকরে তা জবর নিংকরের। মামাকরেল তা গর্ক করের, মামাকর পরিচয়ল তা ডাঙর অর। ঔতা বুলিয়াতে নিজর পরিচয় আহান নেই থাং ? হরুর পুতক বুললে কিয়া পাং মানুষে নাচিনতারাতা? তার বাপক মূলেতে কুং গাঙরগ ? কিয়া হৌরিয়লর ভিটাগং থাইলাগাতা ? এবাকা এতা কথা তারতা হারপানি নিয়াম দরকার।

- ইমা ! আমার বাবাত্তে কুং গাঙরগ থাং ? বাবারতা আর

বেইবুনি নেই থাং ? ইমার্শৌ উঙইলি। তপ্তা লেঙৌর খলাহান লারানি এরলী। বারয়ার বৌবরণে উঙছে চপ্তা পাহিয়া মালকগর সাদানে পুতকরে রেংকরে কতহান চেইল। কিহানর শান্তাহান এহান ? তেই আর আর দিনর সাদানে আজিও কথাহান থেইকরল, -

- মনিগ, এবুজ নাঘুমজেহুৎ ? মুরগ কামারারথাং ? আরির পানিয়ে থোফুটিয়ে নৈকরিয়া তালুহানাং দিয়া দিতু ? কালিতে গাটহানর বুকুর লেঙৌর চাকতি ঔগৎত হবা লেঙউ কাঠি আহান আনে দিছগাতা।

থাংহানর তপ্তা লেঙৌর ইমার্শৌয়ে বিরনর ধান খলা আহান দিল। ফট ফট কাপক ফুটানি অকরল। কাপকর বিজয়হানাং গোলাপচানর নিয়াম দরকারি প্রশ্নহানি মাং নেয়য়া উবুরি অয়া দন্তবৎ পড়লাগা। গোলাপচানে কিংতাও নামাতিয়া খালকরিয়া থাইল - বাপকর বংশর, আদৎ ঘরর কথা আংকরলে জুৰাব নাদিয়া মালকে কিয়া অন্য য়ারিল বিরেইরীতা ?

পিছেকার দিনে মঙ্গলারতির পিছে গোলাপচান লেরিক চানাং বহিল। সমাজ বিজ্ঞানহান সালকরিয়া লৌদে লৌদে পাকরানি অকরল - সমাজ বিজ্ঞানী ট্যালকন্ পার্সনর মতে স্টাটিকফিক্যাশন্ অফ অ্যা সোসাইটি ইজ -

লেরিকচানা লমকরিয়া তা মেৎতমকা দুবাং নিকুলিল।

- মনিগ আইতা। মামাক কালাচানে তার ঘরে ভিতরেৎত ডাকল। গোলাপচান মামাকগাছির ঘরে ভিতরে হমেয়া দুবরহানর কাদাং উবা অয়া থাইল। মহরিহানর ভিতরে কালাচান খুক খুক কাহে কাহে বছে। টিবি নুৱা। তার নুৱাহান হাচুরে পরবগা বুলিয়া আকখুলা বাগিনাকরে তার কাদাং চেপনি নাদের চুম, কিন্তু তার বিচক্ষণ মিললেঙেৎত, তার আদর্শৎত, তারে দূরেই নাকরের। ছয়ফুট ডিগল মানু এগ নুৱাহানে সলয়া ফামে কৌজিয়া অয়া থাইলেও তার নারগর বরিহান, আহিখমর তেজহান এবাকাও কিংকরে জাতার।

- মনিগ, এবাকা তামকরলে পাঠ এহানর অর্থ উপইলেতগ ? স্টাটিকফিক্যাশন শব্দ এগ আহেছেতা স্টাটা শব্দ এগৎত। অর্থহান শ্রেণী। সমাজ এহানর লেইরা - বরা, গজ - তল জাত, রাজা - প্রজা এরে শ্রেণী এতা মানুবে হংকরাতা, গরেইপাতা। আর ডিল নেই, মানু এতা সমীকরণ আহানাং পারেং ইলয়া বহিতাইতা। গোলাপচান ঝুম মারিয়া হুনের।

- ইতিহাস এহান অতীতহান। অতীতর অভিজ্ঞতা ইতিহাসেৎত হিকিয়া বর্তমানর পরিস্থিতিল বিশ্লেষণ করিয়া ভবিষ্যতেদে চুম কাকেই কারানি এহানেই উন্নতির বীজমন্ত্রহান। মুঞ্চ অয়া পিঠিয়েদে চেয়া চেয়া মুঙেদে কাকেই কারলে উচুটন খেয়া পরতেই। বারো পিঠিয়েদে আলথক কাকেই কারলে সভ্যতাৎত



তুৱা অয়া দূরেই অইতেই। মনিগ, হারপেইলে ? হাইদে যাগা। এবাকাতে অঙ্ক খানি করগা।

গোলাপচান মুরগ লরেয়া বেলেয়া আহিল। অঙ্কর লেরিকহান সালকরিয়া বেহর অইল - অঙ্ক ? মামাই কিতার অঙ্ক করানিরকা মাংলতা ? এরে অঙ্ক এতা ? না -

মামাই কিয়া এতা কথা মোরে মাংলতা ? মোরে ? না জাতহানরে ? গেলগা কালিকার মিটিঙে তা গেছিলগা পৌহান ইমাই মামারে বাগাদেছেছাং। ঔহানও কিসাদে, কই বিয়াস্ততে ইমারে মামার কাদাং যিতেগা নাদেহেছ। মামা এগতে ফামহানাং বয়া হাবি পৌ পারগ। বিপ্লবর দিনে লুকুয়া থাইতেগা ব্রিটিশে পেয়া ডরপাছিগ।

(তিন)

আর আর দিনর সাদানে গোলাপচান লেরিক চানা লমকরিয়া ফামে হমেইলগা। ইমার্শৌ কাপক ভাজিয়া বহিলী। মালক কুম্বাকা ঘুমজিরীগা, তা হারেই নাপার। বিয়াস্ত তা উঠানির আগে তেই উঠিয়া জাগরণর এলা অকরিরী। রাতি নাহে ঘুমজিরীছাং। ঠুনিংশা আহান বেলল। এবাকা তা শৌগ নাগই। মালকর হীন তা হারপার, কিন্তু কিংতাউ করে নুৱারের। এতা এতা খালকরিয়া আজিকালি তার ঘুম নাহের। তা শনর চালহানাদে চেয়া থাইল -

- ইমার্শৌ পিয়েই, ঘরে আছংগ ?

- অ, নিমাইনাকিতা, আই, আই, বয়া।

গোলাপচানে মহরিহানর ভিতরেত চেইল। ফেইচম পানজাবি পিদিয়া চল্লিশ কিতা বয়সর মিকেইপা মানু আগ তানুর ঘরে ভিতরে নঙিয়া হমেইলহা। পাটির মানুগ। আগেউ কতখুরুম দেহেছে। রাখাল রাজকুমার। ইমা বারো মামাইতে নিমাই বুলিয়া ডাকতারা। বাবা উনি তানুর ভিটাগৎ থাইতে ইমারে বিয়া করেছেগ।

ফুংকাহানর গুড়িৎ ইমামশৌরে পারদিদল পিড়াহানাৎ নিমাই বহিল। তেই ভাজিরী কাপক উতাই মধুর গটা আগই শেংশেঙর খেরি আগৎ ইমামশৌরে তারে দিল। ওতা খেয়া খেয়া তা ইমামশৌরে আংকরল—

- পিয়েই, শৌগরে নাদেহুরিতাতে ?

- মনিগরে ? ঘুমজিলগানাই। রাতিহান কম গেলগাগ ? এবাকা আর শৌগ অয়া আছে থাৎ ? গাবুরাপুবাগ ফাইলহা। তিও নংসাং অইলনা এবেদে সুপ নাহরতা।

- হাই পিয়েই। কালাচান খুড়ার গারিগ নিয়াম জুখনেই বুলিয়া হুনিয়া উনা অয়াউ আহিংগা বারো পাটির কামকাজর পরামর্শ খানিও করিংগা বুলিয়া আহিলুতা।

- তিতে এবাকা কুরাং আছৎ ?

- দেউছড়াৎ। ঔপেইর এম এল এ, গয়াপ্রসাদ, দৌ অইল হাতে বারো ইলেকশন অইতইনাই। ওহানে পাটির কাম খানি নিয়াম অছেতানা।

দেউছড়ার নাংহান হুনানিয়ে ইমামশৌ বারো চঙা পহিয়া মালকর সাদানে উঙইলী। আংহানল থম্বেইহান আদার করিয়া গোলাপচান ঘুমজেছে ফামহানাদে কূপকরে কতপর চেইল। ওতাউ ফাংচা নায়া মুকফুর থম্বেইহান ধরিয়া ফামহানর কাদাৎ আয়া পুতকরে হংকরিয়া চেইল। থাংহানাৎ কাপকর খলাহান ফুটিয়া ইরিং পারিং নেয়ইল। নিমাই চানাপ্লা আধারে থাইল। গোলাপচানে ঘুমজিল সটানহান দিয়া পড়িয়া থাইল। নিশ্চিন্ত অয়া বারো ফুংকা হানর গুরিং গিয়া ইমামশৌরে নারগ চিপেয়া নিমাইরে আংকরল -

- নিমাই, দেউছড়াৎ মনিগর আপাবপার বিবারি ওতা এবাকাও আছেতা ? দেহরতা ? গোলাপচানে কানহানি হিঙারল।

- পিয়েই, দেউছড়ার হাবির পটর আটকিয়ারর এরাভিটা ঔগ এবাকাও চৌধুরী বরখম সিঙর ভিটাগ বুলিয়া মানুয়ে মাংতারা। আমার হুরু পিয়ার বাপক ঔগ হুতুমৌ জমিদারগ আছিলগ' হে।

- নারগ ডাঙর নাকরি। শৌগ উঠে পরতৈগা।

- তিলখে বাজার, রামনগর ক্যাম্প বার দেউছড়ার হাদিগৎ

চৌধুরী বরখম সিঙর আট দুন, মানে একশ আটাইশ কিয়ার বি আছিল উনি। এবাকাও ঔপেইর মানুবে মাংতারা - জেঠি বনক পাতলীয়ে আকখুলা খুলা বেয়ক হুরু পিয়ারে জিংতা করানির সালেদে দলা গরা আগৎ চড়িয়া খৌ আহান হুনা রূপাল প্রতাপগড়েদে দাবদিয়া আহেছিলী। ওতার পিছেদে ভানু আর আলয়া দেউছড়াৎ নাগেছিগা। তানুর বি দখলা -দখলি করতে মাইর লাগিয়া চারিগ মানু জাগাৎ মরেছিল উনি।

- ওহানলেহে শৌগরে এতা লিম সুপ নাদেছুনাই। মি হীন পেইয়াও থাইৎ। আকগ পাছুগ। মরলেও ঔপেইৎ যানা দিতোথাৎ ? গোলাপচানে মহরিহানাৎ মেইথংহান লাগেয়া আহিথম পাকদিয়া হুনের।

- বাছা, পাতলী গিদেই বেয়করেল তুমার ভিটাগৎ আছিলী বুলিয়া ঔপেইর মানুবে হারপাছিথাৎ ?

- না পিয়েই, মি প্রতাপগড়রগ বুলিয়া তানু হারহে নাপাছি। ত্রিপুরাৎ মোর নাং রাখাল রাজকুমার। নিমাই বুললে আকগইও নাচিনতাই। ইমামশৌ নিংশাহান বেলল।

- ভিটা ঔগ মানুবে দখল করেছিথাৎ ? দৌয়ালা ভিটাগ বুললাগতে।

- এবাকাতে দৌও লাম বেলেয়া দাবদেছিছাৎ। ঘরবারি হংকরিয়া ভিটাগর কাদা আহানাৎ মানু পড়েছি দেখলু। ওতাউ ভিটাগ লাহাং অয়াই নিয়াম আছে। হেইনৌ, খাটলর বারি ওহানি মন চরকরের। বাছা পিয়েই, পিয়াতে সুপ আকখুরুমও আপাবপার ভিটাবারি চানাৎ নাগেছিলগাথাৎ ?

- মোরে সিচ্চিল বাগেয়া আকখুরুম চরেদে গেছিলগা। ফুতি বেছেকুরাগ অলয়া। ঔপেইৎত কিহান অছিল কিগুইজানে। ঘরে আলনির পিছে ওতার য়ারি নাদল। মোরাঙও না। কামিনী উকিলে নিজে আয়া আকখুরুম মাতেছিলহা - কাগজেতে মনিগর বাপকর নাং আছে উনি। কেইস করলে যেসাদেউ জিঙা নি যাকরতই বুলিয়া বুঝেইল। কিন্ত তর পিয়াই নাকরল। কিয়া কিতা বুলতু। নিমাই বারো মালকর য়ারি আকমুরেৎত হুনিয়া গোলাপচান গাকইল। বুকগৎ আতহান দিয়া চেইল - ফাটিল মাটিক ফল ফল ফালদের। রাতিহান তার আহির পাতাহানি আর উনা অনি নাইলা। ওতাইলে, তা লেইরাপাগ, ডেইডেই হারাগ নাগই। চৌধুরী বরখম সিঙর নাতিয়ক। মুলেতে তালেবরগ, জমিদারগ।

পিছেকার দিনে গোলাপচানর আহির মিৎতাত, চালচলনে, কথাবার্তাৎ খানি তঙাল আহান বারি দিল। বিয়ানে মংগলারতির পিছেদে ঘরে আলয়া আয়া লেরিকচানাৎ বয়া তা খানি বেহর অইল। ইকরর বেরহানর পাচেং বাগিয়া হংকরা হুরকাং খিলকি হানাদে তা দুরাহান চেইল। নিক্কাউ চার। কিন্তু

হুরকাং খিড়কিহানাদে আজি তা দেহে পারল অসীম ইন্ডাল ভাল আকাশ আহান। এ দিনেইতে কিয়াখাং হাক এহান তার ইঙ্কুলর পুরানা আঙেইর তেনাহান পারা করে দেহেছিলতা ? কিয়া এমাটিক মং অছিলতা ?

এ বিয়ানপরে ঝা গুট আহান লপুকেত দুরেইর দিগন্তদে ফরদিয়া গেলাগা। তানুর কাপক পারা পাখহানিত জড়িল লেহানেই হুবার হুনার বিজুরি -লপুকগহুবিং। গোলাপুচানে উরাদারা তার দৈনিক খাতাহান সালকরল। মলাটহানাং, পইলাকার পাতাং, থাংনাংকার পাতাং, য়েপেইং ইকরানির লিকলিকা রাইশাং ফাম পেইল ঔপেইং ফরিগল ইকরল -চৌধুরী গোলাপচান, চৌধুরী গোলাপচান, চৌধুরী গোলাপচান -

দৈনিক খাতাহানাং তার নাংহান পারিলমাহি ইকরিয়া গোলাপচান দুবাং নিকুলিল। মামাকগাছির মইষগ টংগিগৎত নিকালেয়া পিঠির সারাগর পারে গোচরাহানাং আউরি এরেনেদোং নিলগা। মইষগৎ চড়িয়া বৌর আগাদে জাংগালগদে নিকুলিয়া গোচরাহানাং ফৌঅয়া ফল্কে ফালদিয়া তা লামিল। তা ফৌঅনির আগে ধনসেনা বারো তার আর আর মারুপ কতগ ফৌঅয়া টাংলেই খেলোয়া আছিল। তারে মইষগৎত



লামতে দেহিয়া ধনসেনাই মাংল -

- কিতাতে,গরাগৎ চড়িয়া আয়া লামলেগা পারাতাতে। মইষগরে গোচরাহানাদে খেদে দিয়া গোলাপচানে মাংল,-

- গরাগহেনাই। দলা গরাগ।

- মুরগ ফামে লেপয়া আছেগ ? কুমসালিগপারা মইষগরে দলা গরাগ বুলরতাতে।

- চড়ে উগ জুং অইলে মইষগও গরাগ অয়া দাবদের। আমার আপাবপা জরম অইতেৎত গরাং চড়েছিতা। হারপাছং ?

গোলাপচানর আহিং আজি মিতল ভাবহান নেই। টটরার নারগৎ, আটানির খংচেতে মিকেইপা ভাবহান।

- গিরক এ আজিতে ফুককররনায়ে। কিতা অছেথাং ? ধনসেনাই আংকরল। গোলাপচানে কিতাউ নামাতিয়া আসাংপা গোচরাহানাদে চেয়া মুকসি আহান দিল।

(চারি)

ইমার্শৌ চিন্তা আহানাং পড়লী। বেলিহান হমানি বিংতা অইলগা। মনিগ এবুজ ইঙ্কুলেৎত আলয়া নাহিল। এসাদেতে ডিল নারগ। বাজারও ডিল যারগা। তেই মনিগর ভাতপানি জুং করিয়া পেলি আংল গুরেদিয়া দুবারহান চেপকরিয়া মুড়িকাপকর খুড়াহাপেইগল বাজারেদে সালইলী। বাজারেউ পুতক নেই। সেক্কাকার ডেউটিং লাগেইল। আজি তেই মুড়ি কাপকর লকুরার ঔগদে নাছে। তেইর আহিং বাজারহান তন্ন তন্ন করিয়া হংকরানি অকরল। এসাদেতে আজি পেয়া নাছে। বয়া থানা নুবারল। থাইল মুড়ি-কাপক উতা পুন্ডাপে সস্তাত মহাজনগরাং বেছিয়া চির চির ঘরেদে আলইলী। পথে চিন পরিচ য়েগরে পেইল আংকরল - আমার মনিগরে দেখলাইতা ?

ঘরে আলয়া দুবারহান ঠেলা দিয়াও চেইল -ভাত চালুক যেসাদে থয়া গেছিলীগা ঔসাদে আছে। তেই উংখাং অইলী। উবাই উবাই দাবদে ব়েয়ক কালাচানর ঘরে হমেইলীগা।

- দাদা, মনিগ এবাকাও ইঙ্কুলেৎত আলয়া নাছেছে। মোরে আনানিং বাজারেও নাগেছেগা।

- আজিতে মইষগ নিজে নিজে ঘরে আলয়া আহিল। আমিও চিন্তা করিয়া আছিগ।

এতাপারা ব়েয়করাংতও মনিগর কুনো সুরাখ নাপেয়া ইমার্শৌ নিকরিয়া মাটিহানাং বহিলী।

- ইমার্শৌ, তা তিলর শৌ উতারে চাতা। আজিও বারো মিটিং কিতাদে গেছিগাছাং। ইমার্শৌ আর ডিল নাকরিয়া নিংশা আহানাং ধনসেনাগাছির ঘর ফৌঅইলীগা। ধনসেনাতে ঘরে নুবারা বাপকর পিঠিহান আদদিয়া আছে। ইমার্শৌবে আংকরল,

-ধনসেনা, আমার মনিগতে ?

-আজি স্কুলেতে আকতা ঐয়া গোলাংগা। আলইতেতে মি তারে বিছারেয়া নাপেইলু। মিতে মইরে আনাং বাজারেদে গেছেগা পাউরি বুলিয়া -

ইমশৌ আর নিজরে ধরে নুৱরিয়া লৌ মেলিয়া কাদানি অকরল,

-মনিগ, অ মনিগ। অ মোর পরাণ, অ মোর কঠগ - কাদে কাদে পাগুলাংগ পাৱা অয়া দাবদে ঘরেদে আলইলী। ধনসেনাও লগে দাবদানি অকরল। গাঙর মানু তানুর উঠানে পুলইলাহা। ইমশৌ বারো ধনসেনারে বেরি দিয়া আংলাক করলা। কতগই ডেউটিল বিছারানি অকরলা, কতগয় শয়তানে বুলেয়া নিলাগাতানাকিতা বুলিয়া ঝাল মাংকাংল লপুকর খংনাং জারর বেদে গেলেগা। কতগয় নাগইতা খালকরিয়া গাটেদেও বিছারেয়া চেইলাগা। নেই। আকপেইতও ইমশৌর কঠগ নেই।

-দাদা, মি কিহান অইলুতা। মোর মনিগ নেই।

নুৱাৱা বেয়কর ফামহানর কাদাং মাটিং গরাগরি দিয়া ইমশৌ কাদানি অকরল। মইরিহানর ভিতরে কালাচান আঠুগির গজে চুহিহান থেং করিয়া খালকরিয়া বহিল। ইমশৌর কাদাং আহিরপানিল টিপ টিপ অয়া বয়া আছে ধনসেনারে চেয়া তাপপ আংকরল,

- ইস্কুলেতে তারে দেখলেগ ?

-হাই মামা। আকপেইং বয়া ক্লাশ করলাংগ। আলয়া আহিতে বিছারেয়া নাপেইলু।

- কথা বার্তাং চালচলনে আজি কোনো তঙাল কিতা তারে দেখলেতা ?

- হাই মামা। নিংশিং অইলু। আজি বিয়ানেংত তা তঙাল তঙাল অছিল। আর আর দিনর সাদানে নিমাতারা নায়া খানি বেপকরাহে অছিল।

- আজি কিতা য়ারি পরি দিলাই নিংশিং অরতা ?

- মামা। আজি তারতা মুরগং খানি ধরেছে পাউরি। আজি তা আবুল তাবুল খানি গুজুরল। মইষগল গোচরাহানাং ফৌঅইল্লা অংতাহান দেহিয়া গরাগংত লামরপাৱাতাতে বুললু আরো, মইষগরে তা গরাগহেনাই বুলল। দলা গরাগ।

ইমশৌ কাদনহান এরিয়া হাংকৈ অইয়া মাটিহানাংত উঠিয়া বহিলী। বেয়কে বনকরে চেইল।

তিরি সেক্কাহান লালয়া রাতিহান অইল। দেউহুড়ার কমিনিস্ট পাটিংর অফিসগর ভিতরে রাখাল রাজকুমার বয়া আছে। দুৰাংত চাইকৈ দাদা ভিতরে হমেয়া তারে মাংলগা -

- বিদেশী শৌ আগই তোরে বিছারেয়া আহেছে। দুৰাং বাছেয়া আছে।

- বিদেশী শৌ আগ ? এ রাতি উতি ? রাখাল টচগল দুৰাং নিকুলিল। শৌগই তারে হমা দিল।

- বাবা তি কিসাদেগ ? কুৰাংকারগ ?

- মি প্রতাপগড়র খালপাররগ। কমরেড কালাচানর বাগিনাক।

- ইমশৌ পিয়েইর পুতক ? মনিগ নাগইতা তোর নাং ? কতি ডাঙর অ - হা ! তিতে এ রাতি কিয়া এপেইং আহেছংতা ?

- দাদারে বিছারেয়া।

- মোরে ? হা, কিয়া ? হইমা, তিতে কিয়া এপেইং আহেছংতা ? আই, আই। ভিতরে আই। ভিতরে হমেয়া চিয়ার আহানাং গোলাপচানরে বহা দিয়া কাদার চিয়ারহানিং রাখাল বারো চাইকৈ বহিলা।

- দাদা, চিনলেতা ? কমরেড কালাচানর বাগিনাক। আমার হুৰু পিয়ার পুতক।

- চৌধুরী বরখম সিঙর -

- হাই, হাই। নামাতি, মানুয়ে হুনতাই।

চাইকৈ ঔতাও হ নুৱরিয়া গোলাপচানরে কলকরিয়া চুটআহান কাদল।

- আজিতে বাবা এ লাম এহানাং কিহান নিংশিং অয়া পাৱাদিলেগাতা ?

- আপাবপার ভিটাং চানারকা। আমার বি ঔতা বেদখল করেছি ঔতারাত্ত বারো কারলনিরকা।

- তিতে কিসাদে হারপেইলেতা ? রাখালে খাঙয়া আংকরল।

-কালি রাতি ইমায় কিতায় বরখম বুড়াবার য়ারি দিলাই ঔতা হাবি হুনলুগ। রাখাল ইম্পানিগ অইল। তা উঠিয়া চাইকৈ দাদারেল দুৰাং গিয়া ফিস ফিস করে কিতা কিতা য়ারি দিলগা। কতপর পিছেদে বারো ভিতরে হমেইলা।

-ঘরে বাগেয়া আহেছংগ ? রাখালে আংকরল। গোলাপচানে কিংতাও নামাতিয়া মুরগ নঙেইল। রাখালে বারো চাইকৈ দাদাই তারে মাঠিয়া মাঠিয়া বুজেইলা।

- বাবা, ঔতার আশা আর নাকরি। এবাকা ঔতা আর তুমারতা অয়া নেই। মি হাবি চিনেছু, হারপাছু। এবাকা ঔতাং আতদিলে রকথল হিনাহিনি আহান অইতই। এরেদে। চাইকৈ দাদায় মাংল।

-ঔতা বুলিয়াতে এতাহাবি থায়াও আমি ডেইডেইহারা অয়া

থাইতাং ? মোর ইমাই, চৌধুরী বরখম সিঙর বহকে বাজারে মুড়ি কাপক বেছত ? মি চৌধুরীগর নাতিয়কে সভাসমিতিং, লগরতারং সদায় মুর নঙেয়া থাইতু ? নিংশা আহানাং গোলাপচানর অন্তরগৎত তঙা অয়া নিকুলিল মেয়েক এগি দুবাং আনিয়ৈ চানা পা তিঙিল। রাখালে তার আহিথম পুছে দিয়া বুজেইল,

- মনিগ, অবুজ নাই। এহান চৌধুরী বরখম সিঙে নিজর আংল হংকরেছিল মিরাসহান, আপাবপারাংত পাছিলহান নাগই। কালর গতিং বারো মানুয়াং গেলগা। তিও নিজর আংল জীবন সংগ্রাম কর, নিজর পরিচয়হান নিজে হংকর। ইতিহাসর পুরানা পাতার পরিচয়পত্রহান ফিরালহান পারাকরে ধরিয়া না আটি, মানুষে আহিতাই। ইমাইশৌ পিয়েয়ে বাজারে মুড়ি কাপক বেছিরী ঔহান তেইর জীবন সংগ্রামহান। হাবি জীবন সংগ্রাম মহান, নমস্য। আমি হমা দিয়ার, তিও হমা দে। ঔহানল লাজ নাপেই, গৌরব কর।

রাখাল দাদা এগও কালাচান মামার ডেকি টটরার। গোলাপচানে মামাকরে নিংশিং অইল। হৌদিন দিনে মামাকে ইতিহাসর কথা আকচুটি মাতেছিল ঔহানও ইমে আকহান। আজি তা বু পড়িল। তা মুরগ নঙেয়া থাইল।

- দাদা, এপেইং এবাকা মিটিঙর মানু আহানির আগে মনিগরে আজিরাতিহান দাদার ঘরে থনার জুং করগা। কালি বিয়াস্ত পাখারকান্দির গাড়িৎ কাকরেদিছ। এপেইর মানুষে তার পরিচয়হান হারপানাকা, চেইছ।

চাইকৈ দাদায়, গোলাপচানরেল পাটি অফিসেংত নিকুলিল।

পিছেকার দিনে কালাচিংথেইং চাইকৈ দাদায় গোলাপচানরে তার আপাবপার ভিটাগৎ নিলগা। রাতিহান তার লগে ঘুমজিয়া বুঝেইলগ। তাও বুঝল।

ঔতাও আলয়া যানার আগে আপাবপার ভিটাগতে আকফির অইলেও দেহানির খৌরাং আহান গোলাপচানে ফুকারলতা থকয়া মানু উঠানির আগে আদং ভিটাগৎ গোলাপচানরে তা আনেদিল। আট কিয়ারর লৌটাক ভিটাগ। ইদুম দুবাং অছে। ঔরে খাটলর বারো হেইনৌর বারিহান। হুরকাং হুরকাং ঘর কতগ ফামে ফামে পড়লেও চৌধুরী বরখম সিঙর ভিটাগর ফিবামহান এবাকাও ঠিকদিয়া আছে। যে ভিটামাটির তিরাষে গোলাপচান ঘরেংত দাবদিয়া আহেছিল ঔগ সেইক্ষ্যাং মুঙহানাং দেহিয়া টপ টপ আহির পানি বেলল। কিন্তু বপাকে তারকা করেদেছে মিরাসহান বেদখল করেছি ঔতার ঘরগি দেহিয়াও আজি তা না সৌঅইল। ঠুনিংশা আহান শিচ্চিল বেলল। তা আপাবপার ভিটাগৎ ডিগলগ অয়া হমা দিয়া পড়িল। আঙেই পালটুন মাটিগল একাকার অইল। ভিটাগর

অপরপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

মাটিল নিরালহানাং নামসা আগ পিদল বারো মাটি ডলাশৌ আগ জেপগৎ বরেইল।

জানিয়া নাজানিয়া শৌগয় আপাবপারে করের নিং এহান দেহিয়া চাইকৈ দাদা আর হ নুবারল। তারে কলকরিয়া ধরিয়া মাংল,

- বাবাগুলি তি ন্যায়র পথগৎ থাইছ, পরিশ্রম করিছ, মি অন্তরগ যৌঅয়া বর দেউরি আকদিন এতাংত জিঙে বি -মিরাসল ও লয়া পালয়া থাইতেই। গোলাপচানে চাইকৈ দাদারে হমা দিয়া মাংল,-

- এবাকাতে যিকগা খুড়া, গাড়িহান যানা বিংতা অইলছাং।

(পাচ)

সেক্সার ইরবিরগ। পুতকর চিন্তায় ইমাইশৌ ভাতপানি বেলেয়া ঘরে ভিতরে মাটিহানাং পেংথা অয়া পড়িয়া আছে। থয়েইহান পেয়াও নালাগাছে। বাজারেও নাগেছেগা। তাজা ঔগৎ গোলাপচান দুবারহান ঠেলাদিয়া তাপ ঘরে হমেইল। দুবারহানর শব্দ হুনিয়া ইমাইশৌ থকক বহিলী। ভিতরে হমেয়া উবা অয়া আছে পুতকরে দেখল। শৌঅয়া উঠিয়া গিয়া পুতকর মুরগৎ জুংকরে কট আগ দিল,-

- মোরে জালেয়া নুঙেইপারতা ? কুরাং গেছিলেগাতা, হে ? তেই নামথু নামথু পুতকরে কিলবারি দেনা অকরল।

নাকরি, নাকরি। থতাহানল চিকারি দিলেও, আহে আহে পিঠিহানাং প্রাপ্য মেইঙকহান খকরিয়া পুতকে মালকরে কলকরিয়া ধরল। তেইর শৌঅনিহান মিকুপে লংগাইহানর পাগালা গুলাহান অয়া পারঘর পাহুবেইল।

- অ ভগবান, তি নেই বুলতেও আছং এ। অ মোর পরাণ, মোর কষ্টগ --

কাদাবারার মানু গোলাপচান আহিলহান হারপেয়া পুলইলা। ঘর ভিতরেংত কালাচানে মাংল,-

- ইমাইশৌগ, মনিগ আহিলতা ?

- হাই, দাদা। যাগা, দাদাই ডাহের। নুবারা মানুগই কালিরাতিহান তোর সালেদে না ঘুমজেছেগ। মালকে পুতকরে ঠেলা দিল। গোলাপচান মামাকর কাদাং যানি পইলা কিথিকুরুম অইলেও পিছে মিকেইপা কাকেই কারিয়া ঘরে ভিতরে গিয়া মামাকরে মহরিহানর দুবাংত হমাদিয়া মুর নঙেয়া উবা অয়া থাইল। ইমাইশৌ পুতকরে খাঙয়া চেইল-রাতি আহানর ভিতরে তেইর পুতক কতি ডাঙর অপড়েছেগাতা !!

- মনিগ, তিতে দেউছড়াং গেছিলেগাতা ?

গোলাপচানে কিংতাও নামতিয়া ইমে উবা অয়া

থাইল।

- নিমাইরে উনা অথাইবেগা। তা ঔনাপাহানেই বুঝা থাইব। আগদেতে আকফির গেলগা ঔহানও হবা আছে। শয়তানর জ্বিগর পিঠি পিঠি আর না আটি। পথ মাংকরতেই। নিজর পথগ নিজে চিন। যাগা জিরাগা।

গোলাপচান আলয়া আহিল। গাঙর মানু হাবি গেলগা তা তাপপ জেপগৎত মাটি ডলাশৌ ঔগ নিকালেয়া মালকরে দেহেয়া মাংল,-

- ইমা, বুড়াবার ভিটাগর মাটি।

হৌরিয়ল বারো ঘর কুনোদিন নাদেহেছে ইমাসৌবে। কইনাগ অয়াও হমাছিলীগাতাও মানুর ভিটাং, এবাকা আছেতাও বেয়কর ভিটাং। আতর তারাহানাং নিজর ভিটাগর মাটিডলাগৎ সেইক্ষ্যাং হৌরিয়লর লামহান দেখল পারা। তেই মাটিখানি নিরালহানাং গছিয়া আতজোড় করল।

- বাবা, এতা আপাবপার জাঙর ধুলিনা। শেংকরে থগা।

মালকে দিল শেং ফুতি তুপে মাটিডলা ঔগ বাধিয়া টেবিলহানাং, তার লেইরিকর হাদিৎ থইলগা।

পিছেকার দিনে, গোলাপচান ইস্কুলে সালইল। লেরিকর হাদিৎত দৈনিক খাতাহান নিকালেয়া, পইলা পাতাং, য়েপেই য়েপেই হৌদিন ইকরেজিল, হাবিপেইং, তার নাঙহানর আগর চৌধুরী উপাধী উহান ফরিগল বারো কাপেদিল। গাটর পারগল ইস্কুলে যিতেগা তার মারুপ ধনসেনারে পেইল। ধনসেনা হারৌ অইল। তাও।

- কালিরাতি তি আলয়া আহেছৎ বুলিয়া হুনলু। কুরাং মাঙ ছিলেগাগহে ?

গোলাপচানে কুনো জুবাব নাদলহান দেহিয়া তাও এরিল। আপ্পানেও পিছেদে হারপেইতই।

- মিটে আজি ইস্কুলে নাযিতৌগা। আজি বিলবারিং বারো মিটিং আহান আছে, এবাকা বিয়ানেৎত। সনাতন অজাই আজিও ভাষণ দিতইগ। যিতেইগাগ ?

- না। বাটিকরে গোলাপচানে জুবাব দিল।

- ঔতাইলে ক্লাশে নাং ডাকতাই ঔপেইং মোর সারুক উপস্থিত দিয়া দিছ, হে ?

গোলাপচানে মুরগ জাকারেয়া নাকরল। ধনসেনা ও কয়া উদাকরে চেইল। তার কথা কুনোদিন নাবেলারগ, আজিতে -

ঔতাও, ধনসেনা বিলবারির মালঠেপগদে গেলগা।

গোলাপচানে ইস্কুলগ ফৌঅনির আগে, মাইকগৎ স্পষ্ট হুনল, সনাতন অজার মনমোহা নারগ -

- আমি কমতা নাগই, কমতা নাগই। আমি আর্জুনর দারানালা। তৃতীয় পাভব ধনজয় পার্থবার্জুন বারো ইমা চিত্রাঙ্গদার পুতক বজ্রবাহন -

গোলাপচান ইস্কুলর চুরিতলগৎ উবা অইলগা।



বিষ্ণুপ্রিয়া মণিপুরী লেইরিক

পুণ্যতীর্থ মণিপুর মাটি	অজা গোলাপ সিংহ	১৫/-
ঈশ্বরর বাণী	ইন্দ্রকুমার সিংহ	২০/-
সাড়ে তিন আত হপন	স্মৃতি কুমার সিংহ	৫০/-
স্মৃতিকুমারর ছোট গল্প	„	১০/-
হাকর ঙাল তেরা	নরেন্দ্র চন্দ্র সিংহ	৩০০/-
নীল যমুনার পারে	মণীন্দ্র কুমার	৫০/-
জীবন দর্শন	দৃষ্টিকোণ	৩৫/-
জার্ণাল	ব্রজেন্দ্র কুমার সিংহ	৩০/-
জিন্‌জিনি	ব্রজেন্দ্র কুমার সিংহ	১০/-
সুদর্শন চক্র	ব্রজেন্দ্র কুমার সিংহ	৩০/-
টোনাটিং	ব্রজেন্দ্র কুমার সিংহ	১০/-

প্রাণ্ডিস্থানঃ অপল্পা অফিস

মহদুর বিড়ি পিনা

-বিভূতি ভূষণ সিংহ



বৈশাখ মাহান। রৈদহান খা খা করের। টালা মুরে দিয়াউ গারিগ হাবিগ পুরের। বিকুটীর পানি জ্বি তপ্তা আছে। জাংহানি পুরে নেরগা। রাসবিহারীদা আলবালা থুংকরে নুইল। মৈষগ লপুকে গাসে এড়া দিয়া আয়া মাংকলে মাটীহানাড উবুরিগ অয়া পড়িয়া থাইল। কতহানপিছে বার চিংগ অইল।

গরেৎত মাংকলে নিকুলতে রাধে ইনেয় দেহিয়া মাংলী -হা, রাসবিহারী ! মাটীহানাং কিয়া পড়েছত্তা। পিঠির পখুরীগর পানি লকর উল পারা আছে। বুর আহান দিলে চিকৈতেই। যাগা হিনা বেলাগা। আয়া চিড়া কাপক গুলিয়ে সেলকম আকসিটায় কলা আগয় উটিয়া খেয়া মূর্তার পাটি আহান পারিয়া ঘুম আহান দে। যাগা যাগা, উঠ হিনাবেলাগা-

ইং মাটীহানাং তপ্তা গারিগ লাগিয়া চ চ করের। কতি নুঙেই অছেতা। খানি চিক পড়িগা। জ্বি তপ্তা খাংহানাং পানির সিক পড়লে খাংহানে কতিয়ৌ নুঙেই পাথাইবতা। না জেঠিমা। রাসবিহারীদায় বারা বুলন দিল।

-হেদা। যেতাউ ফাগিয়েদে নানিগা। উঠ, যাগা। বুলিয়া রাধে ইনে উঠানেদে গেলীগা।

মাদানকার বাতর ঘুমহান দিয়া উঠিয়া চার, ঠুটা টিল্লার কালা বরণ চাকাহানি সালয়া মুঙর ভুবনর টেঙারাগৎ লাগেছেগা। গরমহান না কমছে।

-বেলিহান ওয়াহা ঐল। বরণহানৌ গুর গুর করের। বাজারেৎত ইলিশা দুগ পারা আনেদেগা। আগ ডিমালগ আনিছ। শৌগিয়ৌ জিন্নার বোর্ডিঙেৎত আইতাই। টেম্বালা উগ ইলিশার ডিম জবর মনারগ।

পাটেল, ঠুটা টিল্লা, বাশখাল, পিঠিবারা হাবি কুমছালিগ আছে। বাজারর মানু হৈ হৈ করে খরি খরি দাপল ছুটেছি। বরণর আগে গর ফৌয়নি তালকরিয়া। রাসবিহারীদাও বাজারেৎত ডাঙর ইলিশা দুগ আতহানাং লামকরিয়া নিংখা মাঙেয়া পিঠির সরকেদে দাপদে দাপদে আহের। ডাঙর পাঁকে বিলগ পেইতে সেন্দা ঐল। নিঘোর আধার আছে। হ হ করে হকানা বৌ আহান ছুটেছে।

বাজারে কাকরেছিলা গোরু -মৈষ বৌ -বরণ দেহিয়া লেজ তুলিয়া, রৌদে রৌদে কাবুগঞ্জর বারাদে দাপদিয়া ছুটেছি। বেপারীহান হা হা করে গোরু -মৈষর পিঠিপিঠি দাপদিতারা। বরণৌ বেলানি অকরেছে। উনপঞ্চাশ বায়ু শা শা করে দিনগর বাগিয়া আহের। বরণর ফোটা আকেইগি গারিৎ লাগের এহান

যেমন হুচিয়ে শলায় বিদার। হাদি হাদিৎ ফোটা আকেইগি বৌয়ে তেরছি ঐয়া বেলার এহান যেমন আছ্যা হিল আকেইগি গারিৎ লাগের। মিঠাইর পিঠির লোয়ার থংহান পেইল উপেয় কাবুগঞ্জর গোরু ফেইকারি মহদুরে তারে দেখল। ডাকল,

-ভাতিজানি। তুমার সলইগু থুরা দেওনা। বিড়ি এগুতা জ্বলাইতাম।

কুম্বাকা গর পেইতৌ বুলতে এগয় দিল মাগানিহানে রাসবিহারীদার পিঠি জ্বলিল। কানেদে ধুমা ছুটেছে সময়হানাং বিড়ি পিনা মনাছে। রাসবিহারীদায় ছৌয়েয়া মাংল, -যাওবা চাচা, বিড়ি খাইবার আর সময় পাইলাইনানি। তুফানে দিনগর বাজিয়া ফালার দেখিয়া দেখিয়াউ তুমার বিড়ি খাইবার শখ উঠলনি। কেমনে মেগর আগে গর পাইতাম কইতে এলকু ইতা কিতা জ্বালা। ও তুফানো পারবায়নি বিড়ি জ্বলাইতে। ছাতিও রাখা যারনা। বাতাসে উলটাইদের।

মহদুর নাছোরবান্দা ঐল। বিড়ির ডকহানে তার জানহান জিতৈগা পারা। মাংল -

-দেওরেবা ভাতিজা। আমি ছাতি দিয়া আউর করমু।

-চাচা। বর বেসময় তুমার বিড়ির টান লাগছে। আমারে মেগর আগে গর যাইতে দিতায়না। আমি ছাতি আন্ছি না। আইজ মেগ ভিজমু।

-ঔনুবা তুমার গরর জাঙ্গাল। একদৌরে যাইবাইগি। দেও দেখি সলইগু। দোয়াই তুমার দেইরেবা ভাতিজা।

উপায়ান্তর রাসবিহারীদা নামনেইয়াউ উবা ঐল। মহদুরে ছাতিগ আংকরতেই বৌহানে ছাতিগ উলটা দিয়া দিল।

মাথতে মাথতে বরণর ডাঙর ডাঙর ফোটা পাক্কার সড়কগং ঠপ ঠপ পড়ানি অকরল। শাঁ শাঁ বৌহান বহের।

-চা চা। ছাতিগু ঠিক করিয়া দর। বিড়িগু মুখত দেও। মুখগু আমার অবায় নোয়াইয়া রাখ। আমি সলই মারিয়া তুমার বিড়ি জ্বলাই দিমু। চা চা থুরা তারাতারি কর। ভিজি যাইমু।

মহুদরে ছাতিগ বৌর বারাদে দরতেই বৌয়ে ছাতিগ ইজ্জুম করে দিল। মহুদরে দ্বি আতল ছাতিগ দরিয়া বিড়িগ ওঠগির হাদিৎ দাত দ্বিয় ছুরিল কামারেয়া দরিয়া মুরগ নগুয়া মাংল,

-দেও। সলইগু মার। আমি ছাতি দরছি।

মহুদরর দারিহপা আদা আত দীগল অছিল। আত দ্বিয়হানি ছাতিগ দরানিয়ে দারিহপা সামালা নুইল। রাসবিহারীদায় সলইগ খসক দিয়া খরিকাগ লাগেইয়া মহুদরর বিড়িগ লাগাদিতে মহুদরর দারিহপাং বরংক জ্বিগ লাগে পড়িলগা। হৌছাটে মহুদরর আহির পিচুম, মুরর চুল কিতাং জ্বি লাগে পড়িলগা। "মৈলাম্ দ", "মৈলাম্ দ" বুলিয়া মহুদরে আতদ্বিয়হানিল দারিহপাং, চুলে, আহিথমে ঠপ ঠপ বারানি অকরল। বৌহানে বারেয়া ছাতিগ লপুকেদে ফরদুয়েয়া, গরগরেয়া নিলগা। মহুদরে লৌদের

-"মাইলরে, মাইলরে"। হালার হালায় আমারে জালাইয়া মাইল। করগু আছবা আমার ছাতিগু যারগা। একটুতা দররেবা। হালার হালা। ধুলিপকর পোয়া।"

দারিহপাং জ্বিগ লাগতেই রাসবিহারীদা আকদাপে লপুকগ আদা আদি পাছেগা। দারিহপাং জ্বি লাগেছে দেহিয়া তাও থুতু বুতু খা পড়েছিলগা। লপুকে উবা ঐয়া মাতের,

-আমি মনাইয়া করছিলা চা চা। আন্দারো বিড়িগু দেখলামনা। দারিয়ে বিড়ি গুড়িয়া আছিল মনে লয়। অত লম্বা দারি। সলই মারতেউ আঙুন দারিৎ লাগি গেল। তুমারেউ আমার অবাজু নও কইতে উবা ঐয়া রইলায়।"

মহুদরে গালেইল ওঁনাপা গালেইল। পিছেদে মাংল,

-ভাতিজা, আমার ছাতিগু আনি দেও।

-ছাতির লাগি বাবিয়েনা। কাইল বুধবারর বাজার। কাবুগঞ্জ আনি দিমু। আইজ বর লইজ্জা পাইলাম। রাসবিহারীদায় মহুদরর ছাতিগ দরিয়া উবা ঐল।

-হালার হালা। গুয়া খাউরার পোয়া। বিরশি বুদ্ধি। কুন দেওয়ে দিছে অত দুর্বুদ্ধি।

তাও হারপার। রাসবিহারীদায় মনেয়া তার দারিহপাং সলইগ মারেদেছেহান। এহানৌ হারপার কালিয়েই বাজারে

ছাতিগ আতহানাং দিয়া, আহে আহে মাংতই -চা চা। বালাবালি আছনি। অউ তুমার ছাতি। কাইল বর লাজ পাইলাম।

মহুদরে মাংতই -কিলা আছ ভাতিজা। বালানি।

২

নুয়া মালঠেপ, নুয়া দৌ

নরসিংপুর, শান্তিপুরে নুয়া মালঠেপ আগ লিংখ্যাং করেছি। ঔমালঠেপে শ্রীধাম পুরীন্ত বিশ্বহিন্দু পরিষদর থোরাঙে জগন্নাথ মহাপ্রভু, বলভদ্র, সুভদ্রার মুতিগী প্রসেশন করিয়া পুরীন্ত গৌহাটী, গৌহাটীন্ত নরসিংপুর বারমুনিত নিয়া শান্তিপুরর নুয়া মালঠেপে অভিশেক করেছিগা।



সাহিত্য সভা, সাহিত্য চক্র, তিনোখাল, পাথারকান্দি

সাহিত্য সভার সভাহান, পাথারকান্দি আঞ্চলিক সাহিত্য সভার সভাপতি শ্রীযুক্ত বীরেন্দ্র কুমার সিংহ গিরকর সভাপতিত্বে তিনোখাল মডেল ইন্সকুলে বহেছিল। সভাং বিঃ মঃ সাহিত্য, সমাজর অর্থনৈতিক অবস্থা, শিক্ষা, সমাজর রীতি ও নীতি গুনিয়ম -আধ্যাত্মিক ভাবনা, অর্থ -সামাজিক ব্যবস্থা এতার গজে আলাপ আলোচনা অছিল।

সভাং পাথারকান্দি আঞ্চলিক সমিতির সভ্য ছাড়াউ কেন্দ্রিয় সমিতির সভাপতি -মণীন্দ্র কুমার সিংহ, সাধারণ সম্পাদক -নরেন্দ্র চন্দ্র সিংহ, মনিকান্ত সিংহ, সাংগঠনিক সম্পাদক -মহেন্দ্র সিংহ উপস্থিত আছিল।

সৌরীন্দ্র কুমার সিংহ, সম্পাদক, আঞ্চলিক কমিটী, পাথারকান্দি



দীপান্ধি

-বলদেব সিংহ (ক্ষিত্রীশ)

(পঞ্চম সংখ্যার পিছেকার অংশ)



এসাদে কালীমূর্তি মহাবিদ্যার অন্তর্গত যদিও এগো দিগম্বরী, মুক্তকেশী মুণ্ডমালা, বিভূষিতা শ্যামবর্ণা, রক্তজিহ্বা, আকর্ষণীয়, পূর্ণ যৌবনা যোগেয় চন্ডমুণ্ড অসুরেরে বধ করে সিলি, প্রলয়কালে মধু কৈটভ দৈত্যেরে বধ করিয়া জগৎহান রক্ষা করেসিলি। উহানল আসাম, বঙ্গ দেশ, অঙ্গ দেশ, বিহার বারো মিথিলার কোনো কোনো ফামে উক্ত বর্ণনা নুযায়ী দীপান্ধি পালন কর তারা। কাশ্মীরে দীপান্ধির রাত্তিরে মহা রাত্রি বুলিয়া কালী স্তোত্র পাঠ করতারা।

আসামে দীপান্ধি পালন করানি উহানাত অর্থ আহান আসে। কিংবদন্তিতে বারো পুরানমতে শ্রীকৃষ্ণ নরকাসুরেরে বধ করিয়া দেশ হানরে রক্ষা করেসিল দিন উহানাত বিজয় উৎসব হিসাবে আনন্দে তিথি পালন করতারা উহানরে নরক চতুর্দশী বোলতারা। সনত কুমার সংহিতাত এ তিথি পালন করতারা উহানর বর্ণনা আসে। রামায়নের কাহিনীমতে চৌদ্দ বসর বনবাসকালে শরৎকালর অষ্টমীতে যুদ্ধযাত্রা বারো মাঘ মাহার শুক্লা দ্বিতীয়াতে রাম-রাবণর যুদ্ধ আরম্ভ বারো চৈত্র মাহার কৃষ্ণা চতুর্দশীতে রাবণ বধ। রাবণ বধর পিছে রামর অযোধ্যাত আগমণ উপলক্ষ্যে অমাবস্যার রাত্তি হানরে হারৌ অয়া মিঙাল করেসিলা আর উহানরে দীপান্ধি বা দীপাবলী বোলতারা। কোনো কোনোগয় হনুমানরে ঔ তিথিত পূজা করতারা। হায়দ্রাবাদে শ্রীকৃষ্ণ-বলির যুদ্ধ উপলক্ষ্যে বলিরে নিংকরিয়া আটা ময়দা বা গোবরলো মূর্তি হংকরিয়া ঔসময়ত চারি দিন উৎসব বারো যুদ্ধর খেলা উদযাপন করতারা। অন্ধ্র বারো মহীশূরে শ্রীকৃষ্ণর পূজা করতারা। এহানাত শাস্ত্র সম্মত কাহিনীহান অয়লতায় কার্তিকর অমাবস্যাত শ্রীকৃষ্ণ দেহত্যাগ করেসিল বারো ইন্দ্রর দর্পচূর্ণ করেসিল আরো গোবর্ধন পূজা

করতারা। চা বাগানর কুলি এতায় গো পূজা করতারা। জৈনধর্মী মানুয়ে অউদিনে মহাবীর জৈনর জন্মতিথি পালন বারো বৌদ্ধ মানুয়ে অশোকর কলিঙ্গ বিজয় উপলক্ষ্যে ধর্ম বিজয় উৎসব পালন করতারা। কোনোগয় স্বামী রামতীর্থ, স্বামী দয়ানন্দ আদি যোগীর জন্মতিথি উদযাপন করতারা।

মহারাত্রীদীপান্ধিহান যম পূজারকা যাম প্রসিদ্ধ। তানু যম রাজারে যাম মানতারা। তানুর এলাস্ত হারপেয়ার যে শ্রীকৃষ্ণ যমরে নিজর প্রতীক রূপে গণ্য করেসে। পৌরাণিক লোকাচারমতে যম গিরকে কার্তিকর শুক্লা দ্বিতীয়ার দিনে নিজর ভনক যমুনারে সাংক্ষাৎ করানির সময়ত যমুনায় ভেয়কর কপালে নামসা পিদা দেসিলি আর অউ দিনরে যম দ্বিতীয়া বা ভাত দ্বিতীয়া বোলতারা। অউ দিনহানাত ভূত প্রেতর দেবী কালীরে পূজা করতারা বোলিয়া ভূত চতুর্দশি বোলতারা। কামসূত্রমতে যমরাজ কুবেরে দীপান্ধির দিনে পূণ্যফলর আশায় বর্তি লাগাসিল। গুজরাট বারো মহারাত্রির পাওয়ার মানুয়ে গুরুসাগর মুণ্ডে সরার হিল-পাথর (pebble) পূজা বারো দেওয়ার মানুয়ে সূর্য্যরে সিন্দুর, সাকুল পূজা, নর্মদা পারর মানুয়ে দৌ হংকরিয়া পানীত ফল মূল এড়া দিতারা। লক্ষ্মীদেবীরে তুস্ট করানিরকা অমাবস্যার অউ রাত্তি উৎসব পালন করতারা। স্বর্গভ্রষ্টা মহালক্ষ্মী কার্তিক মাহার অমাবস্যাত পুনরায় আবির্ভাব অয়া ঘরে ঘরে আশ্রয় লয়রী। কাহিনীমতে প্রজাপতিরাত্ত উৎপত্তি অসে লক্ষ্মীদেবী আদিত্য বা বিষ্ণুর ভার্য্যা। অন্য কাহিনীমতে লক্ষ্মীদেবীর বাপকে মহর্ষি ভৃগু যোগে জুড়ক অয়া দৌ হাবিরে অভিষাপ দেসিল। ফলে লক্ষ্মীদেবী ক্ষীরসমুদ্রে আশ্রয় লয়লী। সমুদ্র মন্থনে যেতা যেতা নিকুলেসিল, উতারমা লক্ষ্মী দেবী নয় নম্বর। পদ্মগর গজে পানীত বাহিয়া নিকুলেসিলি। বিষ্ণুয়ে তেইরে গ্রহণ করেসিল।

দীপান্ধির অমাবস্যার রাত্তিহানরে কালরাত্রি বোলিয়ার আর বর্তি, ফটকা, বম আদিলো ইঙাল ঙাল করানিয়ে ভূত ও প্রেত-শয়তান, পোক-জোক কিতা দুরেই অয়া যিতারাগাতা বারো মানুর কোনো ক্ষতি সাধন করে নুয়ারতারা। বঙ্গদেশে আল্পনা, দক্ষিণভারতে কোলাম বারো মাগু, রাজস্থানে মন্ডল, কাশ্মীরে ভিয়োগ, মহারাষ্ট্রে রাঙ্গুলি, গুজরাটে সথ্যস, ইত্যাদি বিভিন্ন নাঙর গঠনলো দীপান্ধি পালন করতারা। সিন্ধু সভ্যতার লগে বঙ্গদেশর খানি মিল আসে দেহিয়ার।

দীপান্ধির উৎপত্তি সম্বন্ধে বহু সূত্র উদ্ভাবন করেসি। দীপান্ধি ধান-চউল আদি শস্যশ্যামলর উৎসব বারো প্রকৃতিরে ধন্যবাদ জ্ঞাপনর অনুষ্ঠান। আদিম মানুর আধারহানরে বারো ভূত-প্রেত দুরেই করানির বন্ধ সংস্কার আসিল। প্রকৃতপক্ষে এ উৎসব সূর্য্যপূজাহান। এ সময়ত পৃথিবী তুলা রাশিত গতির দ্বিতীয়ার্দ্র আরম্ভ বারো সূর্য্য ক্রমে যতহান উত্তরেও দক্ষিণে আওয়ার রাত্তিহান তত দীঘল অর। দক্ষিণায়ন রাত্তিহান বারো

উত্তরাংশ দিনহান দৌরাং আরোপ অসে।

গজেদে উল্লেখ করা কারণ সম্মত বারো ভাৱ তৰ ফাম ফামে দীপান্দি উৎসব পালন কৰানিৰ উদাহৰণৰ লগে মণিপুরী সমাজৰ দীপান্দি পালন কৰানিত বিশেষভাবে ৰাজস্থান, মহাৰাষ্ট্ৰ, গুজৰাট, পশ্চিম বঙ্গ আদি ফামৰ লগে যাম সাদৃশ্য আসে। মণিপুরীয়ে যমপূজা বারো গোবৰ্দ্ধন পূজা দীপান্দি আদি উৎসব ভাতৃ দ্বিতীয়ৰ দিনে নিত্য সিদ্ধপুৰুষ শ্ৰীশ্ৰীভুবনেশ্বৰ সাধু ঠাকুৰৰ জন্মতিথি পালন প্ৰসিদ্ধ। বিষ্ণুৰ উপাসক বিষ্ণু প্ৰিয়া মণিপুরীয়ে ভাগবত ধৰ্ম্মৰ অনুশীলনে যে ধৰ্ম্মহান পঞ্চপাণ্ডবে গ্ৰহন কৰেসিলা বারো দ্বিতীয় পাণ্ডব ভীমসেন মণিপুরৰাজ বংশবাহনৰাং নামধৰ্ম্ম প্ৰচাৰ কৰেসিল, অউ ধৰ্ম্মহান কালক্ৰমে পঞ্চভাব-ৰস সমন্বিত বৈষ্ণব ধৰ্ম্ম তথা গৌৰাঙ্গৰ প্ৰচাৰিত গৌড়ীয় ধৰ্ম্মমতে শ্ৰীকৃষ্ণৰে উপাস্যৰূপে আৱাধনা বারো পূজা কৰতারা।

বৃহত্তৰ গৌহাটী শ্ৰীমতীৰাধামাধব সেৱা পুজা আঞ্চলিক সমিতিৰ কাৰ্য্যকৰী সভা



১২৭তম অধিবেশন, চামটিপ্লা, দুৰ্লভছড়াং যোগদান কৰানিৰ থৌৱাঙে সভাহান গৌহাটীং শ্ৰীমণীন্দ কুমাৰ সিংহৰ গৰে ৰাজগড়ে অছিল। সভাং সমিতিৰ বাৰ্ষিক আয়-ব্যয়ৰ হিসাব-পত্ৰ, কেন্দ্ৰীয় কমিটিৰ নিমন্ত্ৰণ পত্ৰ, এজেনডা আলোচনা কৰিয়া অধিবেশনে দাখিল কৰানিৰকা আঞ্চলিক সমিতিৰ প্ৰতিবেদন যুগৎ কৰিয়া, অধিবেশনে যোগদান কৰানিৰ সদস্য নিৰ্বাচন কৰানি অছিল। সভাং কাৰ্য্যবাহী সদস্যহাবি উপস্থিত আছিল। সভাহানৰ সভাপতি আছিল শ্ৰীমণীন্দ কুমাৰ সিংহ, সম্পাদক আছিল শ্ৰীৰঞ্জিৎ সিংহ।

ৰঞ্জিৎ সিংহ, সম্পাদক। মণীন্দ কুমাৰ সিংহ, সভাপতি।

ঈশ্বৰ ভক্তনাত আমাৰ থাক

ব্ৰজগোপাল সিংহ

(পঞ্চম সংখ্যাৰ পিছেত)



ৰামকৃষ্ণ পৰমহংস দেৱৰ কথা নিংশিঙ অয়লে মোৰ লেখনী বন্ধ অৱ। আমাৰ প্ৰতি কাৰ্য্যৰ পিঠিত মানুৰ বাহবা পানৰ উদ্দেশ্য আহান থাৱ বাহবা পেইলে অহংকাৰ আহে। দুনিয়াৰ প্ৰায় হাকিৰতা গুৰুজনা অনাৰ শখ - শিষ্য অনা মনাকুৰা মানু নেই বুললেউ যাকৰে। গুৰুজীয়ে দান কৰেৰ বারো শিষ্যৰ গ্ৰহণ কৰেৰ। গুৰুজীৱতা কোন প্ৰাপ্তি নেই - শিষ্যৰতা হুদা প্ৰাপ্তি। পৰমহংসয় মাতের -ঈশ্বৰৰ ইচ্ছায় ব্ৰহ্মাণ্ডৰ হাকি কাৰ্য্য চলেৰগো -কাৰো উপকাৰৰ অপেক্ষা না থৱ। নিঙল আগ মালকগো অইলে শৌগৰকা মাতৃদুগ্ধৰ বন্দোবস্ত থদেছে - আমাৰ খালকৰিল দৰকাৰ নেই। হা -ঈশ্বৰে যদি আমাৰে ভাৱ দেৱ মানুৰে লোকশিক্ষা দেনাৰকা, মানুয়ে ছনতাই। নাইলেতে, আমি হাজাৰ চেস্টা কৰিক ছনেকুৰা নাপেইতাঙাই। মোৰ কথা নাবিকিল বুলিয়া দুঃখ পানা বাদে আকতাউ নাপেইতাঙাই।

চিত্তা আহানে মোৰে, হয়তো আমাৰ হাবিৰেউ আকুলাৰ -বিশ্বৰ দৰবাৰে আমাৰ কিহান পৰিচয়? বিছাৰলে গৰ্ব্ব কৰিল বুলিয়া কোন বস্ত আছেতা? যেবাকা আমাৰ উপাস্য দৌ ভগবান শ্ৰীকৃষ্ণ বারো প্ৰেমবতাৰ আমাৰ প্ৰাণৰ শ্ৰীগৌৰাঙ্গ মহাপ্ৰভু বুলিয়া হাৱপেইল -উবাকা মোৰ হাৱৌৰ সীমা নেয়ইল। আমি ঈশ্বৰ উপাসনাৰ পৃথিবীৰ শ্ৰেষ্ঠ পথৰ অধিকাৰী বুলিয়া খালকৰলু। জ্ঞান -মিশ্ৰ ভক্তিপেয়া গীতাৰ সীমাহান। আৱাধ্য বস্ত ঐশ্বৰ্য্যময় শ্ৰীভগবান। শ্ৰীভাগবতৰ ৰাজ্যগো আৱন্ত অৱতাই জ্ঞান -শূণ্য ভক্তিত বারো শেষসীমাগো ঈশ্বৰ প্ৰেমে। ভজিয়াৱতাই মাধুৰ্য্যময় শ্ৰীভগবান। প্ৰেম বারো ভক্তি আলাদা। বাপকৰ প্ৰতি পুতকৰ ভাব, প্ৰেম বারো ভক্তিৰ মিশ্ৰণ। পুতকৰ প্ৰতি বাপকৰ ভাব, শুদ্ধ প্ৰেম -ভক্তিৰ জৱা আগৌ নেই। এ প্ৰেমৰ শক্তি অসাধাৰণ। মনুষ্যৰে ভগবানে দেছে ভাব -ৰসৰমা, হাকিও মহন্তম এ প্ৰেম ৰস। এ প্ৰেমে জিপুতৰ গুপ্তাসা কৰতে সৰ্ব্বহাৱা অয়তেউ বাপক -মালক দ্বিধা নাকৰতারা। কুকুৰগ দেখলে ডৱেইৰি মালকউ, সিংহগয় তেইৰ শৌগৰে আক্ৰমণ কৰলে, তেইও সিংহীগৰ সাদানে সিংহগৰ মোকাবিলা কৰাত উবা অইৰি। আমাৰ গুৰুজনে মাত্তাৱা, ঈশ্বৰ এ প্ৰেমৰ বশ -অন্য কোন শক্তিৰ বশ নাগই। পৰম কৰুণাময় শ্ৰীগৌৰাঙ্গই নিজে ৰাধা -কৃষ্ণৰ তনু ধাৱণ কৰিয়া এ প্ৰেমৰ চৰম আনন্দ মনুষ্যৰে আন্বাদন কৰয়াছে। তাৰো, আমিও এ

প্রেম সাগরর জলবিন্দু আগ
অয়লেউ ভোগ করানির
অধিকারী।

গজে উল্লেখ করেছ -
শ্রীভাগবতর সীমাহান জ্ঞান -
শূণ্য ভক্তিত। জ্ঞানর লেশমাত্র
থাইলে শ্রীভগবানরে নিজর
জন আগো বুলিয়া বোধগম্য
অয়তই মাত্র। জ্ঞানশূণ্য অইলে
তারে আশ্বাদন করে পারতাঙ
ই। শ্রীভাগবতর তাৎপর্যহান,
এহান -তা আমার নিজ



জনগো, -নিজ জনগো হিসাবে ভজনা করিয়াই -"তারে" পা
পারিয়ার। নিজ জনতে কুঙ্গ ? না বাপক কি প্রভু, সখা কিংবা
বেয়ক, জিপুত কি কান্ত -এতায় নিজ জন। প্রভুতে কুংগ ? না,
যেগো ক্রীতদাসর জীবন -মরণর কর্তা। ক্রীতদাসর নিজজন
বুলতে প্রভু ছাড়া আর কোনোগো নেই। যেসাদে পুতকগরাং
বাপকগ ছাড়া আর কোনো নিজ জন নেই। সংসার আহান
পাতেইতে আমারতা বাপক -মালক, জিয়া -জিপুত, আত্মীয় -
কুটুম, ঘরগী আগ লাগের। মোরেও লাগের। এরে যে লাগের,
এহানেই বন্ধন। বারো এ বন্ধন এহানেই ঘোর সংসার। এতার
পরস্পর আকর্ষণ, এহানেই প্রেম, রস, ভাব। এতা বাদেউ
প্রত্যেক জীবরতাই পরম আত্মীয় আগ থার। একই সংসারে
আবদ্ধ নাইলেউ সংসার পুনর্মায়ায় সাজেইতে "সখা " আগ
লাগের। তা ঔসংসারর হাবিস সুখ দুঃখর ভাগীদার। তারাং
গোপন করিল কিস্তাউ নেই। এহানেই ষড় রসর সংসার। আমার
এ ষড় রসর সংসারে বরেইলেহে ভগবান শ্রীকৃষ্ণ আমার নিজ
জন অইত। হানতে, শ্রীকৃষ্ণ ভগবানরে এ পুত্র, সখা, পিতা,
পতি, চারিগো নিজ জনর আগো করিক। গীতাত শ্রীকৃষ্ণয়
নিজেই মাতেছে -তি মোরে যেসাদে ভজনা করতেই, মিও
তোরে উসাদে ভজনা করতউ। ভগবানে কথার ব্যতিক্রম
নাকরের। যদি ভগবানরে এসাদে নিজ জনগো করে নুয়ারিয়ার,
উতা অয়লে, শ্রীভগবান আমার বাহিরর জনগো অয়া থাইতই।
পিতারূপে তারে ভজন করানি মনেইলে, শিশু আগই,
সর্বগুণাবিত তার বাপকরে যেসাদে ভজনকরের, ঔসাদে
করলেই লময়ল। ঠিক উসাদে, পুত্র, সখা, পতি রূপে ভজনা
করে পারিয়ার।

কিছু জগদপতির পতি রূপে ভজন করানিয়ে প্রশস্ত,
কিয়া বুললে, এ সম্পর্ক এহানাত মধুর ভাব বিরাজমান। বারো
এ মধুর ভাব এহানাত হাবিস রস বা ভাব হমেইয়া আছে। পতি
-কোনো সময় পতির দাসীভাবে, কোনো সময় সখা ভাবে,
কোনো সময় পুত্র ভাবে, বারো পতি ভাবেতে আছেই। এ ভাব
এতা দৌরতাও কাম্য বুলিয়া শাস্ত্রকারে মাতারা। আমি

অপরূপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

ভাগ্যগুণে এভাব এতালো
উপাসনার অধিকার বার আমার
নিজর সাংসারিক জীবনে
উসাদে ভাবল চলানির অধিকার
পাছিতা। পেইয়াও কিছু
ঔসাদে না চলিয়ার। অসার
বিরোধ ভাব আকতাল দিন
কাটোর।

ব্রজর ভাব প্রাপ্তি
জীবরতাও দুর্লভ। উতা বুলিয়া
জীবই ব্রজর ভজন নাকরতা ?
মহাপ্রভুয়ে ঔহানরও উপায়

দিয়া গেছেগা। গোপী অনুগত অয়া ব্রজর ভজন করিক। আমি
নশ্বর দেহাগোল শ্রীমতি অ নুয়ারিয়ার -তেইর দাসীগো অইক।
আমি যশোদা অ নুয়ারিয়ার -তেইর গণগো অইক -অয়া শ্রীকৃষ্ণ
র লগে ব্রজবাসীর যে লীলা ঔহান উপভোগ করিক। নশ্বর
দেহাগোল, শ্রীমতি অ নুয়ারলেও, গোপী অনুগত অ নুয়ারলেও,
মনে নিজরে ঔরূপে হাজা পারিয়ার অথবা তেইর দাসীগো অ
পারিয়ার। রাধা অয়া কৃষ্ণরে আলিঙ্গন আমার অসাধ্য। কিন্তু,
হৃদিপদ্মে তারে উবা করয়েয়া মনে তারে আলিঙ্গন করে
পারিয়ার। সমগ্র ব্রজলীলা মন এহানলো অবলোকন করিক।
ব্রজরস কণামাত্র অয়লেও পেইতাঙাই। ব্রজর নিগূঢ় রস
উপভোগ করানির ডেকি সুখ ততু নেই।

ঈশ্বরে ভক্তি বা প্রেম এহানেই জীবর প্রকৃত পঞ্চম
পুরুষার্থ। বিভিন্ন ফামে আমার তা আশ্রম আছে, মন্দির আছে।
ঔতাত হাঙাত অন্তত আকদিন শ্রীকৃষ্ণ কথা, শ্রীভাগবত
লীলামৃত আশ্বাদনর চক্র বহা পারিয়ার। কিন্তু দুঃখর কথা দৌর
ফামে বয়াও আমি তাস বা দাবা খেলতে সঙ্কোচ নাকরিয়ার।
সং সঙ্গ করানির আমার কোন আসর নেই। আমার সমাজে
ভাত্ দ্বিতীয়াত শ্রীলভুবনেশ্বর সাধু ঠাকুরর জন্যতিথি পালন
করিয়ার। ঔদিন শ্রীকৃষ্ণলীলা, শ্রীগৌরাঙ্গলীলা কীর্তন করিয়ার।
ভুবনেশ্বর সাধু ঠাকুর, প্রভুর কৃপা পাছেগো। চৈতন্য ভাগবত,
চৈতন্য চরিতামৃত, অমিয় নিমাই চরিত, এসাদে বহু লেরিক
লেইশৌ আছে আমার গুনী -জ্ঞানী জনে উতার সারাংশ লইয়া
মধুর শ্রীকৃষ্ণকথা, শ্রীগৌরাঙ্গ লীলা সংক্ষিপ্ত করে ইকরে দিলে
আমার শৌ, আমি হাবি উপকৃত অইতাঙাই। বৃন্দাবনচন্দ্রর
লীলাসঙ্গী, ব্রজগোপী, নবদ্বীপচন্দ্রর পার্শ্বদ হাবির মান ধনে
নাছিল, আছিল প্রেমরসে, ভক্তিরসে। আমার আর্থিক দৈন্যতা
হয়তবা ঈশ্বররেই কৃপা, উহানে আমি এমাটিক দুর্দিনেও,
লেইরারমা খমখেঙয়াও কণামাত্র অয়লেও শ্রীকৃষ্ণরসামৃত,
শ্রীগৌরাঙ্গ লীলামৃত আশ্বাদন করে পারিয়ারতা। এ দৌ দ্বিযোগী
আমার উপাস্য অয়তেগা আমি ভজন পথে সুগম পথ আগ
সহজে পাছিতা।

মি মুখ্ অন্ধ এগৌ সংসারৰ মোহজালে বদ্ধ ঐয়া এ অচিন্তনীয় আনন্দৰন সুমধুৰ ঈশ্বৰৰ প্ৰেম-ভক্তি রসে বহুদিন বঞ্চিত ঐয়া আছিল। প্ৰেমময় ঈশ্বৰৰ কৃপায়, নুয়াৰা মামাৰেল ভেলুৰ জিতেগা ইচেয় মোৰে অমিয় নিমাই চৰিত, শ্ৰীশ্ৰী ৰামকৃষ্ণ কথামৃত, চৈতন্য চৰিতামৃত, চৈতন্য ভাগবদ, শ্ৰীশ্ৰীৰামকৃষ্ণ লীলামৃত এসাদে কতহান লেৰিক দেখিলী, পাকৰে পাকৰে সময় কাটানিৰকা। ভেলুৰৰ মাহ আহান আনন্দে

কাটিল। যদিও আকতাউ মূৰে নাহমাছিল। পাকৰতে পাকৰতে, তান্ন তান্ন আনন্দ পানা অকরল। মোৰ বীজ, চেস্ আকতাউ নেয়ইল। থাইল এবাকা লেইৰিক এহানি বার শ্ৰীমন্তগদগীতা। মি নুঙেই পাছু উহানে মোৰ সাদানে চাকুরী কৰিয়া আছি তানুও হয়ত এ নুঙেই এহান পানা মনেইতে পারে এ নিঙে মোৰ এ প্ৰাৰ্থনা।

শ্ৰীশ্ৰীৰামাধামাধৰ্জীৰ সেৱাপুজা পৰিচালন সমিতিৰ ১২৬ তম বাৰ্ষিক অধিবেশন

ত্ৰিপুৰা, আগৰতলা, বিশালগড়ে (কলকলিয়া), তিনদিনকাৰ কৰ্মসূচীলো বহেছিল। ত্ৰিপুৰা, আসাম, নাগালেণ্ড, মেঘালয়, অৰুনাচল, মিজোৰাম ইত্যাদি ফামৰ হাবি আঞ্চলিক কমিটীৰ সদস্য বৃন্দ আহেছিল।

সভাহানাং সভাপতিত্ব কৰেছিলতায় সমিতিৰ স্থায়ী সভাপতি শ্ৰীযুক্ত শ্যাম সুন্দৰ সিংহ গিৰকে। সাধাৰণ সম্পাদক আছিলতায় শ্ৰীযুক্ত কৃষ্ণচৰণ সিংহ। নবদ্বীপ গোবিন্দবাড়ী সেৱাইং শ্ৰীযুৎ মৈৱাং দেববৰ্মা, শ্ৰীধাম ৰাধাকুন্ডৰ সেৱাইং শ্ৰীযুৎ কৃষ্ণ কান্ত দাস বাবা গিৰক গাছিও আছিল। আগৰতলা আঞ্চলিক কমিটিৰ সভাপতি-শ্ৰীযুৎ বনমালী সিংহ, IAS গিৰকে সভাহানৰ ঠৌৱাং বার সভাহান পৰিচালনা কৰানিত জবৰ সহায় সুবিধা কৰে দেছিল। প্ৰকাশ্য অধিবেশনৰ সভাপতি শ্ৰীমণীন্দ্র কুমাৰ সিংহ, IFS(Retd.) অছিল।

সম্পাদক, আগৰতলা আঞ্চলিক কমিটি।



বিষ্ণুপ্ৰিয়া মণিপুৰী সমাজ সংস্থাৰ বাৰ্ষিক অধিবেশন

সংস্থাৰ বাৰ্ষিক অধিবেশন শ্ৰীশ্ৰী ৰামাধামাধব সেৱাশ্ৰম, মালিগাওত অয়া গেলগা। সভাং নুয়া কাৰ্য্যবাহী কমিটি গঠন কৰানি অছিল। শ্ৰীযুক্ত মণিৰাজ সিংহ গিৰকৰে সভাপতি, ৰণজিৎ সিংহ গিৰকৰে সাধাৰণ সম্পাদক পাতানি অছে।

সম্পাদক, বিঃ মঃ সমাজ সংস্থা, আসাম, গৌহাটি।



দ্বিচো মাল্লা নানির আনাংসা

অরুন সিংহ চক্রবর্তী



মালেমর হাবিত্ত
পুরান্না বারো জেঠা
ধর্মহান হিন্দুধর্মহান।
উহানে অনি থকসিলতা
মালেম এগ হিন্দুময়
মালেমগ। গ্রহণ করা
নির অভাবে ? মূর্তি
পূজা করানির কারণে?
না প্রচারর অভাবে ? না
বহু ঈশ্বরবাদী বুলিয়া ?
মালেমময় অনিতে
থাক, মাতানি থক নেয়
হুক (সংকোচিত) অই

তে অইতে হিন্দুধর্মহান ভারতেই সীমাবদ্ধ অয়া থাইল।
হিন্দুধর্মহান ঔরে সিন্ধান্ত (doctrine) নাকরিয়া অন্যধর্মত
গেসিগা, উতার দীগল পারেং হানাত পয়লায় জৈনধর্মহান।
মহাবীর জৈনমুনির জৈনধর্মহানে হিন্দুধর্মর অমাটিক ক্ষতি
নাকরলৌ লিচ্ছবি বংশর গৌতম বুদ্ধর বৌদ্ধ ধর্মহানে হিন্দু
ধর্মর যাম ক্ষতি করেসিল। কপিলাবস্ত্র বুলতারা লাম উহানর
ক্ষত্রিয় রাজাগো শুদ্ধধনর পুতক গৌতম বুদ্ধ, নিজে হিন্দুগ
অয়াউ হিন্দুধর্মহান বারো বেদহান নাকরেসিল। হিন্দুমাদ্রেই
বেদহান মানে ঈশ্বরর শ্রীমুখেণ্ড নিঃসৃত অসে বাণী উতা
য়মকরে যেহানাত ইকরেসি উহান বেদহান বুলিয়া যাকরলৌ,
গৌতম বুদ্ধই মরিয়া সেদিয়া নাকরেসিল। তারমতে গজর
থাকর দুস্ট বামুন কতগৈ ক্ষত্রিয়রে কাদাত চেপকরিয়া, বৈশ্য
বারো শূদ্ররে তল্লা লেইসি করয়েয়া, নিজে কাম নাকরিয়া যুগ
যুগ ধরিয়া খেয়া জানির ঠেকেয়া লেরিক উহান বেদহান
বুলেসিল। বেদহানে ব্রাহ্মণ, ক্ষত্রিয়, বৈশ্য, শূদ্র টেইপাং চারি
সম্প্রদায় বুলেসে, উহানতে সুপকরৌ নাকরেসে। ঈশ্বরর
জিপুত কালাধলা, লেইরা -বরা, দীগল -বাট্টি, পাপী -তাপী
হাবি মাল্লা। ত্রিপিটক প্রণেতা দীঘল দেহাগো, আজানুলম্বিত
বাহু, মোক্ষপ্রাপ্ত গৌতম বুদ্ধর মুণ্ডে ঔকাল উহানাত কোন হিন্দু
আগৈ ঠওয়া ধর্মতত্ত্ব টটরা নুয়ারেসিলা। বেদবাণী ব্যাখ্যা করাত
গিয়া পদে পদে লালয়া হিন্দুধর্মহান ভারতেতু মেইমুত অসিল।
হিন্দুধর্ম বিরোধী গৌতম বুদ্ধর ধর্মহান হু হু করে এশিয়া
মহাদেশহানাত সিতারাসিল। চীন, জাপান, কোরিয়া,
মঙ্গোলিয়া, তিব্বত, ব্রহ্মদেশ, শ্রীলঙ্কা, তাইওয়ান,
ভিয়েতনাম, আরকৌ দেশ এবাকাউ বৌদ্ধধর্মর ফিরালহান

অপরূপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

কুপিয়া সাক্ষাল অয়া মালেমে আসি। বুদ্ধদেবর মরানির যাম্পা
পিসেদে ভারতে হিন্দুধর্মর পুনঃপ্রতিষ্ঠা অসিল। শংকরাচার্য
গিরকগাসির হম্মার কারণে হিন্দুধর্মহান ভারতে পুনঃপ্রতিষ্ঠা
অইলউ, ভারতর বাহিরে নাসে, নুয়ারেসি, নাকরেসি।


বৌদ্ধধর্মর ঘোলাহানাত বুরিয়া হিন্দুধর্মহান মরতু ? না
থাইতু ? কোনমতে নাকগো নিকালেয়া ঠয়মামি বিসারাত
লাগেসে মাতাম উহানাত, নবম দশম শতাব্দীত কাকেইর গজে
কাকেই থয়া ভারতে ইসলাম ধর্মহান প্রবেশ করেসিল।
আরবদেশর লেটৌর ভিটাত্ত নিকুলেসে ইসলাম ধর্মহান,
ভাবরস ভারতবাসীর লগে না মিষ্টেউ মালেমর যাম্পা জনপ্রিয়
বিশ্ব ধর্মহান। সেমেটিক ভাবধারার মুসলমান ধর্মহানে যাত্রাগন্ত
অকরে হিন্দুধর্মর, হাবি খুটিগি লরাদেসিল। ক্ষতিঅউ বপকরে
করেসে, ভারতবর্ষত দেশ খেইকরিয়াউ নেসেগা। লালচুম
আকবারাদে থয়া লালফাম করিয়া হিন্দুরাংত পয়লায় রাজ্যহান
দখল করানি, পিসেদে পরাজিত অয়া ঠেকেসি হিন্দুরে জাত
জাত তারামা দিয়া মুসলমান অনিরকা বাধ্য করানি, এরে
পাক্চা এহান মুসলমান ধর্মহান সিলকরানির ঔয়ুগর আচৌকা
আতিয়ারহান। গিয়াস উদ্দিন বলবন, কুতুব উদ্দিন আইবক,
আলাউদ্দিন খিলজী, ঔরংজেব, এসাদে এসাদে সুলতান
কতগোই পুণ্যকামহান বুলিয়া নিয়াম মনযোগ দেসিলা,
ইতিহাসে টাঙয়া লিখা আছে। নাকরিয়া অনেক হিন্দু মরলা,
মারলা উতারৌ সীমাসংখ্যা নেই। মাতানি থকনেই, আকতা
বারো নিজেতু মনেয়া ইসলামধর্মলৈলাগা, উতাত শূদ্র, বৈশ্যর



সংখ্যাহান নিয়াম। উহানে আরাক
নুয়া দশা আহান সমাজে
দেহাদেসিল যে, যেতা শূদ্র বারো
বৈশ্যত মুসলমান অইলাগা, উতায়
শাসকবর্গর বানানুগ্ধির মানু অয়া
উচ্চ বর্ণর হিন্দু, যেতারাত্ত
হিনপাসিলা, উতারে বাসে বাসে
তারামা দেনি অকরলা।

আপদর গজে কাম্পত, হিন্দুরতা পলেইল, লুকেইল
ফাম নেয়সিল। বিদেশেতু আহেছি মুসলমানে পথ -ঘাট
নাচিনলৌ, নুয়া মুসলমানে হাবিত্তা বাগা দেনি অকরলা। হুদা
কয়েক হাজারগো মুসলমানে লিসিং লিসিং ভারতবাসীরে জিঙি
য়া হুদা রাজ্যহান নাগৈ, লগে ধর্মহান নেনিত উবাসিলা।
লেখকরেসি ঔ তৌরি উগন্ত দেশ ধর্ম কিসাদে জিংতা করানি ?
লাজর যারিহান, বুদ্ধিবাট্টি, মিচৌমাল্লা নেই, হিন্দুরে
হারপাসিলাত ? মনে নার। অথচ, লালফামকারী শব্দভেদী
পৃথ্বীরাজ চৌহানে মোহম্মদ ঘোরীয়ে মাল্লা নেয়, আকবর বারো
মহারাজা প্রতাপ সিঙে মাল্লা নেয়, কিন্তু কপালখি হিন্দুর কপালে
লিখাহান আসিল, হারানি শ্বেনেই। হায়হান, রাজস্থানে
রাজপুতে লালফাম করিয়া গেসিগা, কিন্তু পুন্নাপ ইতিহাস

পাকরলৌ, রাজপুতে জিঙেসি লালফাম আহান নাপেয়ার। উহানলো পাউরী হিন্দীত মাত্তারাতা, "রাজপুত লড়না নেহী, মরণা জানতেহে।" হারানির কারণে কম নাসে, বেদহানে যাথাং নাদের বুলিয়া বৈশ্য, শূদ্রত পাংকালপা থায়াউ থাংজাং ধরিয়া লালফাম নাকরিয়া উবা অয়া চেয়া আসিলা। ছন্দা



রাজপুতে থানহজাং ধরিয়া লালফাম করেসিলা। আর আরতাউ কারণ আছে, রাজ্য আহানর লগে কাদার আহানোর রেষা রেষি, কাহ্নি এমনই চি যওসিল বুল্লে হারপানি থক আজমীর বারো দিল্লীর হাবিত্ত খামতলর হিন্দু রাজাগো পৃথীরাজ চৌহানরে কাদার রাজাগো জয়চান্দ গিরকে জিলক রাজকুমারী সংযুক্তার কারণেত মারানির ওয়াশাক করিয়া তুর্কী বুলতারা দেশ উহানোর ডাকাতি আগো মোহম্মদ ঘোরীরে আনিয়া মারোওয়াসিল। ষোল্ল লিসিং তাংখাত পৃথীরাজরে মারানি ফুরেয়া আনেসিলগা দেশদ্রোহী জয়চান্দে, ভাবেসিলতা, কামহান করেদিয়া মোহম্মদ ঘোরী তুর্কীত ফিরিয়া জিতৈগা, কিন্তু অইলতা উলটাহান। ভারতর হুনা রূপা, ধন দেহিয়া রাজ্যবিস্তার করানিত লেপয়া তার পদফাম উহানাত আরাক তার লগর আগরে দিল্লীহান গসালত করিয়া দিয়া দেসিল। ভারতবর্ষত মুসলমান রাজত্ব করানির পথগ চাংখল করেদিয়া জয়চান্দ গিরকৌ মোহম্মদ ঘোরীর আতে মরিয়া, বেলীহান, জোনাকহান থাইতে, চিরদিন হিন্দু, অশান্তিয়ে লয়নাকা, ও য়ারি হানর রাগগ অকরেদিয়া গেলগা। ইতিহাসে উহানরে তরাইনর দ্বিতীয় যুদ্ধহান বুলতারা(১১৫৬)। উহানোর পিসেকার ব্রিটিশ আহানির আগ এহান পেয়া সাতশ বছর পেলকরে হিন্দুরে মুসলমান গরেইলা। খুস্তাহান আহির পানিলো বুজের, হুদিগোত ঝাঠিগো বিধানি সাকসে হিন্দুর ও লয়লাট উহান হয়তো এসাদে মাতৌখি নাউ অইলইস পাউরী। রাজপুত, জাঠ, আহির, যাদব, আরাকৌ পাংকালপা, লালফামে হেইনা জাত এতায় মিচৌ মাম্মা অয়া আগরে আগয় পাংকরিয়া খংচেত আটেয়া উবা অইলে। গেটিগত আন্তিগো বরাদেনি সাকসে হিন্দু মিচৌ মাম্মা অনির ও য়ারি উহান নাসিল উহানোর আনাংসা মুরগো পাতিয়া য়াকরানি ছাড়া অব্যাহতি নেয়।

ঔদিন দিনে উত্তরভারতে মুসলমানর যে বীজগো

রুয়াসিলা, গাছজার ডাঙর অয়া উজারর মারা, ডেল, শাখা - প্রশাখা উত্তর ভারতেত আহির লাকনেই আমার লাম এহানাটৌ ফওইতেগো নিয়াম দিন নালাগেসিল। য়েমন বুলতারা দেশ উহানোর শাহ জালাল আমার লামহানর মুসলমান এতার পূর্বপুরুষগো বুল্লে লালৈতৈ বুলিয়া মনে নাকরুরী। জালালী পারৌ দুগ্গং সম্বলহান করিয়া আহেসিল য়েমেনি শাহ জালালরে কনাকে মামাকে লালন -পালন করিয়া ডাঙর করেসিল। মরাণির মাতামে মামাকে মাটি ডলা আগ দিয়া মাতেসিল, "এ মাটি ডলা এগর লগে গতহান মাম্মা লাম আহান হিন্দুহানে আছে, ও লাম উহান বিসারেয়া মুসলমান ধর্ম প্রচার করলেগা অমর অইতেই। মামাকর বাক্যহান শিরোধার্য করিয়া গৌর গোবিন্দ রাজার আমলে শ্রীহট্টে (শিলেট) আয়া মুসলমান ধর্ম প্রচার করিয়া লেহেয়া লয়নার মুসলমানর সংখ্যাবৃদ্ধি করিয়া মরিয়া গেলগা। শাহ জালালর ওয়াহি, বচন, যুক্তি, তর্ক, ছনিয়া হিন্দুর চারি সম্প্রদায়েত গোটি গোটি অয়া মুসলমান অইলাগা বুলিয়া য়ারিত আছে। শাহ পারান, শাহ জালালর ভাগিনাক, মামাকে বাকী থয়া গেসেগা কাম উতা মুরিখকরিয়া প্রচারকর মুত্তর পারেং হানর লেহাত হমেয়া গেসেগা।


ঈশ্বরর অপূর্ব লীলা। সেলকম থাইতে থাইতে দই অয়া হদেইল, য়াম্পা ডিলইল (১৪৮৬ ইং) ১৪০৭ শক অল্প আয়ু আতহানাত করিয়া মহাপ্রভু মালেমে অবতীর্ণ অসিল। সরাহানর হোতগ সাকয়া গেলগা ও সরাহান মহাপ্রভু চৈতন্যদেবর গৌড়ীয় হিন্দু বৈষ্ণব ধর্মর প্রচারে হুকিল। ইহকাল পরকাল দেহে পারের প্রভুয়ে খালকরলো; কিতা নেয়সেথাং



আমার হিন্দু ধর্মত, ধর্মত্যাগ করিয়া জিতাইগাতা ? অবতার শিরোমণি, কলিয়ুগর চিনতামণিগো, হারপেইতে সময় নালাগিল। মুচি মেথর, চামার হাবিরে আলিঙ্গন করানিএ টেঙ রাগোর সাদে চম্ভমাম্মা সামাজিক ব্যাধি উহান আহিগো মুজুরতে লয়ইল। ঈশ্বরর ধনিলো আকাশ পাতাল একাকার করেদেসিল। চলর এসাদে চললে হিন্দুর অস্তিত্ব অচিরেই লৈয়েতৈ এরে আরোপী য়ারি এহান কালজয়ী মহাপ্রভু ছাড়া হারনাপাসিলা। মেয়েকর অভিধানে মহাপ্রভু নাং এহানাটৌ

আরাকৌ লু ওয়াহি যদি থায়া থার, উহানৌ প্রভুরকা কমর। জনম জনম ঋণী টেইপাং বৈষ্ণব মহাপ্রভুর বৈষ্ণবীয় মার্গর পৌ পুস্তাপ মালেমগত সিলকরিয়া ঋণমুক্তির আশা, গতান্তর আর পথ নেয়।

ঠেকিয়া, ঠিকপেয়া, অন্যধর্মত গেসিগা ঔতার দীঘল পারেরুয় রি়ি লমনাসে। বর্তমান পাকিস্তানর, তালও যাভি বুলতারা গাং উহানাত হিন্দুর পরিবার আহানাত গুরু নানকদেব বুলিয়া মহা মানব আগ জরম অসিল। জ্ঞানর ভান্ডারগো চন্ম বুজেসিল গুরুনানকে হিন্দু শাস্ত্র এতা অকরাগন্ত -খামকরা পুস্তাপ মুখস্ত করেছিল। যুক্তি তর্কত শিরোমণিগো অসিল নানকদেব মালেমগো আটিয়া বুলেসিল, বারো মক্কাত ফওসিলগা বুলতারা। কাল্পনিক যারিত বিশ্বাস নাকরল নানকদেবে "গ্রহ সাহেব" লেরিক উহান লিখেসিল বারো শিখধর্মর যাত্রাগো কুপেসিল। পাঞ্জাবে (heart land of india) তার সারমর্ম এতই ঠিক পাসিলা, সীমা সংখ্যা নেই হিন্দু, মুসলমান হাবিয়ে শিখ ধর্ম গ্রহণ করানি অক রেসিলা। চেইতে চেইতে পাঞ্জাব হিন্দু নেই হিন্দু রাজ্যহান পারা অসিল।



হিন্দুত্ব জানি যাকরের, আহানি নাকরের, এরে লিচেত এহান টাঙয়া প্রকট অইল। নাবুলিয়া মাতিলতা নেয়। হিন্দুত্ব বৌদ্ধ অসিগা, মুসলমান অসিগা, জৈন অসিগা, খৃষ্টান অসিগা হায়হান, কিন্তু নাপ্রাল করিয়া মাতানি অন্যধর্মত আয়া হিন্দু অসিগা, এহান যাম চিলসে যারিহান।

আহের গিরক উগরে কিসাদে গ্রহণ করানি ? ব্রাহ্মণ গো, ক্ষত্রিয়গো, বৈশ্য গো না শূদ্রগো বুলিয়া ? আরাক পেরিপেচাল যারিহান, গোত্রগো কি গো অইতৈ ? গোত্রগো জনাগতভাবে হিন্দুরতা অরগো। কর্পুর এগ থাইতে থাইতে যেমন আপ্রানে ছরকাং অ যারগা, উসা দে ছর অজারগা ধর্মহান, নাপ্রাল কিসাদে করানি ? লালফামে হারেসি বুলিয়া ? মিচৌ মাম্মা নেয় বুলিয়া ? না, এতাহাবি গিয়াউ লয়নায়া আসি বুলিয়া ?



লামহানোর প্রকৃত উত্তরাধিকারী ভূমিপুত্র তারাম্মার গজে তারাম্মা অয়া দৃগতির লয়ইলগা পারগত উবাসি মাতাম উহানাত থাইল রকত উসিটা চুষানিত বেপারীর বেশ ধরিয়া আহিলতা ব্রিটিশ। হিন্দু মুসলমান, দ্বিত্যতরে জিঙিয়া ভারতর মুকুটগো আহলদেনি ফাত নেয়, খৃষ্টান হঙনির বাগন মাগানি অকরলা। মানুরতা ঠিকপানি গার হিন্দুত্ব, মিজোরাম, নাগালেণ্ড, মেঘালয়, কেরালা, অন্ধ্র, কর্ণাটক, উরিষ্যাত পেয়া হবা ডাঙর চাংখল বাগন আহান খৃষ্টান অইতে সময় নালাগিল। বাগানহান ডাঙর অক কিত্তাউ নেয়, ঔ লালফাম উতাত মুসলমানো হারেসিলা, কিন্তু কিয়া মুসলমান খৃষ্টান নাইলাগা, এহানর জুওয়াপহান কুরাং বিসারানি ?

এ খুরুমতে লয়র বুলতেউ লয়নার, ভারতর সংবিধানহান লিখেসে বাবাসাহেব আম্বেদকর গিরকে মাতেসেতা, "I was born as Hindu, but not die as a Hindu." হিন্দুগো অয়া জরম অইলৌ, হিন্দুগো অয়া না মরতৌ, বৌদ্ধগো অইতৌ, বুলিয়া অইলগা। হিন্দুত্ব বেলেয়া নাজানির মন্ত্র উহান গিরিগিথানি কারাং আসেতা ? হারপানিরকা চরণ খয়াত হেইচা থাইল।

মণীন্দ্র কুমারর

নীল যমুনার পারে

শ্রীমধুর ব্রজ বৃন্দাবন তীর্থ পরিভ্রমার ভ্রমণ কাহিনী। তীর্থস্থলীর ঐতিহাসিক বৃত্তান্ত, মহাভারত -পুরাণর তীর্থস্থলীর লগে সম্বন্ধ, শ্রীমৎ পুন্ডরীকাক্ষ শর্ম্মার রাধাকুণ্ডে শীশ্রী রাধামাধ জীউর মন্দির লিংখাং, তাঁর জীবনী উপন্যাসাকারে ইকরা বিষ্ণুপ্রিয়া মণিপুরী ঠারে পয়লাকার তীর্থ - ভ্রমণ কাহিনী।



তীর্থ-যাত্রীর সুবিধারকা তীর্থ-দর্শণ স্থলীর নাঙ বারো পরিভ্রমণ - পথর মানচিত্র দেনা আছে। রঙ্গীন মলাটলো, রঙ্গীন ফটকলো, বিষ্ণুপ্রিয়া মণিপুরী ঠারর পয়লাকার লেরিকহান।

রূপা ৫০/- মাত্র

ইন্দ্রজাল বার বরণ ডাহানির এলা

সন্তোষ সিংহ

(পঞ্চম সংখ্যার পিছেত্ত)



এহান খেতিবারি সংক্রান্ত উৎপাদন প্রক্রিয়ার লগে জড়িত বিষ্ণুপ্রিয়া মণিপুরী ব্রত উৎসব আহান। বিষ্ণুপ্রিয়া মণিপুরী কৃষিভিত্তিক সমাজ। গুলা বার খরানর লগে খেতি বাতির সম্পর্ক নিয়াম কাদা। বরণ ডাহানির এলা ব্রত এহান খরানেত্ত মুক্তি পানার সমাজ, সমষ্টি, গোষ্ঠী, লোকবিশ্বাস, যাদুকর্ম আহান যেহানর পিঠিৎ ইন্দ্রজাল বা যাদুশক্তি বা ম্যাজিকর প্রভাব বপয়া আছে। শিল্প -সংস্কৃতি, লোকাচার, ধর্মভাবনা এসাদে জীবনচর্যর ক্ষেত্রত ইন্দ্রজালর প্রত্যক্ষ বা পরোক্ষ যে সম্পর্ক আছে, উহান কিহান ? ম্যাজিক ওয়াহিগর উৎসত পেয়ার পারসিক ওয়াহি ম্যাজাই। আমার আদিম পূর্বপুরুষে তানুর অভিজ্ঞতাল হাগ, মাটি, রইদ, বরণ -বাদল, বৌ -বানা, খং গুবিলা -গাট, গাছ -বিরুক, টেঙারা, লপুক, বন -জঙ্গল, সাগর -সমুদ্র ইত্যাদি নিসর্গ বস্তু বার নানান বিচিত্র নৈসর্গিক ঘটনার বিতরে কোনো না কোনো অলক্ষ্য বা অপ্রাকৃতিক বা অলৌকিক শক্তি বা মান্যা আকেইহান লুকেইয়া থার বুলিয়া ঠাচা করতারা। অপ্রাকৃত বা মান্যা সংস্কার বুলিয়া নংকরানির কারণহান বৈজ্ঞানিক কার্য -কারণ উপ নুয়ারেছিলা। রহস্যর জট বাধেছিল তানুর মনে -প্রাণে। তানুর বিশ্বাস, ঔ নাহারপাছি বা হারপানিচিল অপ্রাকৃত শক্তি বা মান্যা ঔতার কারণেই পৃথিবীর মানুর জীবনে নানান বিপর্যয় যেমন বেচাল, বৌ -বরন, খরান, বজ্রপাত, গুলা জি মানু মরানি এসাদে আরাকৌ ঘটনা অর। এতান্ত মুক্তি পানার ওয়ামালো মানুষে বিচিত্র

আচরন, কাম -দুম, কইলা ঔতাই তাপ্ত তাপ্ত ম্যাজিক বা ইন্দ্রজাল বা যাদুবিদ্যা। "The art of compulsion of the supernatural, also the art of controlling nature by supernatural means." এসম্বন্ধে ফ্রয়েডে মাতেছিল- Magic has to serve the most varied purposes, it must subject the natural phenomena to the will of man, it must protect the individual from his enemies and from dangers and it must give him power to injure his enemy ." দৌ -দ্যুক বা অলৌকিক শক্তিরে হারৌ করানিররকা পূজা অর্চনা করানির সংস্কার ঔহান অয়লতাই ইন্দ্রজাল বা যাদুবিশ্বাস। আদিম যুগেই এতা হঙছেতা। সমাজ বিজ্ঞানীয়ে মাতারা কমবেশি ত্রিশ হাজার বছর আগেই হোমো সেপিয়েন্সে এ যাদুবিদ্যা সংস্কার এতা অবিস্কার করেছিলা। নৃতাত্তিক পরিভাষায় যাদুবিদ্যা অইলতাই প্রাকৃতিক বিধানর নামান্তর।

এ ইন্দ্রজাল বা যাদু প্রকরণগতভাবে দ্বি নমুনার - sympathetic or homeopathic or imitative and contagious . তত্ত্বগতভাবে আরাকৌ দুহান ভাগ আছে। আহান অয়লতাই-যাদুবিদ্যা যেহানে পৃথিবীর পুস্তাপ হাবি ঘটনার কার্যকারণ সম্পর্কিত বিষয়ে জ্ঞান দেৱ উতার বিকাশ করেৱ। আরাক আহানে ব্যবহারিক জ্ঞান দেৱ। সমাজ বার নৃতত্ত্ব বিজ্ঞানীয়ে ইন্দ্রজালরে দ্বি ভাগে ভাগ করেছি-

(১) শুভকারী যাদু- White magic .

(২) কৃষ্ণ যাদু- Black magic .

কৃষ্ণযাদু যেমন -থামাদেনি, বান্দাদেনি, নজরদেনি। অর্থাৎ মানুষে কাম করে দেছি বুলতারা ঔতা। শুভকারী যাদু যেমন শুশৌ -শুমারা গুমজিলে হেজিগৎ লোয়ার দা আহান থদেনা, মুরর চুল গোবরর দলে বেলানি, থু থু দিয়া বেলানি ইত্যাদি। ইন্দ্রজালরে অর্থনৈতিকতার তুল সম্পর্ক নেই বুলে নুয়ারিয়ার। কারণ শিকার বা ফসল উৎপাদন করাৎ যিতেগাই বেশীরভাগ ইন্দ্রজালর উৎপত্তি অছে। বিষ্ণুপ্রিয়া মণিপুরী খেতিনির্ভর। কোনো কোনো বছর আউ রুয়েইক বুলতে খরানে মাটি তালকৈগ করে ছকিয়া ফাটা নিকুলের। গাঙে গরদে ইমা -ইন্দলে দৌরাজারে তুস্টি করানিরকা ব্রত পালন করতারা। উহানেই বরণ ডাহানির এলা। গাঙর বেয়াপা বুজনে রাতি নঙে ই লপুকে অথবা উঠানে তিলয়া উর্করতা কেন্দ্রিক অনুষ্ঠান এহান হাজেইতারা। এইরাকতাঙা, পানাকতাঙা, বর্তিকুপিয়া

দৌরাজা গিরকরে বোধন করিয়া মূল অনুষ্ঠানহান অকরতারা। বেয়াপায় বিবজ্ঞা অয়া বরণ ডাহানির এলা দিতারা, উদ্দামভাবে নাছতারা, আহেইতারা, কাদতারা, প্রার্থনা করতারা বার বরণ - বাদলর লগে তিলপা কাম-দুম করতারা।

এপেই বেয়াপার বিবজ্ঞা অয়া এলা নাছা দেনার লু তাৎপর্য আহান আছে। এহানর পিঠিৎ সংস্কার আহানে কাম করে। ধরিত্রী বা মাটি বার বেয়াপা সমগোত্রীয়া। যদি প্রতীকি অর্থে হাগহানরে পুরুষ বুলিয়া ধরিত্রী নিয়ারগা বার বরণরে সৃষ্টিবীজ উতাইলে কথাহান পরিস্কার অর যে হাগর দৌরাজায় ধরিত্রী দেবীরে বরণে তিঙেইলেহে ধরিত্রী ফুলফল শস্যসন্তান সম্বা অইরিতানায়। "খুমলর মাটি ছকেইলো বরণ দিয়াদে দৌরাজা" বুলিয়া বেয়াপায় পৃথিবী ইমার প্রতিকল্পা অয়া হাগর দৌরাজা গিরকরে প্রলুদ করে পারলে শ্বেনেই বরণদিতই, লোকবিশ্বাস এহান। পৌরাণিক ইন্দ্র বেয়াপা -দুর্বলতার যারী হাবিয়েই হারপাছি। এপেই দৌরাজা মানে ইন্দ্র মানে সরালেল। এ আদি রসাত্মক প্রতীকি যৌন আচরন এহান অনুকরনমূলক যাদু বিশ্বাসর অঙ্গ আগ। এহান মোটিয়ার দিকদিয়া বিশ্বজনীন। হোমিওপ্যাথিক ইন্দ্রজালর বিশ্বাস টেইপাঙে যেতা ঘটের বা ঘটক বুলিয়া মনেইয়ার উতার অভিনয় করলে বাস্তবে উতা ঘটের। বিবজ্ঞা অয়া নাছানি, টালা মুরে দিয়া আল ধরানি, হইয়া হো, হইয়া হো বুলিয়া লৌদিয়া সৎল পানি হিচানি, এতা সিম্প্যাথেটিক বা হোমিওপ্যাথিক বা অনুকরন মূলক ইন্দ্রজাল। এশিয়া, ইউরোপ, আমেরিকা, অস্ট্রেলিয়া, আফ্রিকা এতাত হাবি জাতি গোষ্ঠীর মানুষে শতাব্দীর পর শতাব্দী ধরিত্রী খরানর ডেকি প্রাকৃতিক বিপর্যয়র প্রতিকার উদ্দেশ্যে ঐন্দ্রজালিক পদ্ধতির আশ্রয় নেছিগা, এবাকাউ নিতারগা। প্রমান J.G.Frazer's The Golden Bough. ও লেরিকে গিরকে মাতেছে- In a district of Transylvaniya when the ground is perched with drought, some girls strip themselves naked and led by an older woman who is also naked, steal a harrow and carry it across the fields to brook, where they set it afloat. Next, they sit on harrow and keep a tiny flame burning on each corner of it for an hour. Then they leave the harrow in the water and go home. A similar rain charm is resorted to in some parts of india-naked women drag a plough across a field by night, while the male keep carefully out of the way, for their presence would break the spell.

Contagious বা সংস্পর্শমূলক ইন্দ্রজাল এহানর বিশ্বাস এসাদে জিনিষ আহান কত টুকুরা অয়লেউ টুকুরা উতার বিতরে খেই নানার মতো সংযোগ আহান থায়া যারগা। উহানে টুকুরা আহানর ক্ষতি করলে বাকী টুকুরা উহানরউ ক্ষতি অর। বার অলৌকিক গুণবিশিষ্ট জিনিষ আহানর লগে আরাক জিনিস আহান তিল করে দিলে বা সাম করে দিলে

পিসেকার জিনিষ উহানে পয়লাকার জিনিষ উহানর গুণর অংশিদার অর। এহানেই সংস্পর্শ বা সকপালালক ইন্দ্রজালর আরুপী কথাহান।

বরণ ডাহানির অনুষ্ঠানহান চলের সময়েহোহানাৎ টিন আগ উলটেয়া পেংদিহান থার ঔবারা গজেদে দিয়া ঔছুকাং থানসউ ঔহানাৎ পানি ফুটি থইতারা। পানি ঔসিটার গজে শন দুগ থয়া গোক সেলকম চিপতারা ঔসাদে মাটিয়েইলা ক পুরি ক -ক করিয়া আওয়াজ আহান নিকুলের। বেয়াপার লৌ, নাছা, বার এ আওয়াজ তিলয়া ছত্তুমেউ খেতিবারি অকরতারা পরিস্থিতি সৃষ্টি অর। বিষয় এহান খানি অনুকরণমূলক, খানি সকপালমূলক ইন্দ্রজালর বিতরে পড়ে। যেপেই পানির সকপালহানাৎ বরণ দেনার কল্পনাহান করানি আছে। ঔহানল এহান আগদে বরণ -বাদলর লগে তিলপা কামহান অন্যগদে সংস্পর্শমূলক যাদুবিশ্বাসর কর্মহানউ।

এসাদে করে প্রজনন ধর্মী বার উর্বরতাকামী অনুষ্ঠানহান- "বরণ ডাহানির এলা"র তুলো ম্যাজিক বা ইন্দ্রজালর সম্পর্কে নিয়াম ঘনিষ্ট। এহান ছন্দা বিষ্ণুপ্রিয়া মণিপুরীর ক্ষেত্রে নাগই, বিশ্বব্যাপী। যে মানবসভ্যতা চিরবহমান তানুর সৃষ্টিশীলতার লগে, উৎপাদন প্রক্রিয়ার লগে, জৈবিক চাহিদা পূরণর, কামনার লগে ইন্দ্রজালর যুগ যুগ পুরানা সম্পর্ক আদিকালেও এ আধুনিক যুগ পেয়াউ নিরবিচ্ছিন্ন ধারায় চোরাছতগর ডেকি আমার মিছলে মিছলে প্রজন্মও প্রজন্ম সিলয়া আছে। আমি এহান কোনো সময় উপয়ার, কোনো সময় উপনি চিল।

বেদের বাণী ও ধর্মতত্ত্ব কথা

শ্রী সেনা সিংহ



বৈদিক পদ্ধতি আমার বিষ্ণু প্রিয়া মণিপুরীর ক্রিয়া কর্ম, পূজা পার্বণ। শরাৎ কীর্তন, ধর্ম কর্ম ইত্যাদি বামন-পুরোহিতে কিসাদে চালয়ো থছি বার' আমার সনাতন হিন্দু ধর্ম, বৈষ্ণব ধর্মে কিসাদে চালানি থক, এতার ধর্ম তত্ত্ব মূলক বাখ্যা এ লেইরিক হানাত উপস্থাপনা করানি আছে।

৩০৫ পৃষ্ঠার বই(বাংলা)
দাম মাত্র রূঃ ৫/- হান

প্রাপ্তিস্থানঃ অপরাপা অফিস

সহজঃ কল্প কোণ্ডেয় সদোষমপি ন ত্যজেৎ

ডঃ মনি সিং, বসন্ত বিহার



নো যোগসূত্রম, ন চ ভাবনা।
নানু বেত্তি। নো তপতি, নানু তপয়তি।
- ২২ বছরীয়া কাকেইর ১০ জুন,
২০০৭ ইংরেজির চেহান দেহিয়া ডঃ
মনি সিঙে মাতেছিল। তায় তায় বারো
জবাব দেছিল- অধুনৈব একৈকম।
মহাঘোরে নিমগ্নোসি। মি মাতেছিলু -
অথঃ কিম্ ? যচ্ছাগৎ, গচ্ছতৎ। কাকেইর জন্মদিনর
পোষাকহান পটা দেনা না করবতা ? ডঃ মনি সিঙে মাতেছিল -
কিয়া নাকরব। মনসি দরিত্রঃ। কমলে লৌদেছিল -ধিগিতাং
দরিত্রতাম্। মনি সিঙে বির বিরছিল -কুরাংকার লেইরা ? পাটি
দিতে তি জিঙতে না মি জিঙতু বুলে লাখ লাখ রুপা খরচা
করতারা। বিয়া -সাদিৎ টিভি, ক্রীজ, সোফা, গাড়ী, মাটিবাড়ী,
বি-শৈ, ফ্লেট দিতারা। ফণ্ডেদে মাতেছিল -এবাকা আমি বিশ্বে
economic power house. মোরে চা -

আন্তর্জাতিক বাজারে আমার ধনর বিনিয়োগ ৫৫০০
কোটি রুপা। গ্লোবেল ট্রেডিং এ বিনিয়োগ ১৪০৯০ হাজার
কোটি। আমার সিকিউরিটি ৯০০০ হাজার কোটি। কাস্টমস
ডিউটি ৭৭০৬৬ কোটি। কাস্টমস রেভিনিউ ১১৯০০০ কোটি।
আয়োগ, অনুষ্ঠান, প্রতিষ্ঠানে বিনিয়োগ ১৪:৫০ লক্ষ হাজার
কোটি। কতহান আকতা কোম্পানীর ধনর বিনিয়োগ -আই, ডি,
বি, আই -১১৬০০০ কোটি। আই, সি, আই, সি, আই -
২৪৭৪৭ কোটি। সফট ওয়ের ৯৫০ বিলিয়ন ডলার। ডি, এল,
এফ - ৯৩৫০০ কোটি। এভিয়েশন -১৪৫০০ কোটি।
টেক্সটাইল -৬৪৪০০ কোটি। ২০০৬ ইংরেজীৎ মটর সাইকেল
৬৪০২৮০ হান, ঘরোয়া গাড়ী -৯৬৬২২ হান বেছেছিল। চাহা
পিয়া পিয়া, টাইমস অফ ইন্ডিয়া'র বিজিনেস কলামে ধনর
বিনিয়োগ, পাকরের ডঃ মনি সিং। তার মনহানাৎ জায়েন্ট
কোম্পানী, টাটা, ডালমিয়া, লক্ষ্মী মিন্ডল, আস্থানী, বিজয়
মালিয়া, বাজাজ, সুরিহান করে, আহানর পিছে আহান ভাহিয়া
আহের। L G, BHEL, HAL, HMT, WIPRO, HL, L&T.
Samsung, Godrej, Khaitan, আরতাউ কত শত হুর্ক ডাঙর
কোম্পানী, শিল্পপতি, উদ্যোগপতি আছি, এতার ধনর
বিনিয়োগ বাকী থাইল। নামাতলু। কৈতে, আমি কিসাদে লেইরা
এলাঙতা ? মনি সিং এ মোরে প্রশ্ন করেছিল।

- এরে, Merrill Lynch Capgemini এ ইকরেছে-
India has one lakh billionares, two lakhs millionares in

us dollars. Wealthy peoples in the world - বুলে দেখি
খবর হানাৎ মাতেছি -ভারতর ৪ গ মানু পৃথিবীর ২০ গ,
হাবিস্ত বরা মানুর হাদিৎ আছি। আগতে, ২নম্বরে, আরাক আগ
৪ নম্বরে, হেরে দ্বিযোগী, ১৭/ ১৮ নম্বরে। বরা - বালা মানু
অনির দাপর সিংনাৎ ভারত পৃথিবীরমা ২য় ফামে। সিকনাৎ
খেঙছিতা, অষ্ট্রিয়া, ব্রাজিল, কানাডা, চীন, জার্মেনি, রাশিয়া,
ইউ, কে, ইউ, এস, এ। -আমার মানুর মুরপিছে মাসিক আয়,
রুপা ৮০৭২ হান। আমার মানু আকেইগিয়ে বছরে, রুপা
৯৬৮৬৪ হান পেইতারা। হেইমাক আহানর বছরে আয়, রুপা
১৯৩৭২৮ হান। মুনিয়া- কফি দ্বি কাপ, বাটারড টোস্ট
চারিহান, ডাবল্ ওমলেট দুগ, তুড়া করে আন। কালুরে মাতিছ,
কফি কাপ আহানাৎ চিনি চারি চামচ দেক। মোরে ভাহিয়া
মাতের -দাদা, পৌ এহানি পাকরিয়া জবর হারৌ এলু।

- পৌ এহান পাকরিয়া হাবিয়ৌ হারৌ ঐতাই, মিয়ৌ
অছ। ডঃ বি, কে, মুখুপাধ্যায়ে ইকরেছে, -Poverty
Reduction -পাকরলে তি হীন পেইতেই, এহানতে বারো
কিহান বুলতেই। গিরকে ইকরেছে, -পৃথিবীর ৫৬০ কোটি
মানুরমা, ১০০ কোটি মানুর দৈনিক আয়, আমেরিকান রুপা,
ডলার আহানর তলে। পৃথিবীর অর্ধেক মানু, ২৮০ কোটির
দৈনিক আয় আমেরিকান রুপা, দ্বি ডলারর তলে। পৃথিবীর
দরিত্রতম দেশে আছি ৬০০ লক্ষ মানুরে পৃথিবীর মাত্র তিনগ
বরা মানুরে কন্ট্রোল করতারা। World Bank defines a poor
man whose earning is below one us dollar, per day .
ডলার আহানে, আমার ভারতর প্রায় ৪১ হান রুপা। পৃথিবীর
দরিত্র সীমারেখার তলর মানুর, ৪০ % মানু আছিতা, আমার
দক্ষিণ পূব এশিয়াত। এ দরিত্র সীমারেখার তলর মানু এতার,
৮০ % থাইতারাতা আমার গাঙে -গরে।

ডঃ মুখুপাধ্যায়র পরিসংখ্যাহান, ঠিক নাপেইল পাউরি,
মনি সিং এ মাৎল -এহান নির্ভুল ঐলেতে, আমার ভারতবর্ষর
পরিস্থিতি, অবিশ্বাস্য আহান দেহা দিতৈ। যেমন, দরিত্র
সীমারেখার তলর মানু, ভারতে ৩৩.৩২ কোটির ফামে, ৪৮
কোটি ঐতৈ। উতারমা গাঙে, ২৬.৬৫৪ কোটির ফামে, ৩৮
.৪০ কোটি; শহরে, ৬.৬৬৪ কোটির ফামে, ৯.৭৬ কোটি
ঐতাই।

-ডঃ তপতী, মিঃ সেন (২০০৭), তানু দেখি
পরিসংখ্যাহান, পাকরেদিলু, হনিয়া হারপাক বুলিয়া -In India

72 % people live in villages. Per Capita Income came down to 20 % compared to urban areas. On 20 % national income, 70 % depend. 27% BPL is shown exaggerated to that of 26.1% in 1999-2001. Agricultural Growth rate showed a negative trend.

- তানুয়ে জিঙে নুঙেই করে চলতারা। APL, BPL চউল আটা, ময়দা, চিনি, হাওয়া পেইতারা, SHG, Kisan card, loan পেইতারা। Indira Awas Yojana, Mid day meal, Anganbadi, এসাদে নানান্‌তাল নাউ হীনপেয়া চলতারা। ডঃ মণি সিং এ মাতের।

কমলে বন্ধাগ ঐয়া তারে কতহান আকতা চেয়া থাইল। মাংল- ইন্দিরা আবাস যোজনার ঘর উতা দেহেহুতা, পাচ বছর আগে হংকরেছি ঘরে এবাকাউ চালহান মারে নুয়ারেছি, তিন ইঞ্চি ইটার ওয়ালে এবাকাউ প্লাস্টার না লাগেছে। APL, BPL, Old age pension, কয়গয় পেইতারা ? কাম করলে খানা, কাম নাকরলে নেই। এতাউ জিনা আহান ? ভিক্ষারীয়ে খানি বালা। বারো চা, বাজারে দুই টেকি চউল, হাত টেকি চউল না পেইতারা, আমারে ফ্রী মিল খোয়ার, ফ্রী লেইরিক -লেইশৌ দেব, সরকারে কিতা উতা ফ্রী পারতা, না তারে কোনগয় উতা দুই টেকা, হাত টেকাং দিতারাতা, না লেইরিকর কাগজর পয়সা, ছাপার পয়সা সরকাররতা না লাগেরতা। যদি, সরকারে বাজার দরেই পয়সা দিয়া লর, উতা ঐলে, উহানতে কিসাদে ফ্রী বা কম দামে দেনা ঐলতা ? সেইল টেক্স, ইনকাম টেক্স, বি-র খাজানা, এক্সাইজ ডিউটী, স্টাম্প ডিউটী, আমোদ কর, এডুকেশন সেস, নানান্‌ ফীজ, ভেট -ভাট, কায়দা-কানুন দেহুয়েয়া আমারাংত পয়সা নেরগা, উতালোহে বাজারেংত বাজার দামে বার -পজা লয়া, আমারে, ফ্রী বা কমদামে বার -পজা দেবতা। আমারে, মুর পিছে রুপা ৮০৭২ হান দেহুয়াছে। উতা দিলে, আমি আমারতা যেতা করিয়াউ চলতাঙাই। এতার পিঠিং সরকারে যেতা খরচ -পত্র করের, উতা নালাগতৈ। বারো চা, ফ্রী এডুকেশনর কোন মানে আছোতা ? য়েপেই, ইংলিশ মিডিয়াম ইঙ্কুলে, প্রাইভেট জুনিয়র কলেজে, নার্সারী, প্রি-নার্সারী ইঙ্কুলে, ইউনিভার্সিটিত শৌ - শুমারা তামকরুয়েইতে শৌ আকেইগীর তলে মাসে, রুপা হাজার আহানাত চারি -পাচ হাজার লাগের, কুন কুন ইঙ্কুল, কলেজে বছরে দেড় লাখ, দুই লাখ, তিন লাখ লাগের। উতার গজেউ, ডনেশন, পাচ লাখ, দশ লাখ লাগের। হবা ইঙ্কুল, কলেজে পাকরানি ঐলে, মার্জ ৭০ -৮০ -৯০ শতাংশ পানা লাগের। উতারকা কনাকেন্ত হবা ইঙ্কুলে, ঘরে টিউটার থৈয়া শৌ -শুমারারে পাকরুয়ানি লাগের। মুঠতে শিক্ষা এবাকা ব্যয় বহুল ঐল। এহানে শিক্ষা এবাকা ডাঙর ব্যবসায় হান আছে (ডঃ জ্যোৎস্না ভট্টাচার্য)। এ ব্যবসায়ে এবাকা ডাঙড় ডাঙড় শিল্প -পতি, উদ্যোগপতি, ডাঙড় ডাঙড় ইঙ্কুল, কলেজ খুলিয়া বহেছি। লেইরাপা মানুষে উতাত শৌরে পাকরুয়ানি হিন

অপরূপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

পেইতারা। বরা -বালা শৌ -জিপুতে নিয়াম পাকরতার। হানতে, poverty alleviation scheme, free education scheme এতায় কিতা কানা আছে। পৃথিবীর নিরক্ষর মানুর, এক তৃতীয়াংশ ভারতে। উতার ৮০ শতাংশ আমার গাঙে ঘরে। এতার ৪০ শতাংশ দরিদ্র সীমারেখার তলে। অর্থাৎ, ভারতর ১২০ কোটি মানুর, ৭২ শতাংশ মানু (৮৬ .৪০ কোটি) গাঙে থাইতারা। এতার ৪০ শতাংশ মানু (৩৪ .৫৬ কোটি) দরিদ্র সীমারেখার তলে। এতার ৮০ শতাংশ ধরলে মোট ২৭.৬৪ কোটি গাঙ ঘরর মানু নিরক্ষর (ডঃ বি, কে, মুখোপাধ্যায়)।

ভারতর আর্থিক উন্নতি GDP, PCI high rate % , বারো 11623680 crore income দেহিয়া নুঙেই অনার কোন ফাম নেই। ডঃ তপতি বারো সেন, তানু মাতেছি -বিপরীত ধর্মী কৃষি উৎপাদনর হার আমার জাতীয় আয় কমনির একমাত্র কারণ। ভারতর ২৭'০৯ লক্ষ কৃষক পরিবারর, ১২'৬৩ লক্ষয়েই খেতির রুজি কামিলা। পৃথিবীর ১০০ কোটি মানু জিংতা ঐয়া আছিতা দিনে রুপা ৫০ হানলো। ২৮০ কোটি মানু জিংতা ঐয়া আছিতা দিনে রুপা ১০০ হানলো।

-আর্থিক সঙ্গতিলো ভারতর মানুরে এসাদে শ্রেণী ভুক্ত করানি পারিয়ার :

১। উচ্চতম ধনী সম্প্রদায় (বিলিওনেয়ার)-	০'০১ কোটি
২। উচ্চতর ধনী সম্প্রদায় (মিলিলিওনেয়ার)	০'০২ কোটি
৩। ধনী সম্প্রদায় (লাখপতি)	২৪'৬০ কোটি
৪। মধ্য বিত্ত (উচ্চ মধ্য বিত্ত, নিম্ন মধ্য বিত্ত)	২৮'০০ কোটি
৫। দরিদ্র	২০'০০ কোটি
৬। দরিদ্র সীমারেখার তলর সম্প্রদায়	৪৮'০০ কোটি

পৃথিবীর হাবিস বরা -বালা মানু শহর অঞ্চলে থাইতারা বিশেষ করে, সিটি, বারো মেট্রোপোলিট। উদ্যোগপতি, শিল্পপতি, সওদাগর, ব্যবসাদার, হাবি রকমর ডাঙর ডাঙর কায় কারবারি, অনুষ্ঠান, প্রতিষ্ঠানর মালিক, হাবিয়েই সিটি, মেট্রোপলিট আছি। কমলে, মণি সিঙরে মুক্সি আহান দিয়া, ঠুম খোচা আহান দিল -তিয়ৌতে বরা -বালা মানুগ নাই, উহানে দিল্লীং আছহা। Call centre এ তোরে মাহানলেহে রুপা ২৫০০০ দেব।

ডঃ সিঙে, পেনসিল আগলো, ধলা চে আকটুমার গজে, হিজি বিজি চিন চান কতহান কাপে কাপে মাংল -ঔ রুপায়, মানু দুগর সংসার, নাউ চলের। মাঙেহে -বুলিয়া ইংপানিগ ঐল। মি তানুর কথা বাতারা হনিয়া আছিল। মাংল - ছনুরিতাতে, poverty elimination র কাম affluent urban areaত নিয়াম নেছিগা। তপতির মতে, Urban Poverty

Alleviation Scheme: Urban Basic Service for Poor (UBSP), Nehru Rojgar Yojana (NRY), Prime Minister's Integrated Urban Poverty Eradication Programme (PMIUEP), এবাকা Swarna Jayanti Sahariya Rojgar Yojana (SJSRY), Urban Self Employment Programme (USEP), Urban Wages Employment Programme (UWEP) are mostly, affluent urban area development directed. -আপ্নাগাছি, ভারতের রাজধানী দিল্লী, যেহান আমার দেশরমা হাকিমত উন্নত ফামহান, উহানাং থায়া, এরূপা এতালো চলে নুয়ারিয়ার বুল্লাং হানতে, অনুন্নত ফামর মানুতে কিসাদে চলতায়। ডঃ মণি সিং এ কিত্তাউ না গুজুরল।

কমলে মাুতের -আগেদেতে, সরকারে আমারে প্রতিপালন করলো, আমারে পোষন করলো, এবাকা ঔহান নেই। এবাকা আমি আমার প্রাপ্য আদায় করানি লাগের। শিক্ষা, চাকুরী, চিকিৎসা, হাবিতা আমি লনা লাগের। ভারতের উন্নয়ন, প্রগতি, বিকাশ, আধুনিকি করণর মেংশেলে, আমার বিষুপ্রিয়া মণিপুরীর উন্নয়ন, আমার কতগী sociologist, economist, statistician, bureaucrat এ করেছি সমীক্ষাহান চেইক -assets হিসাবে আমারতা ৪০/৪২গ কোটীপতি, ৩৫০০/৩৬০০ গ লাখপতি, শিক্ষার হার ৬০ %, IEO-O, EPO-O, IIP-3/4, PCI-350, BPL-60 %, Highier purchasing power -০'৩/৪% বেকার সমস্যা বাড়ের ১০%, খেতির উৎপাদন -(-) ৩/৪%। এসমীক্ষাহান চুম নাইতে পারে, তবে আমার উন্নতির ছবি আহানতে দেহা দেব। আমার অর্থ -সামাজিক উন্নতি কমেই আছে। দেখ দেখ করে, আমার কৃষি উৎপাদন, যেহান আমার মূল জীবিকা, যেহান আমার প্রগতি, উন্নতি, বিকাশ বারো জনগণর আর্থিক অবস্থা চাংখল করের, উহানেই, বাড়ানির পটা পড়ানি অকরেছে। মি মাংলু - ১৫/১৬ বছরে আমার শিক্ষিত গাবুরাপুয়েই -পুরিজলেই অতিপাত হিনপাছি। গ্রেজুয়েট, পোস্টগ্রেজুয়েট, ডাক্তর, ইঞ্জিনিয়ার, MBA, MCA, ITI, কুন আগৌ সরকারী চাকুরী আহান নাপেইলা। প্রাইভেট কোম্পানী, কম্পুটার ফার্মে, কল সেন্টারে, বোর্ড, করপোরেশন, মার্কেটাইল, কমার্সিয়েল এন্টারপ্রাইজ, ফুতির দোকানে ভূমিমালর দোকানে, ইলেক্ট্রিকর দোকানে, courier service এ হমাছিগা; এমনকি security guard এয়াউ হমাছিগা। অথচ এ শৌ -শুমারা এতারে অজস্র রূপা খরচ করিয়া তাম করুয়াছি। আমার শিক্ষিত শৌ হাবি, আজি আকগৌ গরে নেই। হাবি দিল্লী, মুম্বাই, চেম্বাই, বাঙ্গালুর, হায়দ্রাবাদ, পুনে, গৌহাটী এতাদে আছিগা, খানিমানি আকতা ইংলেড, আমেরিকা, কানাডা, অস্ট্রেলিয়া, চীন, জাপান, নেপাল গেছিগা। এতার সংখ্যা আমার জাতর মানুর ১% এতে পারে। এ ১% এতার আয়লো জাত আহানরে দরিদ্র সীমারেখার গজে

নেনা অসম্ভব।

মোরে কথা খুজ্করানি নাদিয়া কমলে মাংল -এ কথাহান অতি চুমহান। ৭ম, ৮ম, ৯ম, ১০ম পরিকল্পনা এতাং উত্তরোত্তর আর্থিক বিনিয়োগ ক্রমাৎ অতিপাত বৃদ্ধি আছে, বৈদেশিক ধনর বিনিয়োগে অতি বৃদ্ধি পাছে, বেসরকারি উদ্যোগ, শিল্প, বাণিজ্যিক ক্ষেত্র, ব্যবসা, শিক্ষাক্ষেত্র অনুষ্ঠান, প্রতিষ্ঠান, বেকিং, আর্থিক প্রতিষ্ঠান এতার বিনিয়োগ অজস্র কোটী রূপা আছে। কিন্তু এহানৌ অতি বাস্তবহান, ঔ তুলনাং ভারতর গ্রামীণ বিকাশ নাছে। মানুর সুখ, সম্পদ, বৃদ্ধি নাছে। বরঞ্চ, মানুর রোগ -শোক বাড়ছে। পাশ্চাত্য সভ্যতার, আধুনিকতার, সাজ -পোষাক, ঠাট -বাটলো, living standard বাড়ছে, মানুর মেইথঙর হাহি, আনন্দ, অন্তররটান, বানা -নুংশি -প্রেম-আলাং -ওনাং নেয়ছে। বরা বুলিক, লেইরা বুলিক, কুন আগৌ যেন, হারৌ -পিয়মে নুঙেই অয়া নেই। হাবির মেইথঙেই চিন্তা ভাবনার বাদালা, উৎকণ্ঠা, অবিশ্বাস, অস্থিরতা। সংক্ষেপে, কিহান ঐতৈ, কিহান ঐতৈ, ভাব সদা বিরাজমান। এহানৌ লেইরা জাত আহান। ধন- পয়সা থায়াতে কিহান ঐত, শান্তি নেই। যে সুখ -শান্তির সালে, প্রায় ৯০বছর (১৮৫৭-১৯৪৭) অগনন ভারতবাসী আত্ম বলিদান দিলা, কারাবরণ কৈলা বাপক -মালক -শৌ -জিপুত, বেইবুনি -বেয়াপা হারেইলা, দেশ, ভিটা -মাটি হারেইলা, উহান স্বাধীনোত্তর ৬০ বছরেউ জনগণে নাপেইলা। বিশেষ করে, আমার বিষুপ্রিয়া মণিপুরী, ৬০বছর আগে, ধন -পয়সা, চাকুরি, টিনর গর, দালান কোঠা, আজিকার standard of living নেয় থাইলেউ -খেতির ভাত, গাট -খং -বিল- পুখুরীর মাছ, গোক -মৈষর ঘি -সেক্কম, বারির হৌপাত খেয়া, নুয়ারা -পানি নায়া, বলি-পাংকাল এয়া যে নুঙে ই -নুংশিলো আছিল -উহান, শিক্ষা-দীক্ষা, ধন -সাম্পাল, আধুনিক সভ্যতার চাক -চিক্যালো standard of living কাইলেউ, নেয়ছে। ডঃ মণি সিং ইংপানি অয়া থাইল।

মার্কিন যুক্তরাষ্ট্র, জাপান, প্রোভাকিয়া, হাঙ্গেরী, সুইজারলেড, আরতাউ কতহান পশ্চিম ইউরোপর দেশর অর্থনৈতিক বৃদ্ধির হার ৮ বা ১০ শতাংশ সম্ভব নাগৈ। কিয়া বুন্নে, তানুর মুরপিছে আয় (GNP-Per Capita Income) এমাটিক নিয়াম যে, তানুর ১ শতাংশ বৃদ্ধি উন্নয়নশীল দেশর ১০ শতাংশ বৃদ্ধি ছাড়েরা যিতৈগা। উহানে উন্নত বারো উন্নয়নশীল দেশর আর্থিক দূরত্ব নাকমিয়া বাড়হে যারগা। এহানে, বিদেশী মুদ্রা, বিদেশী জ্ঞান -বুদ্ধি, বিদেশী টেকনলজি, বিদেশী ইভাঙ্গি, বিদেশী বাজার, বরা -বালা NRI ভারতর বাজারে আহিতারাতা বারো আহেছি। যতৈ বিদেশী ধন, বিদেশী জ্ঞান -বুদ্ধি -কলা -কৌশল -প্রযুক্তি ভারতর বাজারে বিনিয়োগ ঐতৈ, foreign investment যত নিয়াম ঐতৈ, ততৈ আমার শহর, নগর, মেট্রোপলিটাহে উন্নতি ঐতৈ। এ উন্নয়ন খেতির মাটির গজে আছে। খেতিয়ক মানু,

খেতির কামিলা, গাঙর মানু, গাঙ-ঘর বেলেয়া ঔ শহরে, গঞ্জে, বাজারে, নগরে, মেট্রোপলিট গেছিগা। এহান বিশ্বায়ন। কিন্তু, এ নগণ্য মধ্যবিত্ত মানু এতাই বিশ্বর নুঙেইপা মানুর নুঙে ই উহান নাপেইলা। এবাকা অনুষ্ঠান, প্রতিষ্ঠান মায় শিক্ষানুষ্ঠান নুবসার থল ঐল। ব্যবসার মান লাভর অঙ্কে। এতান্ত পষ্ট হারপানি থক, ব্যবসারকা আহেছি মানু এতা দেশী-বিদেশী যেতাউ অকা, বিশ্বর য়েপেই যেতা হবা হবাতা নিকুলেছে বা নিকুলের হাবিতা অনিয়া আমার দেশে, শহরে, গঞ্জে, নগরে, মেট্রোপলিট বুজে দিতারা। উতার বিনিময়ে অটেল ধন কামেইয়া নিতারাগা। তানুর লোকসান করিয়া, আমার আর্থিক উন্নতি করেদিয়া, আমারে দরিদ্রতার মহাসাগরেত্ত উদ্ধার করে দিতারাতা নাগৈ।

পণ্ডিত জওহরলাল নেহেরুয়ে দেশর উদ্যোগপতি ঘনশ্যাম দাস বিড়লা, যমুনালাল বাজাজ, জামসেদজী টাটা আদির সহায় বারো ইরিগেশন, ইস্পাত, বিদ্যুৎ, মেডিকেল কলেজ, ইঞ্জিনিয়ারিং কলেজ না বহুয়া দিলে ১৯৬৪ ইংরেজীর ভিতরেই আমার অবস্থা অতি সঙ্গীন ঐলৈছ। হায়হান, ঔ মণীষী উতা, অন্তরে -বাহিরে দেশপ্রেমী আছিল। লেইরাপা ভারতবাসীর দুঃখ হারপেইলা মানু। এবাকার সাদানে মানু মারিয়া ধন পয়সা কামানির মানু নাছিল। ১৯৬২ ইংরেজীর চীনার হামলা, ১৯৬৫ ইংরেজীর পাকিস্তানের হামলা, ১৯৯৯র কারগিলর যুদ্ধ, স্বাধীনোত্তর ৬০ বছরেউ না লমছে পাকিস্তানি "ঘুস-বৈঠ", ৩৬ বছরর বাংলা দেশী অনুপ্রবেশকারীর লাংলা, চাক্‌মার পুনর্বাসন সমস্যা এতালো স্বাধীনোত্তর ভারত নিশ্চিন্তমনে উন্নতি মূলক কাম -কাজে মন যৌকরে নুয়ারেছে। উতার গজে, আভ্যন্তরীণ রাজনীতির ক্ষেত্রে ১৯৬৭ ইংরেজীৎ Indian national congress র একচ্ছত্রাধিপত্য নেয়নি, কেরলে নাস্ত্রিপাদর সাম্যবাদী সরকার গঠন, Indian National Congress র বিভাজন, ১৯৭৭ ইংরেজীর Emergency, Central এ কংগ্রেস সরকার, জনতা সরকার, আই কংগ্রেস সরকার, বিজেপী সরকার এতার উলট -পালট, বহু জাতি, বহু ধর্ম, বহু বিশ্বাস, বহু আকাজ্‌খা, জীবিকা উপার্জনর ঘাত -প্রতিঘাতে জরম দিল Regionalism-Dravida-Munnetra-Kazhigam, Khalisthan, Naxalite, NNC, MNF, ATTF, APHLC, UNLF, ULFA, NSCN, DHD, KNLF, MAOIST, জম্মু-কাশ্মীরর Laskar-e-Toiba, Mujahideen, শ্রীলঙ্কার LTTE, ইন্দিরা গান্ধী হত্যা, রাজীব গান্ধী হত্যা, বাব্রী মসজিদ, রাম মন্দির, হাদিগৎ উত্তরাঞ্চল, ঝাড়খন্ড, ছত্রিশগড়, বডোলেন্ড, Mondol Commission, SC, ST, OBC, Reservation, Terrorism, এতার ঝামেলায় অস্থির দেশহান, নিরলে দেশর উন্নতি মূলক কামে একনিষ্ঠ ঐয়া মনযোগ দিয়া নুইলো। ৩০শে জানুয়ারী, ১৯৪৮ ইংরেজীৎ অহিংসার পুজারী, জাতির জনক মহাত্মা গান্ধীয়ে আততায়ীয়ে

নৃশংস ভাবে গুলী করিয়া মারানির লগে লগে দেশহানরে, যে অহিংসায় বেড়েয়া ধরলো, এহান আমারে আর না এড়ে দিলো। ঔ হিংসার জরগ এবাকা এমনৌ সালৈল, দেশ-প্রদেশ, জাত-ধর্ম, ভাষা-ভাষী, লেইরা-বরাতে ছেইলোই ছেইলো, নিজর নিজর জাতরমাউ ছড়েইয়া পড়েছে। উতার গজে, প্রাকৃতিক দুর্যোগ, গুলা, ভৈচাল, খরান, বৌ-বুরুলী এতাউ আহানর পিছে আহান আয়া দেশহানরে জুরুলা করিয়া থৈল। ৩০ কোটি থতাৎ অন্ন দেনা হিনছে সময়হানাৎ, ১৯৪৭ ইংরেজীর রাত ফুইতে আরাকৌ ৩ কোটি থতাৎ অন্ন দিতে ভারতে খাদ্য সঙ্কট দেহা দেছিল।

এ উপরি ৩ কোটি মানুর অন্ন-বস্ত্র-আশ্রয়, নিজর ৩০ কোটির অন্ন ব্যবস্থা করতে ঘুম বেলেয়া উঠিয়া-পড়িয়া লাগিয়া দ্বিবারা -দিশাং আহি দিয়া নুয়ারানির সুযোগ হানাৎ, দুনিয়ারস্বার্থবাদী নেতা, পলিনেতা, রাজনীতিবিদ, বেপারী, ঠিকাদার, আমলা-জামলা মানু মাছি দেশহান জুড়ে জরম ঐলা। স্বাধীনতার কিহান হোয়াংহান, হারপেইতে নাহারপেইতে, ৩৩ কোটি মানু এতা বাড়িয়া ৬০ বছর ফাইতে ১২০ কোটি ঐলা।

এ মানু এতার অন্ন-বস্ত্র, ঘর-বাড়ী, পথ-ঘাট, যাতায়াত -যোগাযোগ, শিক্ষা-দীক্ষা, আর্থ-সামাজিক, আইন-কানুন, বিলি-বন্টন, খাদ্য সামগ্রী, জল-বিদ্যুৎ-পানী, কৃষি-সেচ ব্যবস্থা, স্বাস্থ্য-পরিবার পরিকল্পনা, শিল্প-উদ্যোগিক বিকাশ, কৃষি বিকাশ, পরিবেশ, আভ্যন্তরীণ সমস্যা সমাধান, প্রতিরক্ষা ব্যবস্থা উন্নত করিয়া ভারতর আর্থিক অবস্থা দরা-পাকানা করানির সালে, পাশ্চাত্য বিজ্ঞান, প্রযুক্তি, কলা-কৌশল অনিয়া, বিশ্ব-বাণিজ্যিক সম্পর্ক সংস্থাপন করিয়া Liberalisation, Plan Funding, World Trade Organisation, Foreign Direct Investment, Patronisation Of Corporate Bodies, Industrialisation, Farm Input, Loan To Farmers, Funding From IMF, World Bank, Asian Development Bank, Improvement Of Banking Sector, Improvement Of Trade & Commerce এতালো বিশ্বায়নর মোকাবিলা করানিৎ মুরখুলি দেখি সময়হানাৎ চেয়া অসৎ, কুচক্রী, অর্থলোভী, তথাকথিত সমাজ সেবী, দেশনেতা, শিল্প-পতি, উদ্যোগপতি, ব্যবসাদার, ঠিকাদার, কর্মচারী, বারো সরকারি-বেসরকারি দালাল আকতায়, চাকুরী, ঠিকা, লাইসেন্স, লোন, শিক্ষানুষ্ঠানে শৌর এডমিশন, নানান সুযোগ-সুবিধা দিতাঙাই বুলিয়া দেশবাসীর ধন-পয়সা হরপ করানিত মৈখ্যু অইলা। আরাক আকতায়, ভেজাল, দুই-নম্বরী, নকল, নিম্নমানর বয়-বস্ত্র উৎপাদন করিয়া, বয়-বস্ত্র গোদামে লুকেইয়া দাম কাকরিয়া বেছিয়া মুনাফা লুটাৎ লাগেছি। ঠিকাদার, সাপ্লাইয়ার আকতায়, নেতা, কর্মচারীর তুলো তিলেয়া, কাম নাকরিয়া, আধাছাদা কাম করিয়া দেশর ধন আত্মসাত্য করাত লাগেছি। বেঙ্ক-ফাইনানসিয়েল ইনস্টিটিউট, ইনসিওরেন্স,

ক্রেডিট দেওয়া আকৃতি অতিপাত সুদে লোন দিয়া, গাড়ি - ঘর - ব্যবসা - বাণিজ্য, কল - কারখানা হংকরে দিয়া জিনিষ - পত্র দাম অতিপাত বৃদ্ধি করে নিতারাণা। ডেভেলপমেন্ট প্রজেক্ট, স্কীম প্রথাম - পরিকল্পনা রূপায়নর ধন - পয়সা জোগাড় করানির সালে অফিসার, পাবলিকরাংত ধন - পয়সা নিয়া ইলেকশন খেলতারা। ঔচাকামর মারূপ উতায়, দিলা পয়সাহানিয়ো তুলানি, লাভো কামানি বুলে যেতা মনেইতারা উতা করতারা। ফলে দেশর নৈতিক চরিত্রর অবনতি ঐল। Moral value, human value, work culture নেইল, খেতির উৎপাদন যেমন, ধান, গম, যব, ডাইল-খৈ, চিনি-মদুর, খৌ-নুন, হৌ-পাত, ফল-মূল, মাছ, ঘি-সেঙ্কম বেমল - বোঁঠাক উৎপাদন নাইলে, কেতিয়ক - শ্রমিক, গাঙ - গরর মানুর উন্নতি নায়া শহর, নগর, মেট্রোপোলির মানুর উন্নতি অর।

সরকারো খরচা, টেক্স, ডিউটী, ফীজ আদি অতিপাত বাড়েইল, পোস্টাফিস - বেঙ্কে জমা রূপার দেয় সুদ অতিপাত কমেইলো। দেশসেবক আকৃতি, ইলেকশন লেহে ঠিকাদার, ব্যবসাদার, ডাঙরীয়া কর্মচারী, শিল্পপতি, উদ্যোগপতি, কল - কারখানার মালিক উতারাংত ধন পয়সা লৈয়া ইলেকশন খেলানি অকরলা।

সর্দার প্যাটেলে ১৯৪৭ ইংরেজী, ১২ অক্টোবরে, হুঁক - ডাঙর, ৬০০র গজে ভারতীয় রাজারে, ইউনিয়ন অফ ইন্ডিয়াত যোগ দেওয়াছিল। ঔদিন গিরকে, রাজা উতারে কথা দেছিল, মাতেছিল - "There was nothing by which the rulers could be forced to merge their states with India; that the privy purses were a quid pro quo for the rulers, ..parting with their ruling power and agreeing to the dissolution of their respective states as separate units: this was a small price to pay, for the bloodless revolution and securing the oneness of India."

The Government of India in May, 1970 decided to abolish the privy purses and other privileges of the rulers of the former Indian States 24th amendment bill. The bill was passed in Lok Sabha but failed to pass in Rajya Sabha. By a Presidential order, the government, withdrew recognition of all rulers. The government, thus did not keep its promise. কথা দিয়া কথা নাথনির নেতা জরম ঐলা। মানু সুবিচারেত্ত বঞ্চিত অনি - অকরলা। সরকারেই বঞ্চিত করানি অকরল হানতে আর কিহান থাইল। ডঃ মণি সিঙে আহি জিপেয়া ভারতর ক্রমাং বিবর্তনর ছবিহান দেহের।

মি মাংলু - চাচা, ভতিজা দেশমে মৌজমে হ্যায়, বুল্লে, মুজতবা আলিয়ে, কিশনলালরে মাতেছিল, -কচু সুখমে হ্যায়, -চাষ - বাস লাটে উঠে যাচ্ছে, মা ভগবতী প্রশান্ত মহাসাগর পাড়ি দিয়ে লিবার্টি টাওয়ারে গিয়ে উঠে জিরোচ্ছেন। তার সখের প্যাচা দেশমে ধান খেতে পাচ্ছে না। দুঃখ হবেনা।

অপরাধা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

ব্যাটা, সুখমে হ্যায়। হা হ্যায়! লেকিন ধানকা নেহি, ডলারকা। দেশে বিকাশ হচ্ছে, ধানের নয়, ধনের। কল - কারখানা - শিল্প - বাণিজ্য - যন্ত্রপাতি কম আছিল, শান্তি আছিল। ধন কমছিল, শান্তি আছিল। চিকিৎসা কেন্দ্র কমছিল, স্বাস্থ্য আছিল। শিক্ষানুষ্ঠান কমছিল, জ্ঞান - বুদ্ধি আছিল। খেতি - বাতি কমছিল, কিন্তু খানারতা আছিল। যন্ত্র কমছিল, যতা অছিল। দালান - কোঠা নেয়ছিল, ছনর গরে ইংহান আছিল। চাক - চিক্য নেয়ছিল, বেভার - হোঁনাবি আছিল। ডঃ মণি সিঙ সিগারেট পিয়া পিয়া আহি জিপেয়া জুম মারিয়া ছনিয়া থাইল। মি বারো মোর কথাহানি মাতানি অকরলু - স্বর্গরাজ্যর দৌ হাবি বিশ্বায়নর পুস্পক রথে লিবারেলাইজেশন সারথি মাতলিরেলো মর্ত্যরাজ্যে আয়া উপছিয়া। মর্ত্যরাজ্যহানরে স্বর্গরাজ্য গড়েইয়া তুলানিরকা। আমিতে মৈলেহে দেহাগ মর্ত্যহানাং এড়ে দিয়া আত্মাগরেল স্বর্গরাজ্যে গিয়া থাইয়ারগা। স্বর্গলোকে আমারতা গর - দোয়ার খানা - পিনা নালাগের। উপেয় আমারে জ্বি - পানি, রইদ - বরণ, নুয়ারা, আকৃতিয়া ছক নুয়ারের। আমার অশরীরি আত্মা বৌয়ে নিরলম্ব ঐয়া দৌর তুল স্বর্গে বুলে বুলে থার। আমারে উবাকা, রূপ, রস, শব্দ, গন্ধ, বর্ণে উপলব্ধি করে পারতারা। তুমি মর্ত্যরাজ্যহানরে স্বর্গরাজ্য হংকরে দিলেতে আমি মর্ত্যহানাতেই কায়া হীন অপরতাঙাইগা। দেবর দুর্লভ ভূ - স্বর্গহানাত আমি জরম অছিতাতে ভূস্বর্গহান ভোগ করিয়া লৈয়েলে পিছে, -কোটি জন্নে জন্নান্তরে প্রেমদাসী কোর মোরে, শ্রীচরণে ছাড় না বুলে স্বর্গরাজ্যে বিয়ারগাতা।

ডঃ মণি সিং, ছনতে ছনতে তার ধৈর্য্য হারেইল। হাবিতারতাউ সীমা আহান আছে। নাগৈতায়, হাইতায় আর কতি ছনত। গম্ গম্ গম্ভীর নারগলো মাংল - কমলাকান্ত, নিলকান্ত, দেশ - গাঙ - গরর উন্নতি নাছে, ভারতবর্ষর মানুর, উন্নতি নাছে, বিশেষকরে আমার বিষ্ণুপ্রিয়া মণিপুরী মানুর উন্নতি নাছে, এহান মি যাকরে নুয়ারলু। প্রাক-স্বাধীন ভারতে, বিশেষকরে, গাঙে মাটীর গর-বাড়ী, ছনর চাল, মাটীর পথ, গাড়িতে দুর, বহু গাঙে গোরুর গাড়ি পেয়া না চলিল। গাঙ পাচ - ছয় হানার হাদিত পাঠশালা ইন্সকুল আগৌ নেয়ছিল। হাইস্কুল শহরে, গাঙে, আকেইগী আছিল। তিন চারি মাইল আটিয়া গেলেগা পাঠশালা ইন্সকুল আগ পেইলা। নয় দশ মাইল আটিয়া গেলেগা হাই ইন্সকুল আগ পেইলা। জিল্লাগ নাগৈ, সারা রাজ্য হানাতেই আগ বা দুগ কলেজ আছিল। নিশ্চয় নিঃশিঙ ঐতারাই, সমগ্র কাছাড়, করিমগঞ্জ, হাইলাকান্দি, উত্তরকাছাড় পার্বত্য জিলাসমাউ আকগ কলেজ নেয়ছিল। এ জিলা এতার মানু শিলেটে মুরারী চান্দ কলেজে গিয়া পাকরলা। সমগ্র আসাম এহানাত ১৯৪৭ ইংরেজীর আগে কুন ইউনিভার্সিটি আগ নেয়ছিল। কলিকাতাত গিয়া পাকরলা। দেশ স্বাধীন অনার পিছে গৌহাটী ইউনিভার্সিটি অছেতা। এবাকা, গাঙে গাঙে দালান, টিনর গর। ছনর গর নেই বুঙ্কেউ যাকরের। গাঙর পথ

হাবি, হয় হিল বিছাছি, নাইলে পিচ্ দেছি। গাঙে গাঙে পাঠশালা। চারি পাচ মাইলে হাই ইন্সকুল। শহরে শহরে চারি পাচগ করে কলেজ, এমনকি বাজারে, গঞ্জে, কলেজ ঐল। আসামে এবাকা পাচগ ইউনিভার্সিটি। প্রাক-স্বাধীন যুগে, সরকারি আস্পাতাল, শহরে আকেইগি, ডাঙর ডাঙর বাজারে আকেইগি আছিল। এবাকা ফামে ফামে ৫০/১০০ বেডর আস্পাতাল লগে ডাক্তর দুগ, তিনগ, নার্স চারি পাচগ আছি। আগে সদরে যানা ঐলে কালা চিংখেইত উঠিয়া আটিয়া যানা লাগেছিল। গাড়ি, মোটর, বাছ আহান দুহান আছিল। এবাকা, গরে গরে গাড়ি, অটোরিক্সা, মোটর সাইকেল, সাইকেল। গাঙে গরে উঠানে গাড়ি, অটো, রিক্সা হমারগা। শৌ-শুমারা লেইরিক নাতামকরলা, আমার বুজন, হয় টোলে সমস্কৃত পাকরলা, নাইলে বকলম থাইলা। এবাকা, গরে গরে, জেলেই-মুনি, বি, এ, এম, এ ঐলা। আগে গাঙে কাচিং পাঠশালার মাস্টর আগ, পুলিশ আগ, লয়া আগ হাই ইন্সকুলর মাস্টর আগ আছিল। এবাকা গরে গরে চাকুরিয়াল, উকিল, ডাক্তর, ইঞ্জিনীয়ার, প্রফেসর, কিরানি, পুলিশ অফিসার, একসাইজ, কাস্টম অফিসার, ম্যাজিস্ট্রেট, সিভিল সার্ভিস, কত কত নিকুল্লা। আগে কাচিং আঙুলি লেহেয়া আগ বা দুগ, ভারতর বাহিরে বিদেশে গেছিলগা। এবাকা, বহু শৌ-শুমারা, এমনকি পরিবার ফুকয়া বিদেশে আছিলগা। আগে গাঙে গরে, মানু আগয় রুপা দশহান নিকালানি হিনপেইল। এবাকা রুপা ১০০ হান মাথলে গকক নিকালতারা। আগে, আমার মানু, শিলং, গৌহাটী, কলিকাতা, মুম্বাই, দিল্লী, নাদেহেছিল। এবাকা ভারতর কোনো সিটি, মেট্রোপোলি বাদনেই আছিল। আগে, এরোপ্লেন নাচড়েছিল। অবশ্য চড়ানিতে কিতা, বিশ্বযুদ্ধর, আমেরিকা, ব্রিটিশ, ফ্রান্স, জার্মানি, চীন, জাপান, রাশিয়া, এতার ফাইটার, বম্বার, কোরিয়ার এরোপ্লেন দেহেছিল। মাত্র। যুদ্ধর সালে হংকরেছিল। বিমান বন্দর ছাড়া, যাত্রীবাহী বিমানর সালে বিমান বন্দরেই নেয়ছিল। এবাকা, প্রায়গ জিলার সদর শহরে অসামরিক বিমান বন্দর আছে। হুদা ভারতর যেকুনো শহর, সিটি, মেট্রোপোলি নাগে, বিশ্বর যেকুন সিটি, মেট্রোপোলি, যে কুনদিন এরোপ্লেনে যানা পারতারা। আগে, ডেলিভারি অপারেশন বুন্নে, ঠৈ-মামিং চৈয়েলা। এবাকা, হার্ট ট্রেন্সপ্লেন্ট, কিডনি ট্রেন্সপ্লেন্ট, বুলতেউ কামহানসা, নাকরতারা।

আমি আস্তি-গড়া, কার-ধেনুক, বঙ্গম-জাঠি, তরোওয়াল-লাঠি, এতালো পাংকাল একেইতে, মোগল-পাঠানে কামান দাগেয়া পদানত করে থেছিল। বারুদ-বন্দুক, কামান-এরোপ্লেন-বম্ব ফুটেয়া ব্রিটিশে আমারে দুইশ বছর পরাধীন করে থেছিল। এবাকা, আমারতা পরমানু শক্তি ঐল, অন্তরীক্ষে আমারতাউ আধিপত্য আছে। সত্যগ্রহ করে করে, ধলা খুনৌ ফরদুয়া ফরদুয়া, বিশ্বশান্তি বুলে বুলে আছিল। এতা, এবাকা, টিট ফর

টেট বুলতারা। আমিযৌ এবাকা বিশ্বে শক্তি আহান। আকদিন আমি পরমুখাপেক্ষী আছিল। কৃষিজাতদ্রব্য, বিদ্যুৎ, ইস্পাত, কল-কারখানা, যন্ত্র-পাতি, হজক-পাতি, ফুতি-ফালি, ধন-পয়সা, কমনিয়। এবাকা, আমিযৌই বিশ্বর বাজারে আমার বয়-বস্ত্র-যন্ত্র-পাতি-হজক-পাত-ফুতি-ফালি-ইস্পাত-খাদ্যসামগ্রী চালান দিয়ার তানুর বাজারে ধন-পয়সাউ খাটেয়ার। কিহানতে উন্নতি নাছে? এতারে যদি উন্নতি নামাতিয়ার, চারালেপয়া, চালউরিয়া, অকালে চিকিৎসা নায়া মরেছিল, অক্ষর নাচিনেছিল, পথ-গাট, গাড়ি-গড়া নেয়া, পন্দর-বিশ মাইল আটেছিল। উহানরেই কি উন্নতি মাতিয়ারতা?

কথাহানি মাতিয়া, মণি সিং, সিগারেট আগ লাগেইল। কুন কথা নাগুজুরিয়া, বোয়ে বাহে যারগা সিগারেটর ধুমা, চেয়া চেয়া থাইল। মণি সিঙর নারে, মেইথঙে ছোয়নির হিরাম দেহিয়া কমলাকান্ত, নিলকান্ত, দ্বিযোগীয়ে, টটরানির সাহস নাকরলা। সিগারেটর টুমাহান, জ্বি নিবেয়া, এয়েই হানাৎ বেলাদিয়া, মণি সিঙে বারো মাতানি অকরলো -তোমার কথা আহানতে অতি চুম। অতি সুসংস্কৃত, কলা কুশলী, কুটীর শিল্প, কৃষিবিদ্যা পারদর্শি জাত আহান হিসাবে আমারতা যতহান উন্নতি অনা থকছিল, অতহান নাছে। কিন্তু, কুপকরে খালকরিয়া চেই, উহানাত, বিশ্বায়নর, উদারনীতির, কুনো দোষ আছেতা? মোর মতে, দোষ, হাবিতাই আমারতা, -বিশ্বযুদ্ধর পিছে পিছে, যুগ পালটে যারগা, গোড়ার খুরুপেথৌ চালাক ঐয়া পরিবর্তন ঐয়া আহের এহান আমি বুঝে নুয়ারেছিল। যেবাকা, খাংতা পরিবর্তনহান গুলার পানির সাদানে ছতগলো চারিযোবারা হাপদিয়া বুড়েয়া পাছয়েয়া আহিল, আমি উবাকা বেকাবু অপরলাংগা। আমি পরিবর্তনর তুল খাপ খা নুইলাঙ। পরিবর্তনে আনেদিলো সুযোগ-সুবিধা, আমি ল নুইলাঙ। স্বামী বিবেকানন্দ, যে গিরকরে, মহাত্মা গান্ধী, পণ্ডিত জওহরলাল নেহরু, বাল গঙ্গাধর তিলক, রবীন্দ্র নাথ ঠাকুর, জামসেদজী টাটা, হাবিয়েই আধুনিক ভারতবর্ষর পথিকৃৎ বুলতারা, ও গিরকে মাতেছিল -যে জাত সামান্য অন্ন-বস্ত্র সংস্থান করতে পারেনা -পরের মুখাপেক্ষী হয়ে জীবন যাপন করে, সে জাতের আবার বড়াই। যারা এক টুকরা রুটী গরীবের মুখে দিতে পারেনা, তারা আবার মুক্তি দিবে? -শ্রেষ্ঠদের দেখি চলার ছন্দ আমাদের চেয়ে অনেক বেশী জলদ -ওদের তুলনায় আমরা চলি যেন প্রায় টিমা তেতালায় বা আড়া ঠেকায়। ওদের প্রাণ শক্তির ছোঁয়াতে আমাদের ঘুম ভাঙল, ওদের গতির তুলনায় আমাদের গজেন্দ্র গমন লজ্জা পেল, ফলে আমাদের প্রাণে না হোক মানে বাঁচতে দীক্ষা নিতে হল ওদের তুরিং গতির। মস্তুর কর্ম্মাদের মস্ত্রদিল বিশ্বকর্ম্মার দল। আমরা ইংরাজি ভাষাটায় হঠাৎ পোক্ত হয়ে উঠলাম। এর ফলে, আমরা এসে পড়লাম -সেকাল থেকে একালে -হলাম আধুনিক।

একটা জাতিকে তুলতে হলে একটা অংশকে তুললে

হবেনা। গরীব, দুঃখী, নিম্নশ্রেণীর সকলকেই না তুললে, জাত উঠবেনা। শিল্প ও বিজ্ঞানের অধঃপতনই ভারতের পতনের মূল কারণ। ক্ষুধার্ত লোককে ধর্মের কথা বলা বা তাহাদিগকে দর্শনশাস্ত্র বুঝাইবার চেষ্টা করা বিড়ম্বনা মাত্র। We talk foolishly against material civilisation, material civilisation may be even luxury, is necessary to create work for the poor. Bread ! Bread ! I donot believe in a God who cannot give me bread here, giving me eternal bliss in heaven. Bread first and then religion. মণি সিঙে, খানি আহান জিরেয়া মাতের -নিলকান্ত, কমল -তোমারে মাতিং, ধর্ম, ধর্ম করেউ, রুহিবুত্তি মৌতুপ করে ধরিয়াউ আমি নাউ হিনপাছিলাঙ। কারণ, আমার পূর্বজয় ধর্মকর্ম, রুহিবুত্তির তুল আমার জনমকার কৃষিবুত্তি, জনমকার ফুতি - ফালি বুনাণী, বাউস-মিয়ার খেতি, গোরু -মৈষ পালানি নাউ এড়ে দেছিলা। তোমার মনে পড়তে পারে, আমার মানুষে বাজারেৎত হুদা নুন, হাওয়া, খানিমানি খৌ লছিলা। আমার ধন -পয়সা খরচ নাছিলা।

ডঃ মণি সিঙে, বার বিবেকানন্দ প্রসঙ্গে গেলগা -ইংরাজি ভাষা ও পাশ্চাত্য বিজ্ঞান শিক্ষাও আবশ্যিক। সঙ্গে চাষ -বাস, খেত কৃষি, শিল্প যাহা আমাদের আছে এবং পাশ্চাত্য দেশ থেকে যা পাব সেই সব। কৃষি দেবে অন্ন। অন্ন দেবে বল, বীৰ্য, শক্তি, সামর্থ্য। শিক্ষা দেবে জ্ঞান, বুদ্ধি, দৃষ্টি, আত্মবিশ্বাস, পাথের, সংস্কৃতি, সভ্যতা। শিল্প দেবে অর্থ, উপার্জন, ঐশ্বর্য, আত্মপ্রতিষ্ঠা। দূর হবে দরিদ্রতা। তখনই পাব ক্ষমতা, সন্মান, মর্যাদা। বিশ্বে হব বরণ্য।

ব্রিটেন, আমেরিকা, রাশিয়া, চীন, জাপান, পশ্চিম ইউরোপীয় দেশ হাবি, অস্ট্রেলিয়া, কানাডা, পৃথিবীর হাবি ধনতান্ত্রিক দেশ, কৃষি, শিল্প, শিক্ষা, বাণিজ্য, মাল্য করে ধরিয়া থছি। ডঃ মণি সিঙে, ডঃ কন্দর্পর "Rising inflation and Indian economy" পাকরিয়া হাবিরে হুয়েইল- The prices of essential commodities have been rocketing causing hardships to the people, more particularly, working class, daily labourers and fixed income groups. Essential commodities like rice, potato, onion, salt, kerosine, masur dal, moong dal, fish, mutton, egg, green vegetables and fruits are steadily going out of the reach of the common people. Reasons are excessive growth of money supply, the role of black money and ineducate growth of agricultural productions. Inadequate growth of agricultural production is the main cause of present inflation. Several studies have conclusively proved that total factor productivity (TFP) in the agricultural sector has been declining between 1980's and 1990's. এতা হাবি দেশ, এতা হাবি মানু হাবিয়েই মাত্তারা, এমনকি আমার গীতায়ো মাতের খেতি -বাতি, নিজর নিজর শিল্প, নিজর নিজর বৃত্তি ধরিয়া থনা থক, কিন্তু আমি পেইরাক -পাখিঙল

অপরূপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

অত্যাধুনিক অনা মনেয়া, হাবিতা আক লহমাং এরাডে বেলেয়া এবাকা দায় -দুর্কালিত পড়ে ছিতা। সমরজিৎ সিংহ গিরকে তার "নুয়ারাহান "(অপরূপা ৫ম সংখ্যা) য়ারিৎ মাতেছে উহানেই আমার মানুর চরিত্র -আমি খালকরে নুয়ারিয়ার। এহানেই আমার ডাঙর নুয়ারাহান। এ নুয়ারাহানেই আমারে বিকল করেছেতা। আসলে অনা থকছিলতা -নিজর যেতা যেতা আছে হাবি ধরিয়া থনা, পয়র যেতা যেতা পেইলাং, আনলাং উতা চালিয়া, জারিয়া হবাতা থৈয়া হবা নেইতা উরা বেলা দেনা। আমি মানুরতা আগে লইলাং, নিজরতা থক উরা বেলাঙ। এবাকা পন্তেয়ার। আমারতা বহুতে মাত্তারা -মানুর ঠার যেমন বাংলা, অহমীয়া, হিন্দি, ইংরেজী না টটরানি, উতা ঠারল নাপাকরানি। কিন্তু এহান আত্মবাহী ঐটে। এ ঠার এতালো তামকরেছি, পাকরেছি করে এহানিও আগ বাড়েছি। ঠার হিকিল মাছি হবা। হবানেই মাতিয়ার উহান আমার খালকরানি নুয়ারানি নুয়ারাহান। আমার সহজাত কর্ম বেলাছি উহানো আমার খালকরে নুয়ারানি নুয়ারাহানে করিয়াছেতা।

ডঃ মণি সিঙে, কমল, নিলকান্ত বারো মোরে মাতল -তুমার এ নুয়ারা এতা বেলেই। গাঙে গাঙে ঘরে ঘরে মাতগা বাংলা, অহমীয়া, হিন্দি, ইংরেজী, অন্য অন্য ঠার পারিল মাছি হিককা, মানুরতা হবা হবা যততা আছে হিককা, নিজরতা যত হবা হবাতা আছে চেতকরে ধরিয়া থকা, উতারমা অর্থকরী বিদ্যা, কর্ম, শিল্প, খেতি -বাতিতে সুপকরেউ এড়ানি নাকরের। এবাকা হুদা ভারত নাগৈ, সারা বিশ্ব, তার বিশ্বায়নর রথে চড়িয়া তেজে দান্দের এহানাং, আমি বিশ্বায়নর রথহানাং নাকহিতাঙাই, তার তুল চলে নুয়ারতাঙাই বুললে, আমি ঔ বিশ্বায়নর রথচক্রতলে পড়িয়া ছুন -ছাতু ঐয়া মৈমুত ঐতাঙাই। মণি সিঙে পল কথহান আকতা নিসীম নিলুয়া আতিংখাদে জিৎ ধরে চেয়া থাইল। দীঘল ঠুনিংখা আহান কারিয়া তাপ্ত তাপ্ত মাংল,- কিন্তু আমিতে কুনোদিনো নাহারেছি। গান্ধার চেলা-মাত্রী-ভোজ-কুরু-পাঞ্চাল-বিদর্ভ-কুন্তি-মিথিলা-অঙ্গ-বঙ্গ-কলিঙ্গ-হোনার মণিপুর-আসাম-ত্রিপুরা-বাংলা, এ শত শত বছরর যাত্রাপথ, আমার গৌরবর বিজয় যাত্রা। আমি নাহারেছি। আমি বিশ্বায়নর রথহানাং কেবল যে কাইতাঙাই, উহান নাগৈ, আমি সারথি ঐতাঙাই। কথা এতা, মোর মনে ঐল, মণিসিঙে মাতেরতা নাগৈ -কাবুল -কান্দাহারেৎত তক্ষশিলা, দ্রিষাদ্বতীয়েদে আর্য্যাবর্ত ঐয়া মন্দ -মৃদু -মধুর পবনে বহিয়া আনের। ইং বৌ আহানে গারীগ মাটিয়েয়া দেহাগ প্রাণবন্ত করে দিল। মি একদৃষ্টে তারে চেয়া থাইল।

লুহঙর সিংলেইগাছ

বিমলেশ সিংহ



বিষ্ণুপ্রিয়া মণিপুরী জাতি এহানাত জরম অছি বারো জরম এতারা মানু এতা হাবি পুস্তাপকরে হারপেয়ারতাই হিন্দু ধর্মাবলম্বী। হিন্দু ধর্মের নিয়ম-নীতি, পূজা-অর্চনা, দৌভজানি হাবিতাও গীতা, ভাগবৎ বারো রামায়ন - মহাভারততরেল চালকরিয়া হিন্দুধর্মের মূল মাহাত্ম্যহান উপভোগ করতারা। হিন্দুধর্মের আর আর জাতর মানুয়ে অবস্থালো ব্যবস্থা করিয়া নিয়ম-নীতির পরিবর্ধন, পরিশোধন প্রতিজ্ঞিয়া আনলেও আমার বিষ্ণুপ্রিয়া মণিপুরী সমাজর মানুয়ে সনাতন হিন্দুধর্মের পথগন্ত বিন্দুমাত্র অনড়, অচল, অটল অয়া হিন্দুধর্মের রসাস্বাদনে বিমুখ নাইতারা। উহানে বিষ্ণুপ্রিয়া মণিপুরী সমাজর ধর্ম এহান হাবি জাতর ধর্মরাংতো রামায়ণ গজ থকয়া আছে। উহানরকা আমি মানু মানুবাং মুর তুলিয়া টটরা পারিয়ার বারো মানুর মানু উতাও আমার নিয়ম নীতি দেহিয়া খাং লাগতারা। আমার সমাজর মাং-শেং বাছানিহান দেহিয়া মানুর মানুয়ে যুক্তি সঙ্গত বারো বিজ্ঞান সম্মত বুলিয়া নিংকরতারা। এহানাত মাং-শেং শব্দদ্বিযোগীর অর্থহান হারপেইতেগিয়া মাতানি মানাউরী যে মাং শব্দ এগর অর্থহান ঐলতায় না বা নাকরের। বারো শেং শব্দ এগর অর্থহান ঐলতায় হ্যায় বা যাকরের বা পরিস্কার। এ মাং-শেং বাছানি এহান রাম যুক্তি সংগতহান বারো গারীরকাও রাম কানাপা আচরণহান।

বিষ্ণুপ্রিয়া সমাজর মানু এতা পুংহাপ হিন্দুধর্মর মানু। গতিকে লুহংর ক্ষেত্রত হিন্দুধর্মর আইনমতে আটপড়ল (Copercenery) মানিয়া চলে আইতারা। উহানো আমার গৌরবর বিষয়হান। আটপড়ল বুলতে মালক বা বাপকর সম্পর্কর আটপড়ল পেয়া লুহং নাকরের বুলিয়া লুহংর হিন্দু আইনে লিপিবদ্ধ আছে। আটপড়ল লালইলে বাধা নেই বুলেছি। এয়ারী এহান হাবি গিরিগিথানীয়ে হভা করে হারপাছি।

লুহংর সময় আটপড়ল মানানি এহান আমার সমাজে যাকরিয়া আহেছিহান। সমাজ শৃঙ্খলামতে বিষ্ণুপ্রিয়া মণিপুরী সমাজে এহান যেসাদে মানতারা উসাদে অন্য সমাজে র্যাং দেহিয়ার।

আমার সমাজে স্বগোত্রর ভিতরে লুহং এহানল কোনে কাছায়, লয়ায় লয়ায় ভিনবিনানি আহান চলেছে। বারো কোন কোনগয় স্বগোত্রত বিয়া করিয়া নিংশিং গাটে পড়েছি বুলিয়া

অপরূপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

মেরাকে মেরাকে হনিয়ার। কিন্তু মি আজি পেয়া উপ নুয়ারলু স্বগোত্র এহানর আসল অর্থহান কিহান ? মোর আপাংপা বুদ্ধিমতে, স্বগোত্র শব্দর অর্থহান আইলতায় পারেঙহান। আগেকার দিনে আপা বপা গাছিয়ে ওয়া পড়ুয়ার পারেঙ উহানরে স্বগোত্র বুলেছিলাতা। তার অর্থহান ঐলতায় ওয়ার পড়ুয়ায় পড়ুয়ায় লুহং করানি নাকরেছিল। উহান মৌতুপ করে দরিয়া আমার সমাজে স্বগোত্র লুহং নাকরের বুলিয়া চালাছি। স্বগোত্র লুহং নাকরলেতে স্বগোত্ররমা ঘর মাঙনা-মাঙনি কিয়া নারতা ? বিষ্ণুপ্রিয়া মণিপুরী সমাজে স্বগোত্র বিচার এহানল বাছা বাছি করিয়া অযৌতিকভাবে সমাজর মানুরে ইনদেনা অরপারা।

সমাজরমা রাজা লকেই অইলেই মধুগল্য গোত্র। রাজালকেই নাগই বহু লকেই আছি, যেমন থাংচাপা লকেইউতাতে মধুগল্য গোত্র আছে। বারো কত থাংচাপা লকেই আছি যেতার গোত্র আত্রায়। গতিকে স্বগোত্র সম্বন্ধে পরিস্কার ধারণা পানা চিল। মোর মতে আটপড়লর লগে স্বগোত্রর পালতামনা কোনোমতেই নার। আটপড়ল এহানতে মানানি থক। রায়ী প্রসঙ্গে উল্লেখ করানি ঐল যে, রাবণে নীতি বহির্ভূত ঐয়া পরস্ত্রী ছকনির মনোভাবল সীতারে বলাৎকার করিয়া নেনির ফল স্বরূপ নিজর বিনাশ ডাহিয়া আনেছিল। অথচ রাবণ রাজায় নিজে পণ্ডিতগ অয়া এহানকি হারনাপাছিল যে তার জিলক আছিল সীতা গিথানক। হারপেয়াউ নাহারপানির ফলহান অছিল বিশ্ববিজয়ী রাবণ রাজার মরণ প্রভু শ্রীরামচন্দ্রর আতে। দুর্যোধন, দুঃশাসন দ্বিযোগী বাপক ধৃতরাষ্ট্রর কৃপাল হস্তিনাপুরর নায়ক বারো উপনায়ক অছিল। তানুর দ্বিযোগী স্বয়ং কুলবধু দ্রৌপদীর মান-মর্যাদাত হস্তক্ষেপ করতেগা রাজ্য হারাছিল বারো ধ্বংস অছিল।

(স্বগোত্রত আটপড়ল আমার সমাজে মানিয়া চলিয়ার উহান লুহং আইন সম্মত। হিন্দু লুহংর আইনে লিপিবদ্ধ আছে। রাজা লকেই অইলেই মধুগল্য গোত্র। থাংচাপা লকেইরমা মধুগল্য গোত্র বারো আত্রায় গোত্র আছে। উহানে স্বগোত্র এহান উপনি চিলসে। বিষ্ণুপ্রিয়া মণিপুরী সমাজে স্বগোত্র বিচার এহানল বাছা বাছি করিয়া অযৌতিকভাবে সমাজর মানুরে ইনদেনা অর পারা পাউরী। -মাতেছেতায় প্রবন্ধকার বিমলেশ সিংহ গিরকে। আমার শাস্ত্রকার, সমাজপতি, পণ্ডিত, জ্ঞানীগুণী শাস্ত্রবিদ বামুন ক্ষত্রিয় গিরক লকেয়ে কিহান মাতিয়ার ?)

সামাজিক উন্নতি বিধান

লেঃ কর্ণেল বিজয় সিংহ

সামাজিক উন্নতি বুলতে সাধারণত আমি হারপেয়ারতা বিশেষ সমাজ আহানর অথবা জাতিগোষ্ঠী আহানর উন্নতির কথা। এপেইত সামাজিক উন্নতি বুলতে বিষ্ণুপ্রিয়া মণিপুরী সমাজর উন্নতির গজে আলোচনা করানি অসে। এরে বিশ্বায়নর যুগেউ বিশ্বর প্রত্যেক জাতিগোষ্ঠীয়ে তানুর আলাদা আলাদা সভ্যতা-সংস্কৃতি বজায় থয়া নিজর অস্তিত্ব রক্ষার সালে সংগ্রাম করিয়া যিতারাগা। এসাদে আত্ম পরিচয়র চেষ্টালাই সমাজ অথবা জাতিগোষ্ঠীর উন্নতি বিধান অর বুলিয়া বুদ্ধিজীবীয়ে মাতারা।

এ ফির হারপেইক, জাতহানর পরিচয় কিসাদে দেনা।

ইতিহাসে পেয়ারতা, আর্যজাতি, দ্রাবিরজাতি, অনার্যজাতি, যেতার উৎপত্তি অছেতা ধর্ম বারো পরিবেশর গজে নির্ভর করিয়া। কিন্তুমান, পিসে পিসেদে জাতর পরিচয় দিতে ধর্মর প্রভাব কমানি অকরল। উদাহরণ দিক বুললে, তামিল, তেলেগু, বাঙ্গালি, উড়িয়া, অসমীয়া মণিপুরী, নাগা, আরতাউ কততা জাতির পরিচয় ধর্মল দেনা সম্ভব নাগয়। কারণ, এরে জাতি গোষ্ঠী এতাত বিভিন্ন জাতিগোষ্ঠী বসবাস করিয়া আসি। তবে, তানুর আকতা করিয়া পৃথিবীর বৃকে পালকরিয়া থরতা তানুর মাতৃভাষাহানে। উহানলো, আধুনিক যুগে মাতৃভাষাহানেই জাতহানর মূল পরিচয়হান বুলতারা। বিষ্ণু প্রিয়া মণিপুরী ভাষাহানরে মাতৃভাষা নিংকরতারা জাতিগোষ্ঠী উহানেই বিষ্ণুপ্রিয়া মণিপুরী জাতহান বুলিয়া পরিচিত।

সমাজর উন্নতি চিন্তা করতেগা পয়লাই প্রয়োজন পরেরতা সামাজিক চরিত্র গঠনে। বারো, অউ সামাজিক চরিত্র গঠন অইতইতা সমাজর প্রত্যেক মানুর চরিত্রর বিকাশল। উহানলো, প্রত্যেক বিষ্ণুপ্রিয়া মণিপুরী মানুর কর্তব্য অইতইতা, নিজরে উপযুক্ত মানুগ হংকরিয়া সমাজ বা দেশর সেবাত যৌয় পারানি। জেগই জেসাদে পারিল উসাদে সমাজ সেবা করানি উহানেই মানব সভ্যতা বিকাশর ডাঙর পত্ৰা আহান, উহানেই আসল ধর্মহান। সমাজর হার্বি মানুর পুষ্কাপ চেষ্টাহানরে সামাজিক উন্নতির কেইরাকহান বুলে পারিয়ার।

সমাজ উন্নতির নানান কারণরমা মূল কারণহান অইলতাই, শিক্ষার উন্নতি বিধান (Educational Development)। শিক্ষা এহানরে দুহান ভাগে বাটে পারিয়ার। আহান পরম্পরাগত ধর্মীয় শিক্ষা বারো আরাক আহান অপরাপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

আধুনিক বিজ্ঞানসম্মত শিক্ষা। সমাজ ব্যবস্থার গজে ধর্মীয় শিক্ষার প্রভাব এহানলো খানি আলোচনা করিক-

বিষ্ণুপ্রিয়া মণিপুরী সমাজর ব্যক্তি চরিত্র গঠনে পরম্পরাগত ধর্মীয় শিক্ষা এহানে ডাঙর ভূমিকা আহান পালন করে। চতুরাশ্রমর ধারা ইলয়া চলতারা আমার সমাজে ব্রাহ্মণ বারো ক্ষত্রিয় সারা বৈশ্য, শুদ্রর কোন অস্তিত্ব নেই। ফলে সমগ্র সমাজহানে নিজরে ক্ষত্রিয় বুলিয়া পরিচয় দিতারা। হউগদে বারো বামুনরে সমাজর পূজা-পার্বন চালানির লগে ক্ষত্রিয়রে ধর্মশিক্ষা, দীক্ষা দেনার দায়িত্ব দেসি। পরম্পরা ইলয়া গাঙে গাঙে মালঠেপ-মন্দির হংকরিয়া উতার নিত্যকর্ম চালানির গুরুদায়িত্ব বামুনরে দেনা অসে। মাঙে গেলেগা গাঙ আহানর ধর্মশিক্ষার কেন্দ্রগ অউ গাঙর বামুন উগর গরগ। বারো গাঙর বামুনগই অউ গাঙর ধর্ম-কর্ম বিষয়ে উপদেষ্টাগ বুলানি যাকরের।

বিষ্ণুপ্রিয়া মণিপুরী সমাজে যদিও ধর্মীয় জ্ঞান এতা ক্ষত্রিয় পন্ডিতে অর্জন করতারা তবুও গাঙর মুকসীগ এইগা বারো এইগায় মাতের উহানেই শাস্ত্রর যারীহান। এসাদে বিশ্বাস আহান আপাবপাত্ত থাগেছেগা। এহানেতে শাস্ত্রজ্ঞান নাতামকরেসে বামুনগয়উ তার অজ্ঞান মত উহানল গাঙর মানুরে ধর্মশিক্ষা দিতে কিতিকুরুম নার। গাঙে মানুষে গুরুদেবর বাক্যহান মাটিত বেলানি নামনেইতারা অথবা সেনাখয়ার লগে ধর্মর যারীল তর্ক বিতর্ক করানি উচিত নেই বুলিয়া ভাবতারা। হায়হানউ অক বা নাগয়হানউ অক এইগায় যেসাদে মাতের উসাদে কর্ম-কাসা করানিয়েই হবা এবিশ্বাস এহান এবাকাউ সমাজে বলবৎ অসে। ফলে ধর্মীয় শিক্ষা পানাতে দুরেই থাক, ধর্মর প্রতি মানুর অবজ্ঞার ভাব আহান সমাজে দেহা দে। এসাদে অয়া সমাজে দিনে দিনে ধর্মীয় কুসংস্কার, অন্ধবিশ্বাস, অমানবিক-অনুচিত চিন্তাধারা, অধার্মিক কার্যকলাপ আয়া জরম অইলগা। যেতার প্রতিবাদ সময়মত নাকরানিয়ে আজি সমাজর মানু অধার্মিক, অসহিষ্ণু বারো দায়িত্বহীন অইতে বাধ্য অইতারা। যারফলে বৃহত্তর সমাজ উন্নয়নে বাধা-বিঘ্নর সৃষ্টি অর। সমাজর বুদ্ধিজীবী গিরিগিথানীয়ে তিলয়া এহানর প্রতিকারর পথ আগ তুরাকরে নিকালানি লাগতই। যেপথগ ইলয়া সমাজর মানু দায়িত্বশীল, ধর্মর প্রতি বিশ্বাসী বারো মানবতার সন্মান দেনা পারানির ক্ষমতা অর্জন করতায়।

বিষ্ণুপ্রিয়া মণিপুরী সমাজে ধর্ম আলোচনার গজে গুরুত্ব দিয়া পূর্বপুরুষে একাদশীর ধর্মসভা, কার্তিকর নিয়মসেবা, রপচলন করে দিয়া গেসিগা। কালর হুতে উতার প্রাধান্য কমে যারগা। আজিকালি এরে ধর্ম সভা এতাত কতিহান ধর্ম আলোচনা অর মাতানি চলসায়ে। তারো কিসাদে করলে এরে ধর্ম-সংস্কৃতি এহান আধুনিক সমাজ গঠনে পাক্সাক করতই

উহানর চিন্তা করানি থক। 'লেরিক দেনা' এহানরে যুগোপযোগী করিয়া এহানরে ধর্মশিক্ষা দেনার মঞ্চ আহান হংকরিয়া সাধারণ মানুহে ধর্মীয় জ্ঞান দেনার হমা করানি থক। উপযুক্ত মানু উতায় বিদ্যাহান করে তালকরিয়া লেরিকে বয়া ধর্ম আলোচনা করলে, ধর্মোপদেশ দিলে সমাজর বিশেষ উন্নতি অইতই।

ধর্মশিক্ষা, ধর্মপ্রচার এতা মানব সভ্যতার বিকাশর অঙ্গ আহান। এরে এহান সমাজর হাবি মানুহে উপলব্ধি করানি লাগতই। সমাজর লয়ায় লয়ায় সাধুঠাকুরর সেবাশ্রম হংকরিয়া উতারে ধর্মশিক্ষার কেন্দ্রত রূপদিলে ধর্মপ্রচারর লগে লগে সামাজিক উন্নতিও অইতই। অউ আখারা উতার লগে শিক্ষা প্রতিস্থান আকেইহান হংকরিয়া জাতীয় কলা কৃষ্টির গজে মিললেং দেনা যাকরের। এ বিষয়ে রামকৃষ্ণ মিশনের কর্ম পদ্ধতি হাবিত্ব হবা উদাহরনবুলিয়া মাতানি পারিয়ার।

আধুনিক বিজ্ঞানসম্মত শিক্ষা বুলতে হারপেয়ার, যে শিক্ষাহান আজিকালি ইকুলে, কলেজে চলেসে। যুগর লগে তাল মিলেয়া চলানিরকা এশিক্ষা এহান নিয়াম দরকারীহান। সমাজর সৌ -সুমারা কিসাদে এরে শিক্ষার সিংহা এহানাত যৌয়নি পারতায় এহানল সমাজে চিন্তা করানি খুব দরকার পরেসে। সংগঠন হংকরিয়া সৌ -সুমারারে উচ্চশিক্ষার আসা -আকাংখাত পাংলাক করানি লাগতই। উঠিয়া আহিতারা সৌরে প্রকৃত পথ ইলকরে দিয়া পারলে উতায় ভবিষ্যতে মানু অয়া উপযুক্ত সমাজ সেবাবী অইতায়।

(ক্রমশঃ)

কেন্দ্রীয় সাহিত্য সভা, সিঙ্গারী

কেন্দ্রীয় সাহিত্য সভা, আঞ্চলিক সাহিত্য সভা, বিয়েমটিসি, সমাজ সংস্থা, ছাত্র সংস্থা, গণসংগ্রাম পরিষদ, বিয়েমটেক্সটপিসি, অআউইমেনস অর্গেনাইজেশনের সন্মিলিত সভা আহান বহেছিল ৩১/১২/২০০৬ইংরেজীং।

পতাকা উত্তোলন করেছিল প্রোঃ নামদেব সিংহগিরকে। গিরক সভাপতিও আছিল। সাহিত্য, আর্থ -সামাজিক ব্যবস্থা, শিক্ষক নিযুক্তি, ভাষা, লেইরিক -পত্র -পত্রিকা, কৃষ্টি -কলা, নৈতিকতা, সাংগঠনিক অবস্থা এতালো বিশদ আলোচনা করেছিল। আলোচনাও ভাগ লছিলাতা -সর্বশ্রী ও সর্ব সিংহ- ইন্দ্রকুমার, দেবদত্ত, চিন্তামনি, রাধাকান্ত, হরিকান্ত, প্রোঃ বিমল কৃষ্ণ, গোপেন্দ্র কুমার, মণিকান্ত, নরেন্দ্র চন্দ্র, মহেন্দ্র, অনিল কৃষ্ণ, সমীর, সুবল, শ্রীমতি মনোরমা সিংহ ও শ্রীমতি রীতা সিংহ।

মনিকান্ত সিংহ, সাধারণ সম্পাদক, সাহিত্য সভা।



শিশু খাদ্য

ডঃ সুকুমার সিংহ



আধুনিকতায় লাগপেয়া
আমার মালক লকেইয়ে মালকর বুনি
পিওয়ানি এরেনেছি দিনেত্তু ব্রেইনি
শৌ শুমারা নেয় জিতারাগা। উহানে
এবাকা বার পত্র -পত্রিকাত বিজ্ঞাপন
দিয়ারগাই স্বাস্থ্য বিভাগে মাতাত
লাগেছি মালকর বুনি পিওয়েই শৌর

৫ বছর বয়স পেয়া ব্রেইনর ডেভেলপমেন্ট নিয়াম অর।
পিছেদে তাপয়া অর। শৌ এগ জরমেত্তু ছয় হাতমা পেয়া
মালকর বুনি পিয়া গারীগর পুস্টি, মনর গড়ন, বুদ্ধি -লৌশিং
এতা হাবি পা জিতারাগাতা। পাংকালপা মালকর শৌ বলি -
পাংকাল, দুর্বল মালকর শৌ দুর্বল অয়তারা। ব্রেইনি
পাংকালপা শৌ পানা মনেইলে মালকর গর্ভত্তু যত্ন করানি থক।
মালক এগ গর্ভবতী অইলে হবা হবা পুস্টিকর আহাংর দেনা
থক। শৌ এতা বলী পাংকাল ব্রেইনি নাইলে সমাজ আহাংর
জাত আহাংর উন্নত অনা নুয়ারতারা। ছয় হাতমা অনার
পিছেদেত্তু শৌ এগরে মালকর বুনির অতিরিক্ত বয়স্ক মানুর
খানা উতাউ খানি খানি দেনা লাগের। তবে সহজে হজম করে
পারব উতা। গুরুর সেলকম, হৌ -পাত, ফলমূল, মাছ -ভাত,
ডাইল, বিস্কু পানি, এতা এতা দেনা উচিত। উপযুক্ত খানা
পিনা উতা, যেমন -

- ১। কার্বহাইড্রেট বা শর্করা
- ২। প্রোটিন বা আমিষ
- ৩। চর্বি বা খৌ
- ৪। মিনারেলস্ বা খনিজ বা ধাতু জাতর
- ৫। ভিটামিন
- ৬। ওয়াটার বা পানীয় জল।

অর্থাৎ সুসম খাদ্য বা ব্যালানস্ ডায়েট। ভাত, কুটী,
ডাইল, মাছ, ডিম, সেলকম, বি, মাখন, খৌ, আসাংপা হৌ -
পাত এতাৎত আমি ছয়োহান খাদ্য পেইয়ার। পানি খানি
আঠেপা পিওয়ানি লাগের। ভিটামিন বুস্তে -ভিটামিন এ, বি,
সি, ডি, ই বুলিয়া হারপেইয়ার। ভিটামিন বি, বি -কম্পলেক্স
হিসাবে থার। এতা হাবি ভিটামিনরে মাল্টি ভিটামিন বুলিয়ার।
মিনারেল বুস্তে আয়রন, কেলসিয়াম, ফসফরাস, জিন্ক তামা,
মেগনেসিয়াম, মেঙ্গানিজ, মলিবডেনাম, সেলেনিয়াম, সডিয়াম,
অপারপা, ৪র্থ বছর, ৬ষ্ঠ সংখ্যা, ভাদ্র, ১৪১৪ সন

পটাসিয়াম, ফ্লোরাইড কার্বনেট, অক্সাইড। এতারে
মালটিমিনারেলস বুলিয়ার। আজিকালি স্বাভাবিক প্রাকৃতিক
খাদ্য জোগাড় করানি হীনৈল। আকবেদে অতিপাত দাম
অন্যবেদে প্রদূষণ। তেব তেবৌ আমি যতহানি পারিয়ার
স্বাভাবিক প্রাকৃতিক খানি খৌয়ানি লাগের। বার, উতার
উপরিও হজক হিসাবে


১। মাল্টি ভিটামিন মালটিমিনারেলস

২। আয়রন প্রটিন ভিটামিন -বাজারে জিন্ক বুলিয়া বেচতারা
উতা খৌয়ানি লাগের।

শৌরে ৩ বছর পেয়া ৫/১০/ ১৫/২০ ফোটা
একবেলা/দ্বিবেলা খয়ানি।

৩ বছরেত্তু ৫ বছর পেয়া আধা চামচ/এক চামচ
একপবেলা/দ্বিবেলা খানার পিছেদে খৌয়ানি থক। ব্রেইনর
ডেভেলপমেন্ট -গড়ন, গঠন, পুস্টিকর লাগেরতাই -আয়রন,
প্রোটিন, ভিটামিন ক্যালসিয়াম, জিন্ক এহানি।

ব্রেইন সেল এতায় গারীগর হাবি যন্ত্র-পাতির সঠিক
করে করানি এহান জরম অনির আগেত্তু, মালকর গর্ভে হমানির
সময়েত্তু মরানির আগ মুহূর্ত পেয়া করিয়া যারগাতা। ব্রেইন
সেল অক্সিজেন ছাড়া জিংতা নায়তারা বা কাম করে
নুয়ারতারা। আমার রকতে ব্লাডসেল বা রক্তকনিকা আছে
যেতায় রক্তর রং রাঙা করেছেতা। ব্লাডসেলর ভিতরে
হিমোগ্লোবিন -রাঙা পদার্থ -আকতা আছে। এ হিমোগ্লোবিন এতা
আয়রন বার প্রোটিন দ্বিযোতায় তিলয়া হঙরতা। হিমোগ্লোবিনে
ফুসফুসে নিঃস্বারতুল আহের বৌয়ে থার অক্সিজেন চুষিয়া
অক্সিহিমোগ্লোবিন অলয়া রক্তর তুল ব্রেইনে গিয়া ব্রেইনসেলে
অক্সিজেন জোগার। ব্রেইন সেল উতায় ঔ অক্সিজেন পেয়া বলী
পাংকাল অইয়া ব্রেইনর কামকরের। উহানে আয়রন বার
প্রোটিন শৌর খানার তুল থানা অতি প্রয়োজন। কনাকে মালক
লকেইয়ে শৌরে বুনি পিওয়ানি অতি কানা। ৩ বছর পেয়া।
উতার পিছে গুরুর সেলকম, লগে যেতা যেতা মাতেছু, উতা
উসাদে খৌয়ানি -পিওয়ানি দরকার।



বু কে		
শ র		
বু ম গু	রা	চ লং


শ্রীশ্রীরাধামাধবকীর্তি সেবাপূজা বার মন্দির নির্মাণের ২০০৬ ইংরেজীর আয় ব্যয়ের হিসাব

প্রতাপগড় আঞ্চলিক কমিটি, ২৯-০৬-২০০৭ ইংরেজী।

নরেন্দ্র কুমার সিংহ, সভাপতি
পারুগাও, তিনোখাল, প্রতাপগড়

বাবুসেনা সিংহ, সম্পাদক
কচুবাড়ী, প্রতাপগড়

(সভাহান ভক্ত শ্রী কালানন্দ সিংহ, জামিরারা, গিরকর
আদর আপ্যায়নে তার গরেই বহেছিল)



ব্যয়	
মন্দির বাবদ	২০,০০০.০০
সেবাপূজা বাবদ	১০,২০০.০০
দোল পূর্ণিমা	৫০০.০০
কেদ্রিয় ফান্ড	৪০০.০০
স্থায়ী ফান্ড	২০০.০০
নবদ্বীপ	২০০.০০
চাঁদা রসিদ ছাপা	৯০০.০০
নৈঃ ব্যয়	১০০.০০
সাঃ সং ভ্রমণ ভাতা ২০০৫ ইং	৬০০.০০
" " ২০০৬ ইং	৬০০.০০
বাৎসরিক রিপোর্ট	৩০০.০০

মোট ব্যয় ৩৪,০০০.০০

আয়	
মন্দির বাবদ আদায়	৫৮১৪.০০
পূর্ব তহবিল	২২২১৩.০০
সেবাপূজা	১৫৫৮৫.০০

সর্বমোট আয়	৪৩৬১২.০০
সর্বমোট ব্যয়	-৩৪০০০.০০
বর্তমান তহবিল	৯৬১২.০০

সুভাস চন্দ্র শর্মা/মদন মোহন শর্মা
হিসাব পরীক্ষক

বিক্রমপুর আঞ্চলিক সাহিত্য সভা

আঞ্চলিক সভার সভাপতি শ্রীযুৎ মাইপাক সিংহ গিরকর সভাপতিত্বে বহেছিল সভাহানাৎ অন্যান্য আঞ্চলিক সমিতির কর্মকর্তা, ছাত্র সংস্থা, গণসংগ্রাম পরিষদ, মহিলা সমিতি আদির সদস্য উপস্থিত অছিল। সভাৎ সাহিত্য চর্চা, এলা, সাংগঠনিক বিষয়, আর্থ-সামাজিক পরিস্থিতি, ভবিষ্যৎ কর্মপদ্ধতি আদি আলোচনা করেছিল। বিশেষ করে সাহিত্য, সাহিত্য পত্রিকা, আমার ঠারর লেখকের প্রকাশ বার বিকাশর গজে আলোচনা অছিল। সভাৎ ভাষণ থছিলাতায় -প্রোঃ নিশিরঞ্জন, প্রাঃ অধ্যক্ষ বিমল কৃষ্ণ, সাহিত্যিক ইন্দ্র কুমার, সভাপতি ছাত্র-সংস্থা-অনিল কৃষ্ণ, চেয়ারম্যান গণ সংগ্রাম পরিষদ -সমীর, সভাপতি গণ সংগ্রাম পরিষদ -সুবল সিংহ, সাহিত্য সভার উপদেষ্টা শ্রী গোবিন্দ সিংহ। আদর আপ্যায়ন করেছিল গোবিন্দ সিংহ বার সুবল সিংহ গিরকর গাছিয়ে।

সম্পাদক, আঞ্চলিক সাহিত্য সভা।



অপৰূপাৰ নিয়মাবলী

- ১/ “অপৰূপা” সাহিত্য সংকলনহানৰ দাম প্ৰতি সংখ্যা ৰূপা ২৫ হান।
- ২/ সংকলনহান ডাকযোগে দিয়া পেঠানি ঐতে।
- ৩/ সংকলনহানৰ দাম (তিন মাহা / ছয় মাহা / বছৰ আহান) অগ্ৰীম দেনা লাগতৈ।
- ৪/ সংকলনহানৰ দাম Cheque/Draft/ M.O./Cash দেনা পাৰতাঙাই।
- ৫/ গ্ৰাহকৰ নাঙ, ঠিকানা গাওঁৰ নাং / শহৰৰ নাং / পথৰ নাং / ঘৰৰ নম্বৰ / পোষ্ট অফিস / পিন নম্বৰ / টেলিফোন থাইলে টেলিফোন নম্বৰ দিলে সংকলনহান দিয়া পেঠানিত সুবিধা ঐতে।

- ১/ বিজ্ঞাপনৰ বিষয়বস্তু Logo / Design/ Literature পৰিষ্কাৰ কৰে ইকৰিয়া বা ছাপেইয়া দিলে হবা।
 - ২/ বিজ্ঞাপনৰ মাশুল অগ্ৰিম দেনা লাগতৈ।
 - ৩/ বিজ্ঞাপনৰ মাশুল
- | | ভাগ | ৰূপা |
|--------------------------|----------------------------|---------|
| হাদিৰ যে কোন পৃষ্ঠা আহান | | ৫০০ হান |
| হাদিৰ যে কোন পৃষ্ঠা আহান | পৃষ্ঠাৰ দুই ভাগৰ ভাগ আহান | ২৫০ হান |
| হাদিৰ যে কোন পৃষ্ঠা আহান | পৃষ্ঠাৰ চাৰি ভাগৰ ভাগ আহান | ১০০ হান |

‘অপৰূপা’ত লেখা দিয়া পেঠানিৰ নিয়মাবলী

- ১/ লিখা পৰিষ্কাৰ ডাঙৰ আখৰে, আৰু পৃষ্ঠাত ইকৰানি লাগতৈ।
- ২/ অমনোনীত লেখা ফিৰং পানারকা উপযুক্ত ডাক মাশুল দিয়া নাং ঠিকানা ইকৰা খাম আগ দেনা লাগতৈ।
- ৩/ মনোনীত লেখা সংকলনহানাত ছাপলে ঐ লিখা ফিৰং দেনা নাইতৈ।

সৰ্বপ্ৰকাৰ সম্পৰ্কৰকা

M.K. Sinha, IFS (Retd.)

Rajgarh Road, West by lane - 12

Kundil Nagar, House No. - 47

Guwahati - 781 007

☎ : 2524841

মণীষ কুমাৰ চক্ৰৱৰ্তী


পৰিচালক



ফলেই



৪৭- রাজগড় রোড, ওবেষ্ট বাইলেন-১২, কুণ্ডিল নগর, গুৱাহাটী - ৭৮১০০৭, ফোন - ২৫২৪৮৪১



উত্তর-পূর্ব ভারতে বিযুঃপ্রিয়া মণিপুরী হস্ততাত-বস্ত্রশিল্পৰ একমাত্র দোকান। অসম, বাংলা, মণিপুর, নাগালেণ্ড, মিজোরাম, অৰুণাচল, উড়িষ্যা, উত্তর প্রদেশ, হরিয়ানা, কাশ্মীর, হেঙলুম বারো হেণ্ডিক্রেফটৰ নিৰ্ভৰযোগ্য দোকান। ১৯৯৬ ইংরেজীত জাতীয় সেৱাত ব্ৰতী আছে।

An Outlet of North-East Women's Welfare Society-Assam

বিযুঃপ্রিয়া মণিপুরী ঠাৱৰ লেৱিক-লাইছো, পত্ৰ-পত্ৰিকাৰ একমাত্র গ্রন্থাগাৰ।

পরিচালক
ফলেই

Culture Handloom, Habit Handloom Support poor womweavers of the North-East
Culture Writing, Habit Reading Support Mother Tangué, Serve the People

Management
Phalei